Алишер НАВОИЙ

МАХБУБ УЛ-КУЛУБ

БИСМИЛЛОХИР-РАХМОНИР-РАХИМ

Хамд ангаким, зотиға ҳамд ончаким, сазовордур, айтса бўлмас ва сано ангаким, эҳсониға сано ончаким, ери бордур битса бўлмас. Зоти жамиъ камолат сифоти била мавсуф, сифотидин мажмуъи камолот кашф аҳлиға макшуф. Танзиҳи тил шарҳ қилурдин мубарро, тақдиси эл васф этардин муарро. Азамати боғида сипеҳри даввор бир нилуфардин кам ва қудрати оллида нужуми собита ва сайёра ул нилуфар юзида бир неча қатраи шабнам. Нилуфар юзига шабнам сочқучи ҳам ул ва шабнам суйидин нилуфарзор, балки гулистони Эрам очғучи ҳам ул. Бениёзлиғи жанбида чарҳи нигун бир гадой, ниёзманд ва чорасозлиғи оллида даҳри буқаламун бир бечораи ажзпайванд. Вужуди мулоҳазасида офариниш вужуди номавжуд, зоти мутолаасида аввалин ва оҳирин буди нобуд. Хони эҳсони теграсида олий шон шоҳлар ризққа сойил ва илми бепоёни тааққулида олий макон огоҳлар жаҳлга қойил. Қаҳҳорлиғи сарсари учурурға собит ва сайёр, настараннинг сочилғон яфроғлари жабборлиғи қуюни совурурға даҳри ғаддор. Байт улҳазаннинг тукулғон туфроғлари йукни бор қилмоқ ва борни йуқ қилмоқ анинг қудратиға осон, бору йуқ ва йуқу бор анинг эҳсонидин умидвор ва қаҳридин ҳаросон. Бир овуч туфроғни малакут ҳайлида ҳилофат таҳтиға ўлтурмоқ анга ярашур ва йиллар малоикаи муқаррабинға пешволик қилғоннинг буйниға лаънат тавқи ул солур.

Китъа:

Қодиреким, қудратидин мунча юз амри ғариб, Бўлса ҳар соатда мавжуд андин эрмастур ажаб, Ўн секиз минг оламу одам яратиб, айламак Бир кишини офариниш дафтаридин мунтахаб.

Ул қила олур анга келди мусаллам бу умур, Гар ўзи эрди мусаббаб, лек бу бўлди сабаб.

Ва дуруди номаъдуд ул махбуби окибат Махмудғаким¹, хак таоло анга курб ва манзилат бердиким, олам ва одам вужудидин максуд анинг вужуди эрди. Хужаста тийнати рухи покдин тохир ва фархунда хилкати аносир таркибидин пок эркани зохир. Аносирининг² ели Масих³ анфоси ва туфроғи Яъкуб⁴ кўзининг тўтиёси ва суйи Хизр⁵ чашмасининг зулоли ва ўти калим дарахтининг нори иштиъоли. Бу аносирни рухи пок деса ери бор ва рухиға рухи фидок демак сазовор. Тойири сидранишин Буроки⁶ баркгоми ва сойири. Рух ул-аминнинг⁷ улви хироми. Афлок шабистони юзи бахоридин гулшан ва малоики уюни рахши ғуборидин равшан. Каломи шаънида «Маянтику инал хавй»⁸ ва нутки баёнида «ин хува илло вахюн юхо»⁹. Асрори илохиға зоти амин ва иноят номутанохидин оти «рахмат ул-оламин»¹⁰.

Маснавий:

Ики гисуси ики лайлат ул-қадр, Бу янглиг ики лайл ичра юзи бадр, Лайлу бадр ўлуб шамьи шабистон, Узоридин хўй анда кавкабистон. Бу кавкаблардин айлаб тенгри мавжуд, Нубувват маьшарига дурри мақсуд. Нубувват спеҳрида қуёш эркони маълум, Мусоҳиблар шаънида асҳоби каниужум¹¹.

(Саловати Оллохи алайхи ва ало олихи ва асхобихи ало явмиддини) 12.

Аммо баъд: фукаронинг гадойи ва ғароиб мастураларининг чехракушони ал-факир ул-ҳақир Алишер ал-мулаққаб бин-Навоий (ғаффара зунубиҳи ва саттара айюбиҳи)¹³ мундоқ арз қилур ва адосин ўзига фарз билурким, бу хоксори паришон рўзгор шабоб авонининг бидоятидин куҳулат замонининг ниҳоятиғача даврон вокеотидин ва сипеҳри гардон ҳодисотидин ва даҳри фитнангиз буқаламунлуғидин ва замонаи рангомиз гуногунлиғидин муддати мадид ва аҳди баид ҳар навъ шиқ ва суратда ақдом урдум ва ҳар тавр сулук ва кисватда югурдум ва ўзумнн яҳши-ямон ҳизмат ва суҳбатиға еткурдим. Гоҳ мазаллат ва ано вайронида шеван кўргуздум ва гоҳ иззат ғино бўстонида анжуман туздум.

Маснавий:

Гахе топдим фалакдин нотавонлиг, Гохе кўрдим замондин комронлиг, Басе иссиг, совуг кўрдўм замонда, Басе аччиг, чучук тоттим жахонда.

Ифлос ва нотавонлиғ ҳангомида, яъни фалокат ва номуродлиғ айёмида гоҳ илм мадорисида сафи ниолда ер туттум, гоҳ уламо мажлисида илм нуридин кўнгулни ёруттум. Гоҳ атқиё масожидида алар қадами етган ерга юз қўйдум ва сажда касратидин манглайим терисини сўйдум. Ва гоҳ сафо хонақоҳи аҳли ибрикиға сув қуймоқ била аржуманд бўлдум ва гоҳ фано дайри ҳайли сабукашлигидин сарбаланд бўлдум. Ва гоҳ лаимлар олида хорлиғ ва гоҳ арзоллар олида беэътиборлиғ кўрдум. Ва гоҳ ишқ кўйида бебоклик ва одамийкуш паричеҳраларға ҳалоклик даст берди. Ва гоҳ жунун маҳалласида арзол бўйнумға силлий урдилар ва атфол бошимға тош ёғдурдилар ва гоҳ шаҳрим эли ситамидин ғурбатка туштум ва ғариб ҳалойиқка қўшулдум ва қовуштум. Ва жибол кулласи оромгоҳим бўлди ва гоҳ саҳро этоги паноҳим бўлди. Ва гоҳ ғурбатда алил ва ғариб элга залил бўлдум. Гоҳ бу шиддатлардин азми ватан қилдим. Ва гоҳ азизлар хизматидин ўзумни баҳраманд ва сўзумни дилписанд ва аржуманд топтим.

Рубоий:

Гардун гах манга жафоу дунлуқ қилди, Бахтим киби ҳар ишта забунлуқ қилди,

Гах ком сари рахнамунлуқ қилди, Алқисса: басе буқаламунлуқ қилди.

Аммо шуғл ва комронлиқ чоғида ва кўнгул мулки халқ ҳужуми булғоғида ва гоҳ аморат маснадида ўлтурдум ва ҳукм ва ҳукумат маҳкамасида додҳоҳ сўрдум ва гоҳ подшоҳ наёбатида тараққуб туздум ва наззорагар элга ўзумни комрон кўргуздум. Ва гоҳ макрумат айвонини макон қилдим ва акобир ва ашрофни таъзим юзидин меҳмон қилдим. Ва гоҳ нишот боғида базм тарҳи

солдим ва соқий ва мутриб базму симоидин бахра олдим. Ва гох салотни мухолафатларида ароға кирдим ва мунозаатларин мувофақатға қарор бердим. Гох ҳарб маъракасиға ўзумни солдим, ва жаҳл ва нодонлиқ туҳматин бўйнумга олдим. Ва гоҳ ҳайрот аҳлиға ўзумни қоттим ва ҳар навъ ҳайр буҳъалари тузаттим, андоқки, саъйимдин работлар бўлди ва андин мусофирларға нишотлар бўлди.

Байт:

Димогима тушубон кўп тасаввуру пиндор, Ўзумни жоху улуглукка айладим изхор.

Бу муқаддимотдин мақсад буким, ҳар кўй ва кўчада югурубмен ва олам аҳлидин ҳар навъ элга ўзумни еткурубмен ва яхши-ёмоннинг афъолин билибмен ва ямону яхши хислатларин тажриба қилибмен. Хайр ва шаръдин нўш ва ниш кўксумга етибдур ва лаим ва карим заҳм ва марҳамин кўнглум дарк этибдур. Ва замон аҳлидин баёзи асҳоб ва даврон ҳайлидин баъзи аҳбобки, бу ҳоллардин ҳабарсиз ва кўнгуллари бу ҳайр ва шаррдин асарсиздур.

Китъа:

Не билгай ул кишиким, шахду майни тотмайдур Ки, васлу ҳажр киби ул чучук дурур, бу ачиг. Билур залил мусофирки, пўя айларда, Куму тўзонг юмшог, тогу хорадур қатиг.

Бу навъ асҳоб ва аҳбобға интибоҳ қилмоқ ва аларни бу навъ ҳолатдин огоҳ қилмоқ вожиб кўрундики, ҳар тоифа ҳисолидин вукуфлари ва ҳар табақа аҳволидин шуурлари бўлганки, муносиб эл ҳизматиға шитоб қилғайлар ва номуносиб эл суҳбатидин ижтиноб вожиб билгайлар ва бори эл била маҳфий розларин сўзлашгайлар ва шаётин ва инс макру фирибдин бозий емагайлар. Ва ҳар навъ эл суҳбат ва ҳусусиятики, аларга ҳавас бўлғай, бу фақирнинг тажрибаси аларға бас бўлғай.

Чун бу мақолатнинг қулубға маҳбублуғи маълум бўлди, анга «Маҳбуб ул-қулуб» от қуюлди. Ва бу битилган фавоиднинг кайфияти чун билилди, ани уч кисм қилинди.

Аввалғи қисм: соир ун-носнинг афъол ва ахволининг кайфияти 14.

Иккинчи кисм: ҳамида афъол ва замима хисол хосияти¹⁵.

Учинчи қисм: мутафарриқа фавоид ва амсол сурати¹⁶.

Умид улким, ўкуғувчилар диққат ва эътибор кўзи била назар солғайлар ва ҳар қайси ўз фаҳму идроклариға кўра баҳра олғайлар, битгучига ҳам бир дуо била баҳра еткургайлар ва руҳини ул дуо футуҳи била севундургайлар.

Аввалги кисм

ХАЛОЙИК АХВОЛ ВА АФЪОЛ ВА АКВОЛИНИНГ КАЙФИЯТИ

Ул кирк фаслдур

Биринчи фасл

ОДИЛ САЛОТИН ЗИКРИДА

Одилу оқил подшох ибодуллоҳға зиллуллоҳ. Хилофат мулки анинг фармонида «инни жоилун фил арз халифа» 1 нинг шаънида. Буким одил подшоҳ таърифдин бийикроқ эрур «валадат физ-замон ас-султон ул-одил 2 » андин хабар берур. Улки анинг зоти била мубоҳидур хожаи кавнайн 3 дебдурким, «адли соат хабара мин ибодат ул-саҳлин» 4 .

Одил подшох хакдин халойиққа рахматдур ва мамоликка мужиби амният ва рафохият. Куёш била абри бахордек қора туфроғдин гуллар очар ва мулк ахли бошиға олтун била дурлар сочар. Фуқаро ва нотавонлар анинг рифк ва мадоросидин осуда, залама ва авонлар анинг тиғи сиёсатидин фарсуда. Хиросатидин кую кузи бури хавфидин эмин ва сиёсатидин мусофир кунгли қароқчи ваҳмидин мутмаин. Рифъатидин ҳар мактабда атфол ғавғоси ва мухофазатидин зуафо ҳаммомида аларнинг алолоси, ҳайбатидин йуллар қароқчидин холи ва қуллар тула улус моли ва забтидин амалдорлар қалами синуқ ва ситамкорлар алами йикуқ. Жиддидин масожид жамоат аҳлидин мамлу ва мадорис баҳс ва жадал ҳайлидин ғулув. Қисоси тиғидин уғри илги эл молидин кутоҳ, интиқоми биймидин қотиъ тариқ ҳоли адам биёбонида табоҳ. Туннинг купи дуконларда савдо учун шамъ ва авбош куча гаштидин кунгуллари жамъ. Шомдин то саҳар хонақоҳлар эшиги очуқ ва хилватлар ибодат нуридин ёрук. Шаҳрда қуйлар посбони ул, ёзида қуйлар шубони ул. Раийятға саро ва боғ андин маъмур ва сипоҳиға ком ва фароғ андин мавфур.

Андин кечалар атрок зуафоси иши ўрғуштак ва атфол варзиши оқ сўнгак. Ажузлар чарх уни мадди била анинг дуосиға нағмасоз ва канизаклар момуқ сабамоқ уни била анинг олқишиға нағмапардоз. Фуқаро иши анга ҳам дуо ва ҳам нозиш, анинг даъби фуқароға ҳам сахо ва ҳам навозиш.

Очлар ғизоси базл ва атоси хонидин, яланғочлар либоси хизонаи лутф ва эҳсонидин. Мулк боғин маъмур қилурға абри сероб ва мулк аҳли кўзин ёрутурға меҳри жаҳонтоб. Ўзга мулкнинг раоё ва ҳалқи анинг орзусида ва яна кишвар мазлумлари анинг адли дуоси гуфтигўсида. Яҳши отиға уламо иши расоил тартиби ва яҳши сифотиға шуаро варзиши қасойид таркиби, муғаннийлар иштиғоли саноси учун суруд тузмак ва мусаннифлар мақоли дуоси оҳангида нағма кўргузмак. Халқ ризосидин ҳақ ризосиға толиб ва додҳоҳ сўрарда сўруғ куни ваҳми кўнглиға ғолиб.

Маснавий:

Улус подшохию дарвешваш, Анга шохликдин келиб факр хаш,

Жаҳондорларға сипеҳр интибоҳ, Валий аҳли фақр олида хоқи роҳ,

Жахон мулки олинда хошокча,

Вале бир кўнгул мулқи афлокча.

Бори бенаволар навосози ул, Хамул навъким, Шох Абулгози⁵ ул,

Келиб айни инсону инсони айн, Жахон вориси Шох Султон Хусайн

Ки, то бўлса гардунға давворлиқ, Анга боқий ўлсун жахондорлиқ.

Халойиққа бу шаҳдин ўлсун нишот, Даме бўлмасун холи андин бисот.

Иккинчи фасл

ИСЛОМПАНОХ БЕКЛАР ЗИКРИДА

Мундок шохга мусулмон бек набий хизматида тўрт ёрдин биридек. Номуродларнинг панохи ва подшохнинг давлатхохи. Шохға дунёда чин сўз дегувчи ва анинг охирати ғамин егувчи. Ёмонлар андин харосон ва яхшилар душворлиғи осон. Эл моли тамаъи кўнглида нобуд ва аёли хаёли замирида номавжуд. Муроди раоё амнияти ва максуди бароё жамъияти. Ул мусулмонларға ризожўй ва мусулмонлар анга дуогўй. Ўзининг зоти тузук ва саъйи шох эшигида тузуклук.

Шох эшиги мундок бекдин холи бўлмасун ва давлатнинг андин ўзга интиколи бўлмасун.

Учинчи фасл

НОМУНОСИБ НОИБЛАР ЗИКРИДА

Ёлғончи худнамо ноиб нисбати мусалламаи каззоб миллати, нубувват туҳматин ўзига солғон ва Жаброил⁶ ваҳйдин дегони бори ёлғон. Мунга ҳам шох хусусияти изҳори ғайри воҳеъ ёлғон бори. Ёлғон ҳуҳм етҡурурига боис тамаъи шум ва ўтрук парвона етҡурурига сабаб ҳирси мазлум. Нима олурда ёлғон анга чин ўрниға ва мусулмонларға нуҳсон анга дин ўрниға, ёлғон борида анга чин демаки маҳол ва ришват олурда ўзга сўз деб, аммо кўнглида ўзга ҳаёл. Мундоҳ ноибҡи, бир бўлмаған феълию ҳавли, шоҳ эшигидин гум бўлғони авли.

Тўртинчи фасл

ЗОЛИМ ВА ЖОХИЛ ВА ФОСИК ПОДШОХЛАР ЗИКРИДА

Одил подшох кўзгу ва бу анинг учасидур. Ул ёрук, субх, бу анинг қоронғу кечасидур. Зулм анинг кўнглиға марғуб ва фиск анинг хотирига маҳбуб. Мулк бузуғлиғидин замирига жамъият ва улус паришонлиғидин хотириға амният. Ободлар анинг зулмидин вайрона, кабутар тоқчалари бойқушға ошиёна. Бода сели чун базмида тўғён қилиб, ул сел мулк маъмураларин

вайрон қилиб. Сувчи хонасиға фарш масжид равоқи тўкулгонидин ва кўплари бошиға хишт мехроб тоқи емрулгонидин. Агар қон тўкмак анга пеша, кимки жони бор анга андеша. Агар шурбға машъуф - кўй ва кўча мусулмонларға махуф. Агар фосиқ бўлса ва бад, афъол - эл ирзи ва аёлиға андин бийму накол. Ва ситезарўй бўлса ва худрой мушфиқ Навоий жониға вой!

Ўз ношойисти ўз олида хўб ва эл маъкули анга мардуд ва маъюб. Кўп хизмат оз сахв била олида нобуд ва кўп хак ва рост оз хато била илайида номавжуд. Хато ройи ўнг келмаса, дахлсизларга ширкат, балки накиз тутконларға зиёда тухмат. Носавоб хаёли туз чикмаса, ширкати йўкларға итоб ва балки хабари йўкларга арода азоб. Хаёт суйин оғу деса, мусаллам тутмоғон гунахкор ва куёш нурин қоронғу деса, тахсин килмоғон тийра рўзгор.

Ўз жонибидин қатранинг дарёча хурмати ва зарранинг байзача қиймати. Эл тарафидин моли олам бир қора пулдин кам ва фидо қилғон жони азиз, онча йўқким, бир пашиз. Қора кузғунни оқ туйғун деса, қозни яхши олур демаган муқассир. Ёруқ кунни тийра тун деса, суҳо кўрунадур демаган мудбир.

Чин дер элга - жон хатари, хайрға далолат қилғувчиға ўлум зарари. Ҳақ анинг қошида ботил, хирадманд анинг ақидасида жоҳил.

Элдин кўнглида кийнаси - махфий хазинасининг дафинаси. Қатл учун жон бермак шиори, эл молу жониға қасд - шикори.

Бу ёмон подшохки, бўлғай вазири ҳам ёмон, андоқки, Φ иръавн наёбатида χ омон .

Байт:

Уйлаким шох морға бўлғай мумид ҳам жаъфарий, Ё вабойи халққа тоун ҳам ўлғай бир сари.

Тенгри мундоқ балоларни адам чоҳидин вужуд тахтгоҳиға келтурмасун ва йўқлуқ зиндонидин борлиғ шаҳристониға еткурмасун.

Бешинчи фасл

ВУЗАРО ЗИКРИДА

Вазир визрдин муштақдур ва бу феъл анинг зотиға аҳақ ва аляқдур. Бу ишни писандида қилғон Осаф⁸ эрмишким, нигини нақши «қад раҳималлоҳу ман ин-сафа» эрмиш. Ҳамоноки, Осаф борди, инсофин олиб борди ва инсоф гавҳарин бу ноинсофлар орасидин чиқорди. Киши агарчи ўзин елдек ҳар ён солғай, Осафни бу ҳокдонда қайда топа олғай. Даҳр элида бировки Осаф ниҳоддур, билгайким, Сулаймон таҳти барбоддур.

Бу золимлар - мулкни барбод бергувчилардур ва мулк аҳли йиғиштурғонларин битиргувчилардур. Авло улким, булар зикрида киши хома сурмаган ва бу хомадек қора юзлуклар отин қалам тилига келтурмагай. Заҳр бериб бемор ўлтургувчи табиб, буларнинг ҳолиға мушобеҳдур ва қариб.

Бу икки хайлдин ҳар бири бир афъи, шоҳға вожибдур буларнииг дафъи. Булар, жумласи чиёнлар, халойиққа еткурур зиёнлар. Килклари нўғи ақраб ниши, раият жониға ул ниш ташвиши. Неча бу ниш мазлумларға санчилғай, умид улки, бошлари ажал тоши била янчилғай.

Маснавий:

Булардин гар аъло гар адно дурур

Ким, андин халойиққа изо дурур. Шаҳ ўлтурмас авлодур ул элни бот Ки, дебдур набий «иқтилсо алмуъзият»¹⁰

Олтинчи фасл

НОҚОБИЛ САДРЛАР ЗИКРИДА

Бедиёнат судур бидъати саййиадур било-зарур. Бу нокас агар омийдур фиску фужур анинг комидур. Мажлисида нағманавозлиқ илм ва тақво азосиға - навҳасозлиқ. Уламо келтурган гулоб шишаларики холи қолиб, бода солурға ани мулозимлари олиб. Бу келтурган набот газак учун ушалиб, вазифа важҳлари ўзга асбоб учун сайғолиб Бадкирдор анда ғалаба ва пойкор анда талаба. Навкарларига ош хонақоҳ ротибасидин ва чуҳралариға маош шайх ва мударрис вазифасидин. Базмиға май келтургали муҳтасиб рози ва майға бодаполо риши қози, кишварки, анда маноҳий мундоқ беҳисоб бўлғай, ислом ва шариатға не иззат ва не ҳисоб бўлғай.

Садр керак уламоға дастёр бўлса ва машойихқа коргузор ва хизматкор ва содотға мумид ва фукаро хизматида мужид. Зулм риштасин узгувчи ва авкоф бузуғин тузгувчи ва зироат касратида саъй кургузгувчи.

Маснавий:

Йўқ улким фосиқу хаммору зукка Ки, бузғай гарчи бўлгай хожа дукка. Рикоби нақши кимсонлиг саросар Тўнида ортиқ ондин зебу зевар.

Китъа:

Кераки бошиға қўйса алоқалик дастор, Яна ридо ҳам анинг эгнида маволийдек.

Йўқ улки, маркаби бўйнига боглаб осса қўтос, Осилгай ўзининг ўз бўгзидин сақолидек.

Еттинчи фасл

ФОСИК ВА БАДМАОШ, БАХОДИРЛИК ЛОФИН УРҒОНЛАР ЗИКРИДА

Шох эшигида ёрмокни зоеъ килғувчи жамоатким, алардин не тенгриға тоатдур ва не шахға итоат.

Тариқлари - худнамолиқ ва расмлари - худоролиқ. Ишлари - мастлиғ, варзишлари - худпарастлиғ. Чин демаклари лоф, маънили сўзлари газоф. Журъакашлик - динлари ва кофирвашлик - ойинлари. Кўнгуллари тўбичоқ секретурдин ором топмоқ ва сўзлари бош яланг юзга чопмоқ Базмда даъволари Хотамлиқ¹¹, размда талошлари Рустамлиқ¹². Ўтағаларидин насри тойирға рам, найзаларидин симоки ромих юзи дарҳам. Таврларидин ошуфтароқ аларға дастор ва дастор алоқасидин учаларида озор.

Мулк душмани дафъи шухратлари, шоҳга мулк асрар миннатлари. Бу даъво бошиға етгунча нечасини май ўлтуруб, нечасини ўзга фисқ дўзахга еткуруб. Юздин бирики маъракаға етиб, йўртоқ чопиш билан ўзин зоеъ этиб. Мубориз афганликлари ўз ҳолиға, сафшиканликлари ўз ясолиға. Бу навъ баҳодир ҳеч маъракада бўлмасун ва ҳеч саф бузарда анинг қони тўкулмасин. Шоҳға сипоҳ-дарвишлар дуосидур - фуҳаро ҳиммати ва тенгри ризосидур. Шоҳким, анга ҳақ инояти сипоҳ бўлғай, ливосининг зийнати наср мин Оллоҳ бўлғай. Шоҳға то давлат бор - душман эрур хор ва хоксор. Давлатга еткургувчи тенгри, ҳам олғувчи, ҳам бергувчи тенгри. Ул берса, киши ола олмас, ул еткурса, киши йироқ сола олмас. Шоҳки, ҳақ амрин бажо келтургай, бу давлат кўп хавфларға ражо еткургай.

Китъа:

Шаҳеки, сидқи анинг тенгри бирла туз бўлғай, Не ғам адувси анинг бир йўқ эрса юз бўлғай. Кишига тенгри берур фатҳ йўқки, хайлу сипоҳ, Пас эътимод анга айламас не сўз бўлғай.

Байт:

Черик бўлса ва бўлмаса бахтиёр, Сипахга адув хайлинннг хукми бор.

Секкизинчи фасл

ЯСОВУЛ ГУРУХИ ЗИКРИДА

Ясовул, бир мазлум иши кейинча борғай ва ул мазлумни золимдин қутқорғай. Агар музд тиламаги макдурдин ортукрокдур, ул золимга улуғрок ўртокдур. Агар саъйиға яраша олур хаёли бўлғай, ота мероси ва она сутидек ҳалоли бўлғай. Ва агар тамаъи ҳаққ ус-саъйидин камдур, эрлик ва мурувват анга мусалламдур. Ва агар саъй қилғай ва олмағай, муздким анга ҳақдур, ани деса бўлғайким, валийи мутлакдур.

Кўп эранлар бу ишни шиор этибдурлар ва бу сулук била мақосидға етибдурлар.

Маснавий:

Авлиёуллоҳки, ҳар суратда бор, Баъзи этмиш бу равишни ихтиёр, Чун эрурлар қуббалар ичра ниҳон, Ҳақдин ўзга кимсага эрмас аён.

Тўққузинчи фасл

ЯСОҒЛИҚ ВА ҚОРА ЧЕРИК ЗИКРИДА

Ясоғлиқ деган қора черик, яъжуж ва маъжуж хайлиға шерик. Эмгакдин аларға ором йўқ, ясоқ тортардин бир нафас ком йўқ. Ишлари талай олғонни таламоқ, ёт юртда чугурткадек сабза

ва яфроғни яламоқ.

Инсонлиқ била алар орасида мубоянат, мусулмонлиқ била алар ўртасида мунозаат. Фаҳму идрокдин алар зоти орий, ақлу инсофсиз биззот бори. Қаёнғаким юзландилар, аларға ёнмоқ йўқ, кеча ва кундуз тағофул уйқусидин уйғонмоқ йўқ. Исиғ ва совук танларига тафовут қилмай, очлиғ ва яланғочлиқ зарарини жисмлари билмай. Одамийсизлиқда маҳлуқотдин мумтоз, ҳайвонлиқлари кўпу мардумлиқлари оз.

Рубоий:

Ул қавмдин аъжуба халойиқ бўлмас Ким, меъдалари ҳаром ердин тўлмас. Ўлгунча бало чекиб эрурлар мавжуд, Чин бўлди бу даъвоки, ясоглиқ ўлмас.

Турфа буким, чун ҳақнинг ҳар навъ элга инояти пинҳони бор, булар орасида ҳам яшурун эранларнинг имкони бор. Ўрду бозори ўзин ясоғлиққа қотғувчи, ўнгай ҳам улуш олмай оғир сотғувчи. Черик улушидин ҳар бор алар шаталхор, андоқким мулк аҳлидин амалдор.

Байт:

Сипохий молин ул хайли табохи, Туну кун муфт олиб хохи нахохи.

Мумкин йўқким, одамизод аларға сазо бергай, магар тенгри аларға бало бирла жазо бергай.

Ўнунчи фасл

ШОХ УЛУСИ ЎЗИГА МУШОБИХ БЎЛУР ЗИКРИДА

Шоҳға ҳар кимки, мулозим ва тобиъ бўлғай, иши ва таври шоҳ ишиға мушобиҳ воҳеъ бўлғай. Агар шоҳға адолат шиор, улуси шиорида ҳам адолатдин осор. Агар зулмпеша - элида ҳам зулмидин андиша. Агар ул исломойин, халҳ шиори ҳам ислом била дин. Агар ул куфрхисол - элга доғи куфр тарийҳи афъол. Ҳуҳамо шоҳни дебдурлар: дарёйи заҳҳор ва ҳавму ҳайлин дарё теграсидағи анҳор. Дарё суйиға не ҳайфият ва не ҳосият, анҳорға ҳам ул ҳайфият ва ҳосият.Ул аччиғ - бу аччиғ; ул чучуҳ - бу чучуҳ; ул тийра - бу тийра; ул сузуҳ - бу сузуҳ.

Маснавий:

Аригларки, ул бахрдин айрилур, Биликлик аларнинг суйин ҳам билур, Чу бирдур сув дарё била наҳр аро, Эмас таъмида ҳожати можаро.

f yн биринчи фасл

ШАЙХ УЛ-ИСЛОМ ЗИКРИДА

Шайх ул-ислом мусулмонлар пешвосидин иборатдур ва ислом муқтадосида ишоратдур. Мундок киши олиме керак исломпанох ва орифе керак мукарраби даргох, хирадманди шариатшиор ва факрға хурсанд ва тариқатосор. Яхши-ямон шафқати файзи ом ва улуғ-кичикка иршоди нафъи молокалом. Коми бўлғай шаръ қонуниға росих ва барча мубтадеълар бидъатиға носих. Ангаким, бу навъ бўлғай ойини ислом шайх ул-ислом деса бўлур вассалом.

Байт:

Мундин ўлди муқарраби борий, Шайх ул-ислом пири Ансорий.

Ўн иккинчи фасл

КУЗОТ ЗИКРИДА

Қози ислом биносиға аркондур ва мусулмонлар хайр ва шарриға нофизи фармондур. Улуми диниядин кўнгли мулки маъмур керак ва якиний фаросатдин хотири жамъияти бефутур. Майли шахсий замири кишваридин мутаворий ва мудохана таррори мулояматидин соф кўнгли орий. Махкамаси махзани улуму шаръия ва хукм килурида ошною бегона анга алассавия¹³. Илму таквосидин кўнгулларда шукух ва диккат, фаросатидин бедиёнатлар кўнглида андух. Кўнгли Каломуллох ахкомидин кавий ва хукмида муктадо аходиси мустафавий.

Шаръий хийлалар гирихидин кўнгли очук, фукахо тазвирлари тийралигидин замири ёрук. Ришвахўр муфтилар - кошида манкуб ва хийлакор вакиллар - олида маъюб.

Омий қозики май ичкай - ўлтургулукдур ва дўзах ўтига етмасдин бурун куйдургулукдур. Қозийи ришвахўр-ислом хисориға рахнагар. Улки ришват бериб қазо ола олғай, ришват олиб ҳам шаръни буза олғай. Қозий керакким, жодаи шаръдин қадам чиқармағай ва сироти мустақимдин ташқари бормағай. Мустақим хат ҳар қаёнким, майл қилди эгри бўлди. Соз торидекким, эътидолдин тажовуз қилди, тузуки бузулди. Улки ҳукми эл моли ва жониға жорий бўлғай, керакким, даъби муқмир шиори бўлғай. Аёғиким, сироти мустақимдин тойилди ва ял чоҳи тубин мақом қилди. Бу ишни ўзи қилурмен деган бебоку козиб, козиби бебокка пайғамбар шаръи хокимлиғиға не муносиб.

Китьа:

Мухбири содиқ шахеким қилди дину шаръни, Бори адён носехи андоқки, мумкин эрди туз. Козиб ул йўлни нечук тузгайки, бир каззоб ҳам, Қилди кўп даъво, вали қўйди жаханнам сори юз.

Ўн учунчи фасл

МУФТИЙИ ФАҚИХЛАР ЗИКРИДА

Муфтийи факихе керак мутадаййин ва олиме керак муъмин, ислом илмида мохир ва диёнат нури жабинида зохир. Майлдин кўнгли бекусур ва хийладин замири бефутур. Қалами ривоётда содиқ, рақами мужтахид сўзи била мувофиқ; йўқки фосике бўлғай майхор ва жохиле бўлғай бадкирдор ва ғаддор. Бир дирам учун юз ҳақни ноҳақ этгувчи ва оз карам учун кўп «ло»ни «наам» битгувчи. Бир сабат узум учун бир боғни куйдурмакдин ғами йўқ ва бир ботмон буғдой учун хирмонни совурмокдин алами йўқ. Муфтиеки, ҳийла била фатво тузар қалами нўги била шариат юзин бузар. Музд учун сийм олибки, молиға қотар динини дунёға сотар. Мундок муфти одамийкуш табибдур, бирига ислом қатли, бирига мусулмонлар қатли насибдур.

Рубоий:

Муфтиким, ишига музд олиб қилса рақам, Музд ортуқ эса, майл керак қилғай кам, Фатвода чу бўлди музд учун «ло» ву «наам». Қилмоқ керак ул қаламзаи илгини қалам.

Ўн тўртинчи фасл

МУДАРРИСЛАР ЗИКРИДА

Мударриснинг керакки, ғарази мансаб бўлмаса ва билмас илмни айтурға муртакиб бўлмаса ва худномолиғ учун дарс ҳавзасин тузмаса ва худситонлиғ учун такаллум ва ғавғо кўргузмаса. Жаҳлдин дастори улув ва алоқаси узун бўлмаса ва мубоҳат учун мадраса айвони боши анга ўрун бўлмаса. Диний улум билса ва яқиний масоил таълим килса. Бебокликлардин ҳаросон ва нопокликлардин гурезон бўлса, йўқки ўзин олим билгай неча мажҳулға анвои фисқни мубоҳ, балки ҳалол қилғай, қилмас ишларни қилмоқ андин маълум бўлғай ва қилур ишлар тарки андин қоида ва русум бўлғай. Бу мударрис эмасдурким, мубтадеъдур ва мундоқ киши суҳбати ислом мумтанеъдур.

Олим керакким, мутаққий бўлса ва огох ва айтурға қола Аллох, қола Расуллох.

Китъа:

Хар не айтур бўлса Худову Расулдин Андин сўнг ўлса мужтахиду авлиё сўзи. Андин киши не ким эшитур ва ёки ўрганур бўлса, Худо сўзи йўқ эса, Мустафо сўзи.

Ўн бешинчи фасл

АТИББО ЗИКРИДА

Табибға ўз фанида ҳазоқат керак ва беморлар ҳолиға шафқат ва марҳамат керак. Ва нафси тибға табъи мулойим ва ҳукамо қавлиға пайрав ва мулозим. Сўзида рифқу дилжўйлуқ ва ўзида озарму ҳушҳўйлуқ.

Хозиқ табибки шафқати бўлғай - Инсои Рухуллоҳға¹⁵ нисбати бўлғай. Исо иши чиққон жонни танға кивурмак дуо била, мунунг тандин чиқадурғон жонға монеъ бўлмоқ даво била.

Мундок табибнинг юзи мариз кўнглига махбубдур ва сўзи бемор жониға марғубдур. Дами алилларға даво ва қадами хасталарға шифо. Хизри нажот анинг талъати ва оби ҳаёт анинг

шарбати.

Агар фанида моҳир бўлса, аммо бадхўй ва бепарво ва дуруштгўй, маризга, агарчи, бир жонибдин илож еткурур, аммо неча жонибдин тағйири мижоз еткурур ва лекин омий табибким, эрур шогирди жаллод, ул тиғ била, бу заҳр била қилғувчи бедод. Ул мундин яҳшироқдур. Беиштибоҳким, анинг қатили гунаҳкордур ва мунунг - бегунаҳки, ҳеч гунаҳкор, анга залил бўлмасун ва ҳеч бегунаҳ мунга алил бўлмасун.

Байт:

Хозиқ табиби хушгўй тан ранжига шифодур, Омийю тунду бадхўй эл жонига балодур.

Ўн олтинчи фасл

НАЗМ ГУЛИСТОНИНИНГ ХУШНАҒМА ҚУШЛАРИ ЗИКРИДА

Ул неча табақадур: аввалғи жамоат-нуқуди кунузи маърифати илохийдин ғанийлар ва халқ таърифидин мустағнийлардур. Ишлари маоний хазоинидин маърифат жавҳарин термак ва эл файзи учун вазн силкида назм термак. Назм адоси бағоят аржуманд ва бениҳоят шариф ва дилписанд ўлдуғи учун оёти каломда нозил бор ва ҳадиси муъжиз низомда тилаган топар, чун маал - қасд¹⁶ эмас, эл ҳурмати жиҳатидин ани шеър демас.

Аммо бу азиз қавмнинг пешво ва муқтадоси ва бу шариф хайлнинг сардафтар ва сархайли валоят бахрининг гавҳари ва каромат авжи мунир ахтари Амир ул-мумин Али¹⁷ (рази аллоху анҳу ва каримуллоҳу ва важҳу)¹⁸ дурким, назм девонлари мавжуддур ва анда асрор ва нукат номаъдуд.

Бу мазхари ажойибқа гуруҳеким тобеъдур, баъзини арз қилолики, кимлар воқеъдур; форсий иборатда ул жумладин, нозими жавоҳири асрор Шайх Фаридуддин Аттордур¹⁹. Яна қойили «Маснавийи маънавий», ғаввоси баҳри яқин Мавлоно Жалолуддин, яъни Мавлавий Румийдурки²⁰, мақсадлари назмдин асрори илоҳий адоси ва маърифати номутаноҳий имлосидин ўзга йўқтур.

Яна ҳам авлиёи огоҳ ва машойих ва аҳлуллоҳ борким, буларға татаббуъ қилибдурлар ва булар каломи адосин ва ҳақойиқи маъносин мустаҳсан билибдурлар. Бу ҳайлдур ҳақиқат тариқининг суҳанвари, балки кимиёгари ва кибрити аҳмари.

Яна бир жамоатдурларким, ҳақиқат асрориға мажоз тариқин аҳсул қилибдурлар ва каломлари бу услубда марбут этибдурлар. Андоқки, маоний аҳлининг нуктапардози Шайх Муслиҳуддин Саъдий Шерозий²¹ ва ишқ аҳли гуруҳининг покбози ва покрави Амир Хусрав Деҳлавий²², ва тасаввуф ва диққат мушкилотннинг гириҳкушойи Шайх" Заҳируддин Саноий²³ ва фариди аҳли яқин. Шайх Авҳадуддин²⁴ ва маоний адосиға Ҳофиз Шамсуддин Муҳаммад ул-Ҳофиз²⁵.

Яна жамъе бордурларки, мажоз тарики адоси алар назмиға ғолиб ва алар бу шевага кўпрак роғибдурлар. Андокким, Камол Исфахоний 26 ва Хоконий Шервоний 27 ва Хожуйи Кирмоний 28 ва Мавлоно Жалолуддин 29 ва Хожа Камол 30 ва Анварий 31 ва Захир 32 , ва Абдулвосиъ 33 ва Асир 34 ва Салмон Соважий 35 ва Носир Бухорий 36 ва Котибий Нишопурий 37 ва Шохий Сабзаворий 38 .

Яна ҳақиқат ва мажоз тарийқида комил ва илми икаласи тариқида вофий ва шомил, назм аҳлининг муқтадо ва имоми ҳазрати шайхулислом Мавлоно нур ул миллати ва-а-дин Абдураҳмон ал-Жомий (наввараллоҳу марқадаҳу ва қуддиса сирраҳу)³⁹ дурким, аввалғи табақа равиши ва каломида ҳам шарифмақол ва сўнгғи табақанинг ҳам адоси латойифида

сохибкамолдурким, оламда завку хол ахли булар латойифи била масрурдурлар ва булар маорифи била хузур килурлар.

Яна адно табақаси жамоатедурларким, назм фақат била кўнгуллар хушнуд ва хурсанд ва розию бахраманддурлар. Ва юз машаққат била бир байтким боғлаштурғайлар, даъво овозасин етти фалакдин ошурғайлар. Сўзларида не ҳақойиқ ва маориф нўшидин ҳаловат ва назмларида не шавқ ва ишқ ўтидин ҳарорат. Не шоирона таркиблари аҳсан ва не ошиқона сўзу дардлари шуълаафган. Баъзидин агар гоҳи бирар яҳши байт воқеъ бўлур, аммо ўн онча ямон даъво зоҳир бўлурки, у ҳам зоеъ бўлур.

Агар бири бир нозук маънида писандида печ килур, аммо ўн онча нописанд даъво била ани ҳам ҳеч қилур. Гўё ўзларига акидада мувофикдурлар ва сўзларига эътикодда муттафик. Турфарок буким, ҳар бирининг сўзида маъно озрок ва ўзида даъво кўпрок (наузу биллоҳи мин шурури анфусино ва мин сайёти аъмолино)⁴⁰.

Рубоий:

Аълоларидур нединки дерсен аъло, Аднолари хам барча данидин адно. Авсатлариким, хеч нимага ярамас, Билким, нафас урмамоқ алардин авло.

Ўн еттинчи фасл

КОТИБЛАР ЗИКРИДА

Котиб шуаро сўзининг варакнигоридур ва сўз махзанининг хазонадори. Хозин хунари амонат бўлур ва тасарруфи хиёнат бўлур.

Аминки, хиёнатға мансуб бўлғай ва ўз хунарида маъюб бўлғай, андокнинг илги қатъи хўб бўлғай. Яхши хат ва нуктадин сафҳаға жамол, андокки, яхши юз сафҳасиға хатту хол. Хушнавис котиб сўзга оройиш берур ва сўзлагувчига осойиш еткарур. Рокимки, рақами ростдур, ростлар кўнглига қабулияти бехост. Муҳаррирки, таҳрири туз писандидадур, агар бир байт битир, агар юз. Агар хат сурати нохушдур маъни хайли андин мушаввашдур.

Хушнавис ҳамким, саҳви куп булғай илги фалаж иллатиға жуб булғай. Улки, бежо нуқта била «ҳабиб»ни «ҳабис» қилғай ва «муҳаббат»ни «меҳнат» - анингдек ҳабиси меҳнатзадаға юз лаънат. Ямон ҳатға ғалати беҳисоб, қаррийи масҳара соқолиға ҳизоб. Ул ҳатни қирқиб мабразға ташлағоли яҳши ва иясини молики дузаҳ жаҳаннамға бошлағоли.

Махбубдин мактубким, ҳам ҳати ҳўб бўлғай ва ҳам мазмуни ҳўбжонға улдур марғуб ва кўнгулга улдур матлуб. Хати ямон ҳам бўлса ямон эмас, муҳиб маҳбуб ҳатини ямон демас.

Ямон котиб манзили қаламдонидек чоҳ аро бўлсун, қаламидек боши яро ва юзи қаро бўлсун.

Байт:

Қайси бир котибки, ул сўзга қалам сургай хилоф, Ул қаро юзлук боши бўлсун қалам янглиг шикоф.

Ўн саккизинчи фасл

ДАБИРИСТОН АХЛИ ЗИКРИДА

Мактабдор бегунох маъсумларға жафокор. Атфол азобиға роғиб ва алар таъдибиға муртакиб. Зоти бемадоро, димоғи пўлод ва кўнгли хоро. Ғазабдин қошида чин, гунахсизлар била ойини хашу кин. Кўпрагида табъ ғилзати ва тамаъ иллати падидор ва ақл қиллатиға гирифтор. Аммо тавсани атфол таъбини жафо била ром қилғувчи, ноҳамвор сиғор тавриға сиёсат била андом бергувчи. Агарчи хўйлари дурушлукда намоёндур, аммо атфол ноҳамворлиғи ислоҳиға ирик суҳондур.

Анинг иши одамдин келмас, қайси одамки, дев қила олмас, ҳар қаттиғ кишини бир тифл муҳофазати ожиз этар, ул бир сурукка илм ва адаб ўргатгай, анга не етар. Онча борким, ул қавмнинг идроку фаҳми оз тушар, андоқ кишига юз мунча машаққат не бушар. Ҳар тақдир била атфолға ҳаққи кўпдур, агар подшоҳлиққа етса ва анга қуллуқ қилса ҳўбдур. Шогирд агар шайх улислом, агар қозидур, агар устод андин розидур - тенгри розидур.

Байт:

Хақ йўлида ким сенга бир харф ўқутмиш ранж ила, Айламак бўлмас адо онинг хақин юз ганж ила.

Ўн тўққузунчи фасл

ИМОМЛАР ЗИКРИДА

Имомат қилғувчи ўз қироатининг шефтасидур ва ўз намозининг фирефтасидур. Кишиликдин хаёлида тасаввурлар ва яхшиликдин замирида такаббурлар. Ўз намозин мақбул тахайюл қилғон жамоат намози қабулиятини ҳам такаффул килғон. Бийик қироати маҳзи раънолиқ ва аноният жамоатдин илгари чиқмағай айни расволиқ ва нафсоният хаёли халққа пешволиқ ва тасаввури элга муқтадолиқ. Намозға имомат комил имом ишидур ва ўзни мундоқ тасаввуф қилғон жоҳил ва нотамом кишидур. Имомат муносибдур пирдин мурид хайлиға тафҳим учун ё муаллимдин суруки тифли норасидаға таълим учун ё олимдин жуҳҳолға шафқат учун, ё комилднн танобеъ ва иёлға тарбият учун. Одоби ибодат. талқиниға камоҳи ва таълими шариат ойиниға нокоҳи нокомдин муносибдур, заруратдин тажвиз қилса бўлур. Аммо вазифа ва улуфа емак ва ўзин муқтадо ва имом демак одамий иши эмас. Ва андоқ кишини одамийлар киши лемас.

Китъа:

Валоят аҳлига⁴¹ жамъи маломатиға боқ Ки, халқ кўзидин айлар намозини яширун.

Бу турфароқким, намозида муъжиби нодон, Тутар имомат учун хайл қибласида ўрун.

Йигирманчи фасл

МУҚРИЙЛАР ЗИКРИДА

Муаззинеки, ҳақ ибодатиға нидо қилғай, жон анга фидо, агар яхши савт била адо қилғай. Агар поклик ва ниёз бу ишга мулҳақдур, ому хос кўнглига мақбули мутлақдур. Бу нидо ёмонларни фиск кунжидин масжид сори бошқарур андоқки, фусунгар йилонни тарона била тешукдин чиқарур. Агар мукрий лаванддур, бад овозу кулғундидур, лахни носоз, бадани вузуъ қайдидин нопок ва хуш вақт риоятидин бебок. Рухи тоат завкидин бехабар ва уни савт улхамирдин анкар. Манъ ва нахй туфроғин оғзиға урмоқ авло, балки тоқ ё минордин учурмоқ авло

Рубоий:

Муқрийки, эрур покрў ва зохидваш, Алхони хуш ва хусни адоси дилкаш. Жон анга фидоки, рух этар андин гаш, Агар бўлса мунунг акси нафас урмаса хаш.

Йигирма биринчи фасл

ХУФФОЗ ЗИКРИДА

Хофизғаки, яхши маҳзаж ва адо била тиловат бўлғай, мустамеъларнинг руҳига андин осойиш ва жониға ҳаловат бўлғай. Агар ҳусни савт буларға ёрдур эшиткувчи соҳибҳол бўлса, иши душвордур. Агар бад лаҳжа бўлса ва бад адо сурма анинг ғизоси қилсин худо. Агар фосикдур, бад маош сурма хам хайфдур, бўғзиға муносибдур тош. Агар бовужуди бу холлар била куп укуғай умид улким, оғзи садаф оғзидек ва тили савсан тилидек куруғай.

Байт:

Ёрабки, ҳеч базмда ул нағма қилмағай, Овзи визодин ўзга нимага очилмавай.

Йигирма иккинчи фасл

МУТРИБ ВА МУҒАННИЙЛАР ЗИКРИДА

Мутриби тарабафзо, муғаннийи ғамзудо - икаласига дарду ҳол аҳли жон қилурлар фидо. Улки кўргузгай мулойим таронау нағам, агар эшитгувчининг ҳаёти накди анга фидо бўлса не ғам. Кўнгул қуввати-хушнавоздин, руҳ қути - хушовоздин. Хушхон муғаннийдин дард аҳлининг ўти тездур, агар малоҳати бўлса, ҳол аҳлиға рустохездур. Ҳар муғаннийки, дардмандонарок нағма чекар, анинг нағмаси захлик юракка ковгаррок тегар. Оташин юзлук муғаннийки, хилкидин мулойим суруд чиқорғай, ҳол аҳлининг куйган бағридин дуд чиқорғай. Мулойим мутрибки, табъ ва фаҳм анга ёр бўлғай, хусусанки, ҳам айтғай ва чолғай, кўнгул мулкига не кўзголонларки солгай.

Сўлук ахлиға бир махуф ер бу манзилдурким, анда ҳам камол, ҳам нуқсон ҳосилдур. Солик бу ерда бир муҳлик оҳ била ҳам мақсудға етубдур ва бир наъраъи жонкоҳ била йиллар

қозғонғони ҳам илгидин кетибдур.

Шиблий ⁴² ва Нурий ⁴³ (куддисса сиррихумо) ⁴⁴ самоъда кеттилар, бу йўл сулуки била мақсуд сарманзилиға еттилар. Басо аҳлуллоҳки, арғанун унидин дайрға кирди ва дин ва ислом нақдин муғбачаларға бой берди.

Майхонада кимки майдин ибо килғай, най уни бир дилкаш наво била ани расво қилғай. Агар киши май хавосин бошидин чиқорур, ғижжак мадди ноласи била анга ёлборур. Ва танбур пардадағи фитнадин ҳалок этар ва офият пардасин чок этар ва чанг зорлиғ била бўғзин тортар ва уд лисони нағмасининг тарғиби чангидин ҳам ортар. Андаким рубоб бошин ерга қўюб ниёз кўргузгай ва қўбуз қулоқ тутуб айшға тарғиб оҳангни тузғай. Чун қонун ва чағона ноласи қулоққа тушгай ва маҳваши соқий юкунуб, май аёққа тушгай, ул вақт зуҳду тақвоға не эътибор ва хушу хирадға не ихтиёр. Агарчи ишқ факр аҳлини расво қилурда булардин фароғдур ва лекин ул ўтни ёрутурға най дамидин елу майдин ёғдур. Араб теваси «ҳудий» лаҳни била бодия қатъида тез бўлур, булут бухтиси раъд садосидин соиқаангиз. Инсонға маҳзи ғалат ҳаёлдур ва одамийға бу офатдин қутулмоқлиқ маҳолдур.

Аммо бу тоифанинг сойири хам агарчи тарабойин ва мехнатзададурлар ва лекин филхакикат, лаимсийрат ва гадодурлар. Айткувчи ва чолғувчи зорлиғ ва ийнамак била олғувчи. То буюрғувчида сила ва инъом бор, алар мулозимдурлар ва хизматгор. То сухбатда неъмат кўп, аларга барча амру нахйинг жўб. Чун базмда танаъум оз бўлди, алар иши истигноу ноз бўлди. Неъмат деган нимаки тамом йўк бўлди, аларнинг кўнгли сендин тамом тўк бўлди. Агар йиллар бахра олибдурлар эхсонингдин, ошнолиғ бермай ўтарлар ёнингдин. Оз олсалар носипос, кўп олсалар хакшунос. Аксари фосик ва бадхўй ва колғони кажтабъу дуруштгўй. Харакотлари тузуксиз сўзларидек ва калимотлари хашв ва махалсиз нозларидек. Вафо алар табъидин маслуб, вафо ахли олида мардуд ва манкуб. Муғанний вафосиз, кунгир хаёсиз. Агар йиллар риоят килибсен ва хамхонадур, бир қатлаки бермадинг - бегонадур.

килибсен ва ҳамҳонадур, бир қатлаки бермадинг - бегонадур.

Эр суратида шоҳидедур танноз ва мулойим кисватида муфсидедур хона барандоз. Хавосқа дилфиребедур савт 46 ва нағам 50 била, авомға роҳзанедур таблу алам била.

Назм:

Кишига бўлмасун бу фитна дучор Ки, унидин нажоти тайри учор. Ёнса қўнмоққа табл урар ҳар дам, Ким ўшул қушқа кўпрак ўлғай рам.

Йигирма учунчи фасл

КИССАСОЗ ВА КИССАХОНЛАР ЗИКРИДА

Қиссасоз - бекор ва қиссахон - ҳарзагуфтор; ҳар ким маъжуннок ё банги, кўнглида анинг маъракаси оҳанги. Бийик ун била овуч қоқмоғи ҳар дам, ҳирад ва озарм қушлари топмоқ учун рам. Ҳаракотидин зоҳир телбалар атвори ва калимотидин боҳир усруклар шиори. Тева қумалоғин сотарда қанд дегувчи, маъракасидағи муътақидлари ани сотқун олиб егувчи.

Байт:

Кишиким бўлмағай маъжуну қандининг Харидори, Онинг ҳангомаси бирла тузалмас ҳеч бозори.

Йигирма тўртунчи фасл

НАСИХАТ АХЛИ ВА ВОИЗЛАР ЗИКРИДА

Воиз керакки, «қолаллоҳ» ⁴⁸ сўз айтса ва «қола расулуллоҳ» ⁴⁹ мухолафатидин қайтса, худо ва расул йўлиға қадам урса. Ўзи киргондин сўнгра насиҳат била элни ҳам кивурса. Юрумагон йўлга элни бошқармоқ, мусофирни йўлдин чиқормоқдур ва биёбонға кетурмак ва бодияда итурмакдур. Усрукки, элга буюрғай хушёрлиқ - уйқувчидекдурки, элга буюрғай бедорлиқ Уйқусида сўз деган жевлигон бўлур ва дегондек қилмоқ не дегон бўлур.

Ваъз бир муршид ва огох ишидур ва анинг насихатин қабул этган мақбул кишидур. Аввал бир йўлни бормок керак, андин сўнгра элни бошқармок керак. Йўлни юрмай кирган итар ва ғайри мақсуд ерга етар.

Воиз улдурки, мажлисиға холи кирган тўлғай ва тўла кирган холи бўлғай. Воизким, бўлғай олим ва мутақкий - анинг насихатидин чиккан шакий. Улки, буюруб ўзи килмағай, ҳеч кимга фойда ва асар анинг сўзи килмағай. Назоирхон била сургувчи макол - дастиёр била йирлағувчи каввол.

Қитъа:

Воизки, дастёрсиз ўлмас сухангузор, Анга ёроду⁵⁰ мунга аёлгувчи⁵¹ ҳукми бор. Тенгри сўзин аёлгувчи бўлмай дей олмагай, Бир соз бўлса ҳам керак ул қилгай ихтиёр.

Йигирма бешинчи фасл

АХЛИ НУЖУМ ЗИКРИДА

Мунажжимки, савобит ва сайёр назоратидин хукм сурар, раммолдекдурки, нукталари хисоби била лоф урар. Зижи 52 - хеч ва тафхим ва тавкими-ғалат таксим; ва устурлоби вожиб-улижтиноб 53 ва рифъат ул-камари 54 бефойда ва бесамар. Гофиледур бу асбоб била хангома тутғон ва хак таоло қазо ва такдири сўзин унуткон. Ўз илгида бир анор бўлса билмаски, неча парда ва неча хонаси бор ва хар парда ва хар хонасида неча донаси бор ва ул дона аччиғмудур ё зумухтваш ё чучукмудур ва ё майхуш; борлар ани кесиб ебдур ва хосият ва кайфиятини билиб, элга хам шарх била дебдур.

Фалаки мудаввар ва нужум ва буржидин афсона дер ва аларнинг саъд ва нахси хукмин суруб тарона дер. Бовужуде улки, ўн сўзидин иттифоке бири хам рост келмас, мунунг кабохатин ё билмас ва ё билиб кўзига илмас. «Кизб ал-мунажжимун» мазмуни била анинг сўзи ёлғондур ва ўз ростлиғ кишваридин йирок колғондур ва басират кўзига ғафлат пардасин солғондур.

Байт:

Эмас афлоку анжум холи бенафъу зарар, лекин Ани тенгри билур, эрмас мунажжим билмаги мумкин.

Йигирма олтинчи фасл

ТИЖОРАТ АХЛИ ЗИКРИДА

Тужжори саёхатшиор ақолим ва булдон ҳолидин хабардор, ажойибдин афсонагузор ва ғаройибдин нодирагуфтор.

Жибол тоши ва дашт қумиға ноқа сурган, биҳор амвожи талотумдин нафъ ва зарар кўрган. Ҳалол рўзи касбига масофатлар қатъ этган, жамияти зоҳир тилабу ботин паришонлиғлари анга етган.

Бири юз бўлурдин бошида минг савдо, бўзи катон бўлурдин кўнглида неча таманно. Мундок кишининг максуди тамом асиғ бўлмаса ва бу асиғ ҳусули учун ранжи қаттиғ бўлмаса, савдо учун тенгизга кема сурмаса, дур учун наҳанг комиға қадам урмаса, мол ва дирамни азаматиға сабаб қилмаса, хадам ва ҳашамни ҳашматиға жиҳат билмаса, нафис ажносни ба аяб чопон киймаса, лазиз ағзияни исиркаб қуруғ нон емаса, ранжи маош суҳулати бўлмаса ва суди кўнгул фароғати учун бўлса, сафардин азизлар суҳбатиға етмак муроди бўлса ва риоятидин номуродлари иши кушоди бўлса шаръий закот бўйнида қолмаса, фуҳаро ҳақин ўз бўйниға олмаса, йўқки, молин азиз асраб, ўзини хор этган ва ўз молин тамғодин ўғурлаб ўзига мазаллат етгай, ё вориссипор учун йиғинғай, ё ҳодиса қўзғар учун қовғонғай. Мундоқ киши хожа эмас, муздурур ва ўз разиллиғидин ҳамиша ранжурдур.

Байт:

Мундоқ кишида йўқ хирад ва хушдин нишон, Билгил гадо агарчи эрур Хожаи Жахон.

Йигирма еттинчи фасл

ШАХАРДА ОЛИБ СОТҚУВЧИЛАР ЗИКРИДА

Шахр савдогари ғадркиш ўзига суд ва мусулмонларға қахтандиш. Элга зиён анинг суди, ўнғой олиб оғир сотмоқ анинг мақсуди. Олурда катонни бўз деб, сотарда бўз васфида катондин ортуғ юз сўз деб. Шолни тўрка ўрниға ўткара олур бўлса, таъсир йўк, бўрёни зарбафт ерида сота олур бўлса, тақсир йўк. Дўконида барча матоъ мавжуд, ғайри инсоф. Ноинсофлигидин барча жинс хосил ғайри тақсирға эътироф. Тожири мусофир ул кадбонуға ҳамзону, балки ани черикчи деса бўлур, муни кадбону. Анга суд - олғувчиға нуқсони мол, икки жонибдин ёлғон онт ичгувчи лаллол.

Байт:

Бу хайл одам эмаслар, яхши боқсанг, Эрур судинг алардпн гар йироқсаи.

Йигирма саккизинчи фасл

БОЗОР КОСИБЛАРИ ЗИКРИДА

Бозорда савдогар косиб-тенгриға хоин ва ваъдаға козиб. Бирга арзирин юзга сотмокдин аларға минг мубоҳот, мингга тегарни юзга олмокдин аларға йўқ бир зарра уёт. Ростлиқ била савдо аларға зиёнкорлик ва ваъдаға вафо аларға бадкирдорлиқ. Охират икки савдосидин эърозлари ва амал мезони адолатиға эътирозлари. Ўғул атоға бозий бермак пешалари, дағалликларин киром ул котибиндин ⁵⁷ ёшурмоқ андешалари.

Байт:

Булардин кимки дер ўзни валийдур, Агар қилсанг яқин, бир догулийдур.

Йигирма тўққузинчи фасл

СОЙИР ХУНАРВАР ВА САНЪАТПАРДОЗ ЗИКРИДА

Хунарвар ва санъатпардоз ёлғонлари кўпдин-кўпу чинлари оздин-оз. Ишларида дағаллик макдур ва ҳаддидин нари, ваъдаларида ҳилоф ҳаёл ва гумондин ташқари. Чин сўзким, эрга улуғ ҳунардур, алар қошида айби тамом, ялғонким, ҳалойиққа улуғ айбдур, алар олида ҳунари молокалом.

Маснавий:

Тонгдин оқшомға ишда санъатсоз, Хунар атворида фусунпардоз, Айлабон бу тарийқни варзиш Ки, бировга югуртгайлар иш, Гар муаддий, ғаний йўқ эрса фақир, Анга бози берурда йўқ тақсир.

Ўттузинчи фасл

ШАХНА ВА ЗИНДОНИЙЛАР ВА АСАСЛАР ЗИКРИДА

Доруға ва шаҳна ва асас ўғри ва хунийға мумид ва фарёдрас. Зиндон аҳли - дўзах аҳли. Асаслар малоикаи азоб, шаҳна молики дўзахдек ҳукмрон ва олижаноб. Гуноҳ аҳли тавқу занжирға гирифтор, бу занжиру тавқлари салосил ва ағлолдин намудор. Киссабур била муқаммир асасларидин бозор ва қиморҳонаға мустаъжир. Зиндон чоҳидин ўғрилар кўнгли тийралиги маълум, журм аҳлиға анда паришон кўнгулда ҳавотирдек ҳужум. Гунаҳкорға анда умиддин бийм кўпрак ва бадкирдорға анда иноддин таслим кўпрак. Ҳар қатлаким, бировни тортиб чиқорғайлар, анда қолғонлар ўзларидин борғайлар.

Қайтиб келганларнинг нақллари муваххиш ва хабар келтурганларнинг можаролари мушаввиш.

Бири дебки: Дорға чекарда яхши турди ва бири дебки: Бўйнин чопарда яхши ўлтурди. Бири мақтулнинг йигитигидин таҳассурда, бири ятимнинг рубоий ўқуғонидин таҳайюрда. Бу навъ

саъб хол бехаддур ва мундок ғариб ахвол беададдур.

Амал ҳирси чоғи асас мужримнинг тутулмоғиға соний, амадо ўз матлубини ҳосил қилғонидин сўнгра қутулмоғиға доий. Дунёда бу манзил қиёматкирдор ва маҳшарда дўзахдин намудор. Банду занжирлиқ гунаҳкорлар шаҳар зиндонида, андоқки, ишқ муқайядлари байтул-эҳзонида. Тенгри барчани бу ерга келтурур афъолдин йироқ тутсун ва манзилға тушурур аҳволдин қироқ.

Байт:

Бир манзил эрур анда басе ранжу уқубат. Тушган кишига анда ўкуш дарду суубат. Вале ул ҳарам ичра бўлгонга хос, Умид улки ҳам тенгри бергай халос.

Ўттуз биринчи фасл

ДЕХКОНЛИК ЗИКРИДА

Деҳқонки, дона сочар, ерни ёрмоқ била ризқ йўлин очар. Агар ростлик ва салоҳи бордур, ўйи Солиҳ ноқасидин намудордур. Қўши ҳам икки зўр паҳлавон, юкига бўюн сунуб олида равон; иш қилурда ҳамдам ва ҳамқадам, деҳқон аларни суради андоқки Одам⁵⁸. Олам маъмурлиғи алардин, олам аҳли масрурлиғи алардин. Ҳар қаён қилсалар ҳаракот, элга ҳам қут еткурур, ҳам баракот.

Деҳқонки, тузлук била дона сочар, ҳақ бирига етти юз эшигин очар. Сочқон дона кукаргунча, ўруб хирмон қилиб, маҳсулин кутаргунча курту қуш андин баҳраманд ва дашт ваҳши анинг била хурсанд. Мўрлар уйи андин обод ва гўрлар хотири анинг била шод. Кабутарларға андин мастлиқ, тўрғайларға андин нишотға ҳамдастлиқ. Ўроқчиға андин рузи, бошоқчиний ёруб андин кузи.

Барзагарға андин ком ҳосил, пуштакашға андин мурод восил. Гадо андин тўқ, кадхудо тўқлуғи ҳам андинўқ. Мусофирға андин таом, мужовирға андин ком. Итмақчи танури андин қизиқ, аллоф бозори андин иссиқ. Фукаро ризқи вофий, ғурабо қути андин кофий. Зоҳидға андин хузури тоат, обидға андин лофи қаноат. Сойил харитасида андин муҳайё ақтои, шоҳ хизонасида андин баҳру кон матои.

Дехконнинг бир дона сочарида бу холдур, ўзга ишлари таърифи махолдур. Боғи жаннатдин намудор, полизида рух кути падидор. Ашжорининг ҳар бири чархи ахзар, ул шажар ва раёҳин ва фавоқиҳи нужум ва ахтар. Фуқаро сирка ва душоби андин, ағниё нуқлу майи ноби андин.

Гуногун фавоких билаким боғда тазйин, чаман мулкида боғланиб таъбия ва ойин.

Мундок киши керакки, бухлдин муарро бўлса ва кизбу имсокдин мубарро. Шох молин берурдин ибо килмаса ва забун шерикка жафо килмаса, то доноси дурри саодат бар бергай ва тухм сочиб, анжуми улувви рифъат тергай. Мундок дехкон Одамнинг фарзанди халафидур, балки марзуклар анга фарзанд ва ул Одами сафийдур.

Кить а:

Кимки деҳқонлиг айлади пеша, Даги нон бермак ўлди анга шиор. Буйла кимса улувви рифъатдин. Одам ўлмаса, одамий худ бор.

Ўттуз иккинчи фасл

ЯТИМ ВА ЛАИМЛАР ЗИКРИДА

Авбош била арзол мусулмонлардек аларға не маош ва не хисол. Инсоният табъларидин орий, ҳайвоният балки сабуият аларнинг шиори. Ятимки пичоқ урмоқ анинг иши бўлғай, ўзи телба ит, пичоқ анинг тиши бўлғай. Соғлиғида қутуз ит ва усруклигида қочиб андин юз ит. Панжалари ниши ажал қуллоби, нечукким дашт сибои, ўлтурур кун учун иймон дуосидек ўрганиб рубоий. Яхши-ямон сўкунж еткуриб, акрабдек нечаки етса ниш уруб. Не ақл аларда не дин, не ҳаё аларда ва не тамкин. Ишлари ноэътимодлиғ ва нопоклик, варзишлари бемурувватлиғ ва бебоклик. Шахрнинг соир арзоли ҳашарат ул-арз, халойиқға алардин эҳтироз вожиб, балки фарз.

Байт:

Халойиқ ийзо аларға сифот, Набий дедиким: «Уқтул ул-музиёт»⁵⁹.

Ўттуз учунчи фасл

ҒАРИБ ВА БЕНАЗОЛАР ЗИКРИДА

Жут ва лўлининг кўпраги музхик ҳаракоти ва туз усули. Муаллақ урмоқларида хоксорлиғ ошкор, сарнигун турмоғларида беэътиборлиғ падидор. Анониятлари юзига тезак солиб чаманвар ва инсониятлиғлари доираси манмунлариға чанбар. Кишиликдин секримоқлар била қочиб, яхшилиғдин масҳаралиғлар била маломат эшигин юзларига очиб. Букун топқонни еб, тонгла ғамин емай, тилаб нима бермагандин шикоят сўзин демай. Ватан ва масканлари хорлиғ вайронаси, манзил ва маъманлари хоксорлиғ кошонаси. Тонг отқоч эр ва хотуни касб учун тарқашиб, ўғул ва қизлари кўй ва кўчада бутрашиб. Ҳар қайси ҳар неким ҳосил қилиб, оқшом барча бир ерга йиғилиб, топқонларин тугатмагунча уйқу майли қилмай; тонгла не егумиздур демак сўзин билмай. Тонгла ишлари ўтган бурунғи кун иши, бу ҳам бир ишдур агар қила олса киши. Бу разолат кишилик такаббуридин хўброқ ва бу залолат яхшилиқ тасаввуридин марғуброқ.

Байт:

Киши агар киши ўлса, ўзин киши демагай, Қилурда ҳеч ишин ҳам киши иши демагай.

Ўттуз тўртинчи фасл

МУБРИМ ГАДОЛАР ЗИКРИДА

Тиланчи ва гадо кўпраги беғайрат ва баҳаё. Кундуз кезмаклари ибром била элдин нима олмок учун, кеча келиб ўғурларға эл жиҳотиға кўз солмоқ учун. Не неъмат олиб мунъимдин шокир, не инъом топиб мукрим узриға тиллари зокир. Емак била жуъ аҳлидек меъдалариға тўлмоқ йўқ, тиламак била мустасқийдек сувдин сероб бўлмоқ йўқ. Қаду ва качкули мамлу бангилар хотиридек мутанаввиъ хаёлотидин. Харитаси тўла риёий суфийлар замиридек муталаввин хавотир ҳолотидин. Ҳар дирамки тугуб, ғассолдин ўзга киши очмоқ маҳол, ҳар сиймким кўмуб, туфроғдин ўзга биров ани емакка йўқ эҳтимол.

Кўзлари хирснинг «сод»и⁶⁰ ва тамаънинг «айн»и⁶¹ ва бу хирс ва тамаъдин жону кўнгулларида махрумлук шайни. Булар орасида ўзига қаландар от қўйғон малъун, одамийлиғдин мағбун ва дев ва шайтон олида матъун. Инсоният ва мусулмонликдин йирок, тўнгуз ва айиғ одамийлиғда алардин яхширок. Шакл тағйири била одамийлиғдин карона, пўстун эвура киймаклари ҳайвонлиғ ва сабуиятдин нишона. Улуғ-кичикдин ҳар турлукда гадойи муваҳҳиш, фосид хавотиридек софий кўнгулга мушаввиш.

Назм:

Бермак бўлмас аларға инсон хукми, Ё одаму мўъмину мусулмон хукми. Фосид ахлотигаки вожибдур дафъ. Бўлгайму киши берай деса жон хукми.

Ўттуз бешинчи фасл

ҚЎШЧИ ВА САЙЁД ЗИКРИДА

Кўшчи сайёдларға муқтадо ва хукмрон ва бу жамоат анга раийят ва маъмури фармонким, илгида куш кеча-кундуз ранж ва машаққатға туш. Кеча уйқуси ҳаром, эмгакдин йўқ анга ором. Нафис ҳаззи учун бир гуноҳсиз аёғига солиб банд ва узун тунлар анинг азоби била хурсанд. Амал риштасин тамаъ игнасига чекиб, ул безабоннинг кўрар кўзни ҳам тикиб. Мақсуди ани сайёд қилмоқ ва ўзга жонлиғлар қасдиға жаллод қилмок. Қундуз дашту водийға чопиб, бир неча забун ғофил топиб, юз макру ҳийла била қушин аларға солиб ва ул солғони ул мазлумни олиб. Олдургондин сўнгра ул сайд боши устида тутиб ўрун, қони тўлғон забунни бисмил қилмасдин бурун, не дейки қанотин сувуриб, қўлтиғинму ёрадур ва ўзи ул қотил шогирдин шааф била тўйғорадур. Неча мундоқнингким, қонин тўкти ва кўлтуғин ёриб, қанотин сўкти. Фитрокига боғлаб уйига ёнди, ўзи ва қуши қилғонларға қувонди. Шум нафс ҳаззиға бир-икки аёғлариға иртикоб қилғай ва олида широлғасин кабоб қилғай. Баъзиники, тонгла бегига элтиб тортқай, анинг илтифотидин кўнглига жулду тамаъи ортғай.

Куш таърифида дегани барча лоф, ўз тахсинида сўзлагани бори газоф. Мунча мазмун амриға боис нафс коми, хох эмгаги, хох томошаси, хох кабоби, хох бек инъоми.

Маснавий:

Булар боиси барча нафсоният Ки, анда дохил инсоният. Кўнолга олиб қайда қўнса дирам, От арпаси ҳам, қушига тўъма ҳам.

Ўттуз олтинчи фасл

ТАРБИЯТ ТОПИБ, ХАРОМНАМАКЛИК КИЛҒОН НАВКАРЛАР ЗИКРИДА

Навкарки, вали неъматидин риоят кургай ва бек ва махдумидин тарбият ва иноят кургай. Эрлик ва инсоният улдурким, мукобаласида куллук ва хидматкорлик, балки якжихатлик ва жонсипорлик килғай ва тилагайким, анга жон фидо этгай то шафкати хукукин адо этгай. Хамият ул эмаски, махдум яна бировга купрак мултафит булгонидин шикоят изхор килғай ва гиламандлиг гуфту гузори, то иш анга етгайким, неъмат куфрони ороға туштай ва хак ношинослик тугёни можарога суруштай ва бу одамийсизлик кочмокка мунжар булғай, адув эшигига борурға мукаррар булғай. Узин бировга кул деб соткон додактур, балки додакдин юз катла камракдур. Батахсиски, муфрит тарбият курмиш булғай ва мукобалада беандом лофлар урмиш булғай. Абрки, бир ердин яна бир ерга кочкай, номардлик туфрогин йигитлик бошиға сочкай. Чун мундок киши эрлик сонидин норидур ва йигитлик доирасидин ташкаридур. Хокимеким, киёсати бор, анинг кошида мундок кишига качон эранлар сиёсати бор. Эранлардин мардона гунсох вужудка келса, буйниға юклангандин сунг буйин урарлар, кизил юзлук килур учун буйниға тиғ сурарлар. Аммо анинг сурхруулуғиға гулгуна сазовордур ва юз оклигиға била машшоталик тузтайлар ва бу келин зебу зийнатида сехрлар кургузгайлар ва кошин олиб, вусмага шойиста килғайлар. Саколин киркиб, икки кулок тузиға зулфлар ошуфтахол куйғайлар. Аммо икки узори тарафидин чап ва рост икки хол куйғайлар. Орияти дасторин бошиға бурунжок килғайларки, аруси мастурадур ва гардизи номастурдур кашидалиғ ёглиқ фарфиға лачак солғайларки, жавони махдур ва халла нозуклиги номакдурдур. Бу навь ораста килгондин сунгра чанбаршох йурға уйга тескари минургайлар ва шахрнинг куй ва махаллотиға кездургайлар ва наззорагар эл таъну ташниъ билаким, «чор донг сипохгари говмиш тохтан кезу, себ фарёд килғайлар. Ва агар юз каролиғидин уёт ва каро тиллик булурдин хижоб булмаса анга муносиб харифлар мастур ва анга мувофик ошиклар мазкур бултай эрди ва айшу нишот базми курилғай эрди. Аммо андок сиёхруйнинг тавзихи ул навь каро юзлукнинг тафзихи хар нечаким олам ахлига мултамас булғусидир.

Байт:

Бу навъ масхаралиқ элга бас дурур ҳайрат Ки, ўлгай эшитибон кимга бор эса гайрат.

Ўттуз еттинчи фасл

КАДХУДОЛИҒ СИФАТИ ВА ХОТУНЛАР ЗИКРИДА

Мувофик тушса кадбону, давлат ва жамиятға бўлмокдурур ҳамзону. Уйнинг оройиши андин ва уйлукнинг осойиши андин.

Жамоли бўлса марғуб ва салохи бўлса жонға матлуб. Оқила бўлса, рўзгорға андин салох ва интизом ва маош асбобиға андин тартиб ва саранжом.

Бу навъ жуфт кишига қовушса, балки мундоқ комгорлиқ иликка тушса, нихоний ғаму меҳнатда ҳамроз ва ҳамдаминг бўлғай ва маҳфий ва пинҳон дарду машаққатға дамсоз ва марҳаминг бўлғай. Рўзгордин ҳар жафо етса, анисинг ул ва чарҳи даввордин ҳар ибтило келса,

жалисинг ул. Кўнглунг ғамидин ул ғамнок ва баданинг заъф малолатидин ул ҳалок.

Агар хусну жамоли ўрта чоғлиғдур ва мувофакати риштаси мухолифатка боғлукдур, хавфу ражо била тирилмакдур ва хикмат ва мадор била маошини билмакдур. Кадхудонинг баъзи мушкили бўлса осондур. Аммо кўпрок холида кўнгул харосондур. Бу навъ не хам нофаржомлик ва нокомлик била тахаммул килғай ва хар нечук бўлса ўткарилғай. Аммо, наузубиллох, носоз жуфт элга мухлик мараздур ошкор ва нухуфт. Салита бўлса, кўнгул андин шиканжа. Ямон тиллик бўлса, абушка кўнгли андин яролиғ.

Улки аввал мазкур бўлди ва юкорирок мастур бўлди рўзгор аносидин юз йилда бир туғмас ва юз мингдин бир йуликмас. Йўлуккан кишига тожи торак бўлсун ва бу саодат анга муборак бўлсун.

Алар макри таърифида кўп улумда доно ва кўп диққатлиғ хукумо китоблар тасниф этибдурлар ва мужаллидлар битибдурлар ва муболағалар била бастлар қилибдурлар. Ва ҳануз ўзларини ожиз ва муқассир билибдурлар. Бу бир неча паришон каломот бирла не навъ таърифларин айтса бўлғай ва тавсифларининг юздин бирига етса бўлғай. Аммо хос ул-хослари буларға акси мутлақ ҳақгўй ва ҳақшунос ва тилларида ҳақ ва кўнгулларида дағи ҳақ. Уламои исломға алардин фойидаи умид, авлиёи аъзам алар анфосидин мустафид, анбиё мурсилинни аларга модиҳ билғил, малоика муқаррибин аларға эгачи-сингил. Иффат торидин бошларида муқнаъ ва исмат ҳулласидин юзларида бурқаъ, бу бурқаъни ул юзидин ҳақ йироқ қилмасун ва футур елидин бу парда ул важҳдин очилмасун.

Ўттуз саккизинчи фасл

РИЁИЙ ШАЙХЛАР ЗИКРИДА

Шайхи риёий - раънолиқ жилванамойи. Миседур, олтун била рўкаш, таши хушнамо ва ичи нохуш. Сурати дарвешваш ва маъниси саросар ғаш. Оросталиғи барча қайд ва каромати тамом шайд. Амомаси риёсат юки, бошида бир фосид хаёл ҳар туки. Эгнидағи мураққаъ рангомезлиқ била мулламаъ. Ридоси уюбининг пардадори ва риё чархи игирган ҳар тори. Мисвоки тамаъ тишин элтурга суҳон; шонадонида ришханд олати ниҳон. Муҳрабозлиқ тасбиҳин эвумак ва узунроқ намоздин ғарази эл кўрмак. Кулоҳи давлат ул давлатмандға дастор ва узунроқ алоқаси тулку куйруқидин намудор. Маҳалсиз сайҳаси бағоят совуқ, андоқки, вақтсиз ун тортқон товуқ. Ғафлатдин авродида алоло, нечунким мастлар базмида «дирно талоло» Барча калимоти ҳийлатангез ва мажмуъ ҳаракоти ғаразомез. Воқеаси бари ясалғон. Уйғоқлиғида дегани барча ёлғон. Симои усулдин ташқари, важду саъқаси таъриф оҳангидин нари. Суратида мунча печ дар печ, маъниси ҳуд бошдин-аёқ ҳеч. Бу ҳабис зотға мунча оройиш, эранлар ҳолидин анда намойиш.

Хайҳот-ҳайҳот, уят, юз минг уят. Турфа буким, бу мазҳарға муридлар ҳам бор, хизматида барча шефтау қарор. Ул бу дуконни юрутиб тадбир била ва маъракани қуруб тазвир билаким, шаётинға маҳалла ҳайратдур ва деви лаинға мужиби ибрат ва нафратдур.

Назм:

Фақр исми бирла мунча зарқу шайду бу риё, Салтанатдекдурки, қилғай подшохи бўрё. Бу агар дарвеш ўзин қилса гумон, ул подшо, Йўқ ажаб, чун иккисида йўқ турур ақлу ҳаё.

Ўттуз тўққизинчи фасл

ХАРОБАТ АХЛИ ЗИКРИДА

Ринди 64 харобатийки, май ичмак била ўтар авқоти, хубобдек бода хавоси бошида, сурохидек бош кўяр ери соғар қошида. Дайрда 65 хар қаёнки базме қуруб, сабукашлик василаси била ўзин еткуруб. Номус дасторин бошидин олиб, бир, журъа учун майфуруш оёгиға солиб. Майхона тараддудидин бехонумонлиғи, паймона тааллуқидин бесару сомонлиғи. Ҳар муғбача илгидинки, жоме тортиб, Жамшеддин 66 истиғно ва шавкати ортиб. Муғбачалар юзи олида бутпараст, дайр пири аёгида боши туфроққа паст.

Ёкаси майхора шўхлар илгидин чок, кўнгли ҳам алар ишки тиғидин захмнок. Дайрда май гадолиғиға ашғоли, илгида майхонанинг синук сафоли. Расволик кўйида аёғи яланг, боши хам ва бадмастлар дастбурдидин манглайи захмлик, коши ҳам. Вужуд шахсин килур учун помол, мажолисда ери сафи ниол. Бошиға амома меҳнатин ортмай, бўйнида ридо миннатин тортмай. Нафси гарчи туфрокка ҳамдаст, ҳиммати олида фалак паст. Замон навойибидин кўнгли ғамсиз, фалак ҳавосидин хотири аламсиз. Бужуд ва адамдин бўлмай ҳаросон, бору йўк ҳиммати олида яксон. Суроҳидек талх йиғламокдин нишоти, майдек аёкға тушмакдин инбисоти.

Муғ дайридек бир дам соғолмай, дахр хайру шарриға кўз солмай, Замон яхши-ямони била иши йўқ, деса бўлғайки, оламда мундоқ киши йўқ. Дахр ахли зулмидин мундоқ маош мухиқ, ҳақ авф ва раҳматиға мустаҳиқ. Вужуд майкадаси туфроғида фоний, умиди ҳақ карамидин бақойи жовидоний. Ринд ва гадоғаким етиб бу иқбол ва давлат, шоҳларға анинг ҳолидин орзу ва ҳасрат.

Рубоий:

Риндеки, фано жомини тортар пайваст, Дунё била охиратка эрмас побаст. Ҳақ раҳмати умиди била тун-кун маст, Кўп ортукрокки, зохиди заркпараст.

Умид улки, бори номуродларға ҳақ бу фано давлатин қариб қилғай ва тавба саодати била бақойи жовид насиб этгай.

Киркинчи фасл

ДАРВЕШЛАР ЗИКРИДА

Дарвеш⁶⁷ улдурким, бўлғай ризоандеш, агар ичида бўлса юз ниш тоши бўлғай марҳамойин ва маломаткеш. Дарвеш керакким, сидку фано тарикин тузгай, ўзин нечукки, бор андок кўргузгай. Аноният ғилзатиға қотиқ риёзатлар биласафо бермиш бўлғай ва нафсоният шиддатидин азим мужоҳидалар била чиқиб, факр тарикиға кирмиш бўлғай ва фано дор уламони жамоат хонасиға етмиш бўлғай. Ҳиммати назариға мосиволлоҳи номавжуд, балки вужуди мутлакдин ўзга барча нобуд. Ичи тоши била мувофик, балки ортиғрок, ботини зоҳири била мусовий, балки ёруғрок. Агар зоҳирида ботин ихфоси учун кўрунса андин муроде бўлса маломаткашлик. Ботини софи зоҳир тийралиги кони мунофий. Дарвеш тўни йиртук андок турурким, ганжи макони бузук. Саро аҳли жаҳонда андокдурурким, Фаридун⁶⁸ ганжи вайронда.

Маъни аҳли ҳақиқати махфий ва сурат аҳлининг ҳақиқий даъви ва даъвийи ҳақиқатда бемаъни. Эранлар ҳоллари суратин ёшурубтурлар ва маломат суратида наъли бозгуна урубтурлар ва зоҳирлари биносин бузубтурлар ва ботинлари асосан тузубтурлар. Қазодин не келса ўзларин ризоға ёсобтурлар ва олам аҳлининг қотиғ ранж ва ирик маломатиға чидабдурлар. Емакичмакдин кечибдурлар. Ҳақ ризосин истарда ғам еб ва қон ичибдурлар. Ризову таслим зовияси мақомлари, фано бодиясида оромлари. Адабу тавозеъ аларға киш душман ва дўстиға инкандеш. Бу сифат ва ойин била бўлғон эрур дарвеш.

Рубоий:

Ё рабки, фано қушин ромим айла, Ромим демайинки, сайди домим айла. Хам фақр тариқида хиромим айла, Хам зовияи фано мақомим айла.

Иккинчи кисм

ХАМИДА АФЪОЛ ВА ЗАМИМА ХИСОЛ ХОСИЯТИДА

Аввалги боб

ТАВБА ЗИКРИДА

Тавбаи¹ хакикий мазмуми афъол кабохатиға мўталлеъ бўлмокдур ва тавфики рафик бўлуб, ул афъолдин ижтиноб килмокдур. Тавба мужрим банданинг вакти кўзгусин исён зангидан оритур ва ниёз мускили била ёритур. Шаковат тарикининг нихоятидур, хидоят жодасининг бидоятидур, аноният ғафлатидин сесканмакдур ва башарият уйкусидин уйготмакдур ва нашойист ахволин англамокдур ва нобойист афъолин тонгламоқ ва ярамас махфийларға кошиф бўлмокдур ва керакмас даъвийларига вокиф бўлмок ва аъмол кабойихидин шармандалиғдур ва афьол фазойихидин сарафкандалиғ ва огахлигдур, башарият инодиға вокифлигдур, нафси амора фасодиға ва кўнгулга наформонлигидин мутагаййир бўлмокдур ва рухға нафаржомлигидин мутанаффир бўлмокдур. Ва хакдин нажот вакти етмакдур ва бандаи нафс мутобаатин тарк этмакдур. Бу гавхари шабчироғ хар тийра рўзгор лойики эмас ва бу шамъ тавфикни ходийи иноят хар кимга бермас. То кайси ориғ тийнатлиғ йўлдин озмиш бўлғай ва каю пок хилкатлиг жодадин чикиб, килур ишин ёзмиш бўлғайким, анга ғариб, холат ходис бўлмиш бўлғай ва ул холатка шум нафс боис бўлмиш бўлғай ва ходийи тавфик етгай ва ани ул холатин огах этгай. Чун огах бўлди хаётидин ториккай ва уёт дуди димогидин чиккай ва эътизол била киладурғонидин ибо килғай ва истигфор била киладурғон журмидин истеъфо килғай ва нохамвор афъолиға андом бергай ва бировнинг берохлигидин чикиб, хакикат йўлиға киргай. Бу мартаба тарикат ахлининг аввалғи гомидур ва максад водийсининг аввалги манзилиға хомийдур. Бу саодат кишига ўзлугидин етмак «маъшо золика фазулуллох юътиха ман яшаъ»². Хар сохиб давлатка бу огахлиғ бир васила била етибдур ва хар саодатманд бу икболни бир восита била касб этибдур.

Рубоий:

Хақдин ангаким, етти иноят вақти, Кўнглига ёмон феъли сироят вақти. Исёнига фош ўлур нихоят вақти. Бу бўлди хидоятқа бидоят вақти.

Хикоят: Мазҳари сунъи ҳаққи таборака Шайх Абдуллоҳ Муборак³ (куддиса оллоҳи сирруҳу)нинг тавбасининг бидояти ва туз йўлға кирарнинг ҳидояти бу эрмишким, ҳол авойилида бир париваш ишқиға гирифтор эрди ва ҳалқ аросида мажнуншиор кўнгли бир шўҳ ҳусниға мубтало ва ҳуш ва ҳирад. кўнгли мулкидин жало. Бир қиш кечаси маъшуқи девори тубида васли умиди била побаст ва юзи ҳаёлидин андоқ беҳуд ва маст эрдиким, бовужуди улким булут ҳаводин замҳарирбор ва тун мушки ул замҳарирдин кофуркирдор эрди ва дай сарсаридин қор кўнгли мулкига ишқ сипоҳи чопқуйидин нишона кўргузур эрди ва бурудат шиддатидин ашжор яфроғлари совуғ этган, лол тиллар ҳолидин афсона айтур эрди. Ул ишқ ўти ҳароратидин бу ҳолдин ҳабарсиз ва ёланг аъзоси кор ва замҳарир бурудати шиддатидин асарсиз тутуб эрди. Анга тегруким, тонгқуши нола тузди ва саҳар муиззини наъма кўргузди. Ул эшитгач, соғиндиким, ҳуфтон намозининг нидосидур ва ашо саловатининг адоси ибтидоси. Чун

тонг ёвушти қуёшдек ичига изтироб ва ошуб тушти. Ва субҳи содиқ нуридин кўнглига ёруғлиқ етти ва мулҳами ҳидоят ани огоҳ этти. Ўзига дедиким эй Муборакнинг номуборак ўғли ва эй тенгрининг қочқон ва беадаб қули! Хуфтон намози қироатида агар имом узунроқ сура ўқуса маломат тутар ва юз фосид ҳаёл кўнглунгга ўтар, қишнинг бир узун тунини андоқ шум нафсинг ҳавосиға машъуф ва мазмум табиатинг коми ҳаёлиға мағлуб ўткарурсенким, ҳуфтондин вуқуфунг ва саҳар етгандин шууринг бўлмас. Бу ҳолатда анинг ичига қўзғолон тушти ва уётдин руҳи бадандин муфорақат қилғали ёвушти. Инояти илоҳий қўлдади ва тавба ҳидоятиға йўлададиким, андоқ риёзат ва сулукка росиҳ бўлдиким, оз вақтда Макка ва Мадинада шайҳ улмашойиҳ бўлди. Умид улким, ҳақ субҳонаҳу таола барча йўлдин озғонларни огоҳлиқ била баҳраманд килғай.

Китъа:

Тавбаеким, анинг саодатидин, Бир қул ўғли бу поя касб этгай Ким, анга шоҳлар қул ўлғайлар Мунга ўзлук била нечук етгай.

Иккинчи боб

ЗУХД ЗИКРИДА

3ухд 4 дунё орзуларидин кечмакдур ва нафс аларнинг мавто захрин ичмакдур. Ва молу жох хаёли риштасин кўнгулдин узмакдур ва нангу номус бутларин ушатурға ўзин тузмакдур ва қабул умидиға риёзат тариқин тутмакдур. Ва шариат жодасида мардона турмоқдур. Ва бошни риёйи саждаға индурмамакдур, балки андок тоатни хаёлға кечурмамакдур. Кўзни асрамокдур барча номахрам юздин ва тилни тутмокдур барча номашруъ сўздин. Қулок карлигидур моло, яъни масъмуъотдин илик тортмоғлиғдур барча номашруъотдин. Аёғ ланглигидур халойиқ тараддудин ва нутк гунглгидур сўзда эл ташдидидин. Оғизга савм мухридур нединки, нафс таманноси бўлғай ва нафсға яъс кофуридур ҳар шайъдинки табиат тақозоси бўлғай. Таом қиллатидур ончаким, муяссар ва анинг жибиллати риоятидур ончаким, макдур. Хилватта улфатдур алалдавом, узлатга мудоваматдур молокалом. Ва лайл киёмиға мувозабатдур ва зикр давомиға мудоваматдур. Хар соликкаким, бу маком дориғай хилкати риёзат нури била нафсоният лавсидин ориғай. Қўнгли уйиға ошнолиғ шамъидин нур етгай ва ул нур партави анинг кўнглуни масрур этгай. Ибодат натойижи ета бошлаған ва риёзат фавойиди бахраманд эта бошлағай. Ул соатан фисоатан ишида исиғроқ бўлғай ва лахзатан филахзатан қилмишида қизиқроқ бўлгай. Бу файз соғарларидин ичиб қонмағай ва бу завқ қадахларидин журъа тортардин ўсонмағай. Ёраб, анинг журъаи жомидин махрум ташналабларни камёб килгил ва бу водийда оғзи қуруғонларни сероб этгил, ё карим, ё рахим!

Байт:

Бу талабда кимки бўлса анга рўзи этма хирмон, Бу таабда кимки бўлса анга қил васл ила дармон.

Хикоят: Қидваи аҳли яқин Мавлоно Шамсуддин Муидди Уча 5 (қуддиса сирруху) Жом вилоятида мазкур бўлган кентда бўлур эрди, Ўтуз йил эрдиким, жамъи зоҳир танаъуммотидин

бебахра эрдиким, қойим ул-лайл 6 , уд-дахр 7 эрди. Бир масжидда мунзавий эрдиким, ғайри таждиди вузуъ учун мазкур муддатда андин чикмайдур эрди. Ва жинси башардин нима кабул қилмайдур эрди. Ва Хазрати Рисолат (саллаллоху алайха вассаллам) мутобаъатиғаким, Ухуд ғазвасида муборак тишлари шахид бўлиб эрди, ўтуз ики тишин ушотиб эрди ва бу ўтуз йилда ёни остида бир бўрё ва боши остида бир хишт била ўткариб эрди. Кичик Мирзо⁹ (алайха рахма) 10 ул вилоятдин ўтарда бу азизнинг, мазкур бўлган сифотин эшитиб, анинг зиёратиға етти. Мавлоно хамул масжидға кирганда эгнидаги хирқа ва бошидаги эски бўрк била эрди ва тааллуки ранги итлоки анга килса булмас эрди. Мазкур Мирзонинг кунглига риккат келиб бир овуч дирам келтуруб илтимос килибдурким, бу ниёзмандлинин кабул килгай. Мавлоно дебдурким, чун мен бу тариқ била одат қилибмен, хеч нимага эхтиёжи йўкдур. Агар Сизнинг хотирингиз учун олсам хам манга таълим килингким, не килай ва куяй. Сизнинг бир мулозимингизнинг бир жузвий василасиға ўлтурурмен, миннатдор бўлдум. Сиз карам қилиб, мени маъзур тутунг. Кичик Мирзо бу сўзга жавоб топай олмай, йиғлаб, кулок тутиб, ер ўпуб чикибдур, Ўзи (рахма иллох) бу факирға мундок такрир килди. Бир неча вактдин сўнгра бу факр хам Мавлоно хизматиға мушарраф бўлуб, сийратини хам бу тариқ била мувофик топтим, балки ортукрок хам. Хак субхонаху ва таоло барча толиби ниёзмандларға бу тарик орзумандларға ул гулистондин тухфае ва ул раёхиндин шаммае насиб килсун.

Байт:

Кимки кўнглидин анинг фақр орзуси кетмагай, Бу дурур уммедким, ҳақ они навмид этмагай.

Учунчи боб

ТАВАККУЛ ЗИКРИДА

Таваккул¹¹ хақ йўлида восита асбобин рафъ қилмоқдур ва васила хижобин дафъ қилмоқ. Ва сабтларға миёнчиликдин узр қулмоқдур ва сабаб ва узрсиз мусаббибқа банда булмоқдур. Такдир кути бозуси олдида сабаб риштаси чурукда ва казо машъали партави кошида восита учкуни ўчук. Таваккул ахликим, максуд водийсиға қадам қўюбдурлар йўл зоди хак хони эхсонидин билибдурлар. Таваккул дуруст элнинг емаги хак хони инъомидур ва ичмаки анинг шарбатхонаси жомидин ва киймаги анинг хизонаи эхсон икромидин. Бас булар мавжуд кўрунгандин ул неча хушхол бўлғай ва нобуд экандин анга малол. Дарёдин ўтарға кемани сабаб десанг тобони нам бўлғай ўтгувчиларға не сўзунг бор ва биёбон қать этарга маркабни восита гумон қилсанг таййи арз била борғучилар оллида маркаб не эътибор. Андоқки, сенинг насибангни яна биров емас, анинг хам насибин сен емак мумкин эмас. Сенинг рўзинг сангадур, анинг қисми анга. Тиламасанг ҳам еткурур, емасанг ҳам едирур. Муни англағанлар қутулубтурлар рўзий учун мехнат чекардин ва тинибдурлар фароғат учун дона экардин. Рўзий учун касбда ихтимом таваккул қусуридин бўлғай ва маишат учун саъйи молокалом якин футуридин бўлғай. Тенгри раззоклиғин билган рўзи учун ғам емагай ва қассомлиғин билган киши ризк озу кўпида сўз демагай. Улки вахшу тайр ризкиға зоминдур, санга еткурмайгайму? Улки мўру малахка рўзий берур, санга бермагайму? Саъй била азал кисматин ортурай деган ёғин риштасиға гирех урай дер. Важд била қалам ёзғон қазони қайтарай деган қуруқ ерда кема сурай дер. Бу ишлар кўнгли уйи яқин нуридин тийралар ишидур ва ботиний кўзи ҳақиқат куёшидин хиралар одат ва варзешидур. Таваккул ахли барча асбоб воситасидин куз юмубдурлар ва «филайту кулли ало иллох» 2 дарёсиға чумубдурлар ва рузий еткургучи ҳақни билибдурлар. Ани ейдургучи ҳам ани ақида қилибдурлар. Ва шак ва тараддуди қотеъ тариқларидин эъроз этибдурлар. Ва воситасиз таваккул бодиясиға қадам уруб мақсуд каъбасиға етубдурлар.

Байт:

Кимки қатъ этса таваккул қадами бирла тариқ, Ёгину сел анга музий эмас ва барқ-хариқ.

Хикоят: Шайх Иброхим Ситнаба¹³ бир муриди била (куддиса сиррухумо) таваккул қадами била Каъба азимати қилдилар. Шайх жаноби муридға айттиким, сенда ҳеч маълум борму? Мурид Шайхға дедиким, йўк, мен таваккул қадами била бу йўлға қўюбмен, амин ва маълумни не тилар! Яна бир неча қадам борғондин сўнгра Шайх муридға яна айттиким: - сен ўзунгни яхши эҳтиёт қил, маълумунг бўлса ташлағилким, менинг аёғим оғирлик қилур. Яна мурид дедиким: бир-икки наълайн широки борки, бодия қатъида наълайним широки узулса они тортарға олибмен. Шайх муридға дедиким: Ҳоло худ наълайнинг широки бутундур, узулмайдур. Деди: бале. Шайх деди: Бас, ортуқ широкни ташла. Мурид дебдурким, ташламай чорам йўк эди, заруратдин ташладим ва гиреҳ била борур эрдим, йўлда ногоҳ наълайним широки узулди, туруб илик урдумким, ани наълайн суруб ташлағаймен ва Шайхни ул амрда таън қилғаймен. Кўрдумким, наълайн ёнида бир широк тушуб ётур. Мен таажжуб юзидин ул широкни наълайнға торттим ва Шайхқа эриштим, ҳар қачонким, наълайни широкиға эҳтиёж воқеъ бўлса эрди, ҳамул дастур била муҳайё широк зоҳир бўлур эрди. Бу ишда менинг таваккулим дуруст бўлди.

Таваккул аҳли ҳақ йўлин бу навъ ёрутублар ва анинг ғайриға тавассул хаёлин кўнгулдин чиқорибдурлар.

Китъа:

Таваккул чин дуруст эрмас мухалдур, Анга наълайининг ортуг широки. Дуруст ўлгач йигилса ганжи Қорун Йўл ул дам рохравнинг хеч боки.

Тўртинчи боб

КАНОАТ ЗИКРИДА

Қаноат¹⁴ ибодат қуввати ҳосил бўлғонча қувват била ўткармакдур ва андин ортуғ барча ниманинг ҳавасин ҳаёлдин, кўтармакдур. Ва бенаволиғ била нафсни озурда тутмоқдур ва маҳрумлиғ била қувойи шахвонийни пажмурда қилмоқдур.

Қаноат чашмаедурким, суви олмоқ била қурумас ва махзанедурким, нақди сепамоқ била ўксумас ва мазраедурким, тухми иззат ва шавкат бар берур ва шажаредурким, шохи истиғно ва хурмат самар келтурур.

Кўнгулга андин очуғлуқ фойдаси етар ва кўз андин ёруғлуқ натижаси касб этар.

Қонеъ дарвешнинг қуруқ нони, томеъ шоҳнинг хитойи хонидин хўброкдур. Ва фориғи факрандишнинг ёвғон умочи олғувчи ғанийнинг наботий кулочидин марғуброқ. Шоҳ улдурким, олмағай ва бергай. Гадо улдурким, сочмағай ва тергай.

Улким қаноат мўътод бўлди - шох ва гадо тараддудидин озод бўлди. Маош уйи гарчи бўлур тор, аммо ҳар кеча муболаға қилсанг ери бор. Ҳисоредурким, анда кирсанг, нафс шарридин кутулурсен ва кўҳсоредурким, анда чиқсанг, душман ва дўстдин мустағний бўлурсен афтодалиғедурки, натижа сарафрозлик ва ниёзмандлиғедур; фойдаси бениёзлиғдур - тухми бари ғино ва шажаредур самари истиғно; маедур - аччиғ на нашъаси тарабангиз; йўледур - қаттиғ, аммо манзили фараҳомез.

Қаноатда нечаким, фароғбол, акси тамаъда разолат ва накол.

Хасис таъбға дўстедур лаимваш-гадошевалик ва разолат анинг таврига хуш. Мувофакатиға асар хорлиғ, муносабатиға бахра сабукборлиғ. Ҳар табъдаким, ул мавжуд бўлди, ул киши улус табъиға мардуд бўлди. Лаимлик ва разолатка камол андин, одамийлик ва инсониятка завол андин. Ўтедур номус уйин куйдургувчи, еледур иззат хирманин совургувчи ва викор шамъин ўчургувчи. Тамаъ инъомға андокдурки, шаратаомға, ул бири дунлар ҳаракоти, бу бири баҳойим сифоти.

Қаноат жавҳаредурким, элни мундоқ икки балодин ўткарур ва мундоқ икки ибтилодин кутқарур. Бу икки замима феълки, ёмондур, гўё икки ноҳуш тавъамондур, ул мундин ёмон ва бу андин ёмон, иккаласи ёмондин-ёмон. Бири лаим ва бири мудбир иккаласининг ҳақиқати бир. Мухбири содиқ (саллоллоҳи алайҳа вас-саллам) мунга мундоқ дебтур: «Қонеъ не азизға томеъ, не залилға нисбат берибдур».

Рубоий:

Хар кимки, қаноат тарафи нисбати бор, Борча эл аро тавозеу иззати бор, Улким тамау ҳирс била улфати бор, Яхши-ямон ичра зиллату накбати бор.

Хикоят: Кошифи асрори илохий Шайх Шох Зиёратгохий¹⁶ (куддиса оллох сирриху) ибодат фароғати учун қаноат шиор қилди ва Зиёратгох қасабасида маскан ихтиёр қилди. Ва улус назр ва хадиясин парво қилмади, ва салотин инъом ва суюрғолин кўзга илмади. Мухаққар Мавруси муҳавватасиға ашжор тикти ва экин экти. Ўз муборак илики била экин суворурға бел урар эрди ва ашжор тарбияти теша ва арра сурар эрди. Бу навъ қаноат била натижаси «азза ман қанаа» хукми била ул ерга еттиким, Хирот дор ус-салтанасидин салотини маснаднишин ва уламои дин ва машойихи аҳли яқин уч шаръи йўлни ул бузургвор хизматиға борур эрдилар ва остони туфроғин ўпмак била тафохўр бошин фалакдин ўткарур эрдилар ва ул зироат нонидин ва ул фавоких жонидин ҳар не иликлариға тутса кўзлариға суртуб, қўюнлариға солиб, табаррук учун шаҳрға аёл ва атфоллари учун келтурур эрдилар ва андин еганлар охират нажотиға ҳам умидвор бўлур эрдилар. Қаноат натижаси мундин комилроқ оз вуҳур қилиб эркин ва хурсандлиғ боғчасининг раёҳини мундин тароватлиғроқ кам очилиб эркин.

Китъа:

Жаҳон ичра кўп сунъ кўргузди сонеъ, Эмасдур киши турфа андоқки, қонеъ.

Кишидин талабсиз ғино ҳосил этмас, Яна жудға бўлмамоқ ҳеч монеъ.

Бешинчи боб

САБР ЗИКРИДА

Сабр ўзни чиқармоқдур хузуз нафсонидин ва танаъумот жисмонидин ва нафсни ҳабс қилмоқдур ибодат меҳнатида ва қадамни собит қуймоқдур риёзот суубатида. Ҳақ йулида қотиғ ирикка тузмакдур ва яхши-ёмондин ҳар не эшитган ва курганга тахаммул кургузмакдур. Аччиғдур, аммо судманд; қаттиғдур, аммо дофеи газанд. Қайси номурод илик этагига урдиким, мурод топмади? Ва қайси гирифтор кунгул сабр бандиға қуйдиким, кушод топмади? Фараҳлар мифтоҳидур ва бандлар аттоҳидур.

Рафикедур сухбати мумил, аммо окибати муродка карийилик ва харифедур умиди узун аммо нихояти матлубка хамнишинлик. Самандедур кохилхиром аммо манзилға еткургувчи ва бухтиедур сақилгом, лекин маъманға тушургувчи.

Носихи талх гуфтордек табъ андин озурда ва лекин зимнида максуд хосил, табиб батий-ул-илождек, мариз андин пажмурда, аммо сўнғида сиххат восил.
Ишк ахли зикридин мутағаййир ва лекин ғояти васлға умидворлик, ҳажр эли ёдидин

Ишқ аҳли зикридин мутағаййир ва лекин ғояти васлға умидворлиқ, ҳажр эли ёдидин мутанаффир ва лекин ниҳояти иттисолға комгорлик.

Қафасида жон булбулиға не хамушлуқ суд этиб, не наво ва илҳон, мажлисида руҳ тўтисиға не сукут нафъ еткуруб, не фарёд ва фиғон. Саҳросида фароғат ҳамону изтироб ҳамон, биёбонида даранг ҳамону шитоб ҳамон. Сўҳтаи фирок ўлмакдин анга ғам йўқ, андуҳтаи иштиёқ куймакдиин анга алам йўқ. Ҳажр шомидек тийра узун, аммо ғояти субҳи висол, ҳаж йўлидек ҳаттиғ ва йирок, аммо ниҳояти Каъбаи иқбол.

Хар гирифторғаким, ул нобуд ҳаёти андин барий ва ҳар умидворғаким, ул номавжуд руҳи андин сипарий.

Ошиқларға маразедур ва беморларға захредур ҳалоҳил. Саҳиҳ анинг суубатедин бемор, ҳавос анинг уқубатидин нокор. Руҳ иши ани тортарда тааллул, кўнгул анинг қаттиғлиғидин бетоқату таҳаммул. Йўли бодиясида зулумоти офат, Ҳизрдек ани қатъ қилғонға баҳра зулоли ҳаёт. Шиддати юкига ҳомиллардин бири Айюби¹⁹ набий ва суубати ҳамлиға комиллардин бири Муҳаммади арабий.

Байт:

Ажаб ранжеки андин саъб йўқ ранж, Вале чеккан кишинннг бахраси ганж.

Хикоят: Бир нотавон кўнглида бир гулъузор хорхори бўлди ва ул тухмат била зиндон гирифтори бўлди. Ул иш икрори учун анга килмаған азоб қолмади, аммо ул махфий сиррин кўнгулдин тилга солмади. Окибат бир кун асаслар бордилар ва ани зиндондин банд била судраб чикордилар. Ва бош-аёгидин тортиб узоттилар ва бир кучок йиғоч анинг аъзосиға ушоттилар. Андокки, бошдан - аёги жароҳат бўлди ва бари аъзосинннг териси сўюлди. Таёк аъзосин андок афгор килдиким, кон ул маъракани лолазор килди. Мазлум мутлако дам уради ва икрор такаллумин тилига сурмади. Чун таъзиб шиддатидин ҳордилар, ул мажмуъдин судраб чикордилар. Навмидлигдин кўябердилар ва инсоф оламида мухик эрдилар. Чун жафопешалар йирок борди, жафокаш оғзидин бир ушолғон дирам чикорди. Жаъмики ани кўрдилар. Ул иш кайфиятин сўрдилар, улча жавобидин мафхум бўлди, бу ҳолат маъдум бўлдиким, сиёсат ҳангомасида манзури ҳозир эрмиш ва бир гўшадин анинг ҳолига нозир эрмиш. Анга етарда ул бедоду ситам тиши остида эрмиш ул дирам. Азоб эътидолдин ўтарда дирамға тишин беркитур эрмиш ва тиш захми била ул дирамни пора-пора ушотур эрмиш ва манзур нозир олида сабру

тахаммул қилур эрмиш ва анинг наззорагар эрканин билур. Манзур чун бу ҳолни билди, меҳр ва шафқат била бошиға келди, юмшоқ сўз била яралариға марҳам еткурди ва чучук тил била мажруҳ таниға жон кивурди. Хаёлиға кечмас давлатға сазовор бўлди ва гумониға ўтмас одатға комгор бўлди. Бу барча шиддатдағи сабру шикеболиғ натижаси эрди ва ул суубат ва шиддатда таҳаммулдин анга даст берди.

Байт:

Кимки бир шиддат аро сабру таҳаммул айлади, Бахт анинг нишини нушу хорини гул айлади.

Олтинчи боб

ТАВОЗУЪ ВА АДАБ ЗИКРИДА

Тавозуъ халқни киши муҳаббатиға шефта қилур ва улусни фоил маваддатиға фирифта қилур. Дўстлуғ гулшанида назорат гуллари очар ва ул гулшандин унс ва улфат базмида турлук гуллар сочар. Мутакаб бир душманға мулоямат сари йўл кўргузур ва муъжиб хасм хотириға инсоният завқин ўлтурғузар. Такрори ҳаёсиз муддаийни уят сарҳаддиға бошқарур ва теъдоди инсофиз адувни ямонликдин ўткарур.

Агарчи борча элдин хўбдур ва бари халойикдин марғуб, аммо сарафрозлардин хўброкдур ва бениёзлардин марғуброк. Абнойи жинсдин бир-бирига мустаҳсан, акобирдин асоғирға аҳсан. Сахо қилмай элни шод қилур ва ато кўргузмай кишини ғамдин озод қилур. Адаб кичик ёшлиғларни улуғлар дуосиға сазовор этар ва ул дуо баракати била умрдин бархурдор. Кичиклар меҳрин улуғлар кўнглиға солур ва ул муҳаббат кўнгулда муаббад қолур.

Ушоғларни кўзга улуғ қилур атворидин халқ улуғлиқ билур. Халқ жонибидин бехурматлиқ эшигин боғлар ва кишини ҳазл ва истихфофдин сахлар.Табиатға инсоният тарийқида андом берур ва мижозға одамийлиқ манзилида ором еткурур. Кичикларғаким, андин мунча бўлғай, улуғларға кўрким, неча мунча бўлғай.

Муҳаббатға зебу пироя адабдин етар ва муваддатға равнақ ва баҳо таркидин кетар. Адаб ва тавозуъ кўзгусиға жило берур, икки жонибдин ёруғлуқ еткурур.

Тавозуъ ва адаб аҳтлиға таъзим ва ҳурмат етар ва ул донани эккан бу маҳсулни жамъ этар. Халқ ихтилотида ҳамида аҳлоқ ибтидоси бу ҳисолдур ва бу русуҳ топса муҳаббат ихтилоли маҳолдур. Икки жонибдин агар ҳулқи карим бўлғай, адаб ва тавозуъ муҳобаласида иззат ва таъзим бўлғай. Хушо, бу навъ аҳбоб орасида суҳбат ва бу тавр асҳоб орасида муваддат. Мундоҳ аҳли муҳаббат ва вадод ва ҳайли муваддат ва иттиҳод. Агар зоҳирда дўстлуғ сафоси учундур дунёда комгорлиҳдур. Ва агар маънода тенгри ризоси оҳиратда умиди растгорлиҳдур. Ва агар тенгрилик учун бўлса, «Ат-таъзиму ли амриллоҳ»² саодати ҳосил ва агар ҳолиҳ дўстлиғи учун бўлса, «Аш-шафҳату ало ҳалҳилоҳи»² давлати восил.

Бу олий мартабаға шониста ва лойиқ муваффакедурки, зоти факр давлатиға мулойим ва мувофик, йўкки, мутакаббири худписанд ва жохили нохирадманд.

Байт:

Ақлу ҳикмат ишидур буйла маошу ойин, Қайта топқай муни ҳар нафспарасту худбин. Хикоят: Ахбор ровийлари ва осор ховийлари мундок ривоят килибдурларким, бир ов хангомаси ғавғосида ва чопмок ва отмок орасида Хусрав Парвезнинг сарафрозлик тожидин гавҳари обдор ва дурри шаҳвор узулуб ерга тушти. Ва ов иштиғолидин анга ҳеч кишига ҳабар бўлмади. Овдин Мадойинға кайттилар. Чун ул ишни билдилар ва ҳалойиқни муноди била чиқордилар ва ул гавҳари ноёбни тилай бордилар Чун ул зеби тож мулк ҳирожи эрди, топқонға кўл нима ва кироманд сила ваъда бўлди. Халқ ул биёбонда жусту жўйида ва сила орзуси гуфтигўйида.

Иттифоко икки ҳамроҳ: бири ғофил ва бири огоҳ. Ғофил жаҳл юзидин худписанд, огоҳ тавозуъ ва адаб зеваридин аржуманд. Бирининг исми Мудбири жаҳонгард ва бирининг оти Муқбили жавонмард. Ул биёбондоғи йўлға озим ва шаҳр сари борурға жозим. Пўянамо ва даштпаймо эрдилар, чун дар талаб элга ёвуштилар. Ул ҳалқни бошлаб чиқкон кишига йўлукуштилар. Мудбир такаббур била анга боқмай ўтти. Муқбил инсоният тарийқин илгари тутти. Ул солорға адаб ва тавозуъ била бош индурди, аёғи остида гавҳар ҳудтушган эрмиш, кўруб олиб, ўпуб ул солорға тута берди, ул ҳуд мавъуд силанинг вакили эрди. Муқбилнинг илигин тутуб шаҳарға қайтти. Хусрав ҳушҳол ва мунбасит бўлди. Ва анинг узрин дегандин ортуқ эҳсон била қўлди. Мудбир такаббур натижасидин шаҳар гулҳанида мақом тутуб, Муқбил адаб ва тавозуъ фойдасидин гавҳари мақсуд топиб, шоҳ гулшанида ором топти.

Байт:

Мутакаббир кезибон шаҳарда хору мардуд, Мутавозиъни ганий айлади дурри мақсуд.

Еттинчи боб

ЗИКР ШАРХИДА

Зикр кўнгул била ҳақ ёди иштиғолидур ва тил била дағи ҳамул такаллум мақоли. Ва баъзи тилга ул амрдин маъдуллуқ дебдурлар ва кўнгулга мудовамат ва машғуллуқ. Кўнгул била Ҳақ ёдидин холий бўлмокдур ва анинг ғайри хайлидин холий бўлмокдур. Ва ул машғуллуқ «ма халақа оллох» фаносидур ва «мо халки оллох» холикининг бакосидур. Нафй калимаси билаким, «ло илоҳа» бўлғай, мосиволлоҳни унутмокдур ва исбот калимаси билаким, «Иллаллох» бўлғай кўнгулни овутмокдур ва машғул тутмокдур. Ва анинг ниҳоят мартабаси зокири мазкурда нобуд ва йўк бўлмокдур. Ва анда тилга когал йўк ва такриру баёнға мадхал йўк. Не лисонға такаллумдин хабар ва не баёнға тараннумдин асар. Бу ҳарамға кулли маҳрам бўлмағлиқ нафйи хотирдур ва ифнойи мавжуд ва номавжуд. Ва ғойиб, ва ҳозир ўзни буду нобуд хаёлидин қочурмокдур ва мақсуди аслий талабида ошно бўлса бўлмас. Ва буду нобуддин холий бўлмоғунча бу ҳаёт зулолидин тўлса бўлмас. Бу дарёға кирган гавҳари мақсуд тиласа дам асрамоқ керак ва бу ҳарамға йўл топқон маҳрамлиқ тиласа дам урмамоқ керак. Шоҳ розин асрамокда тилин тиймағаннинг боши борибдур ва ғайрат ва сиёсат тиғи анинг ниҳодидин замор чиқорибдур. Бу май ичгандин кайфият изҳори кўнгли бетоблиғидиндур ва бу бода мастлиғининг шароблиғидиндур.

Рубоий:

Майхона жамъики эрур бодапараст, Зохир май ичгандин ўлурлар бадмаст. Мингдин бир эмас бу ҳақиқат майидин, Ичган ани охсум ўлса тонг йўқ пайваст.

Хикоят: Муқарраби Ҳазрати борий Хожа Абдуллоҳ Ансорий²⁴ (қуддиса сирруҳу) дедиким, ул такаллумғаким Мансур²⁵ дам урди, мен ҳам урдум. Ул ошкор этти ва мен ёшурдум. Менким ёшурдум, тождорлиғ манқариб бўлди. Ул ошқор этти, дорға ток бўлмоқлик насиб бўлди. Ул ҳануз ҳом эрди ва бу маънидин ҳуруш қилури беҳангом эрди. Эшитгувчи ибо этти ва анга етти ва улча етти. Мен ул сўзни анжуманда гуҳор этармен ва изҳорида исрор ва такрор этармен ҳеч кас манга нима дей олмас ва демаским, сўзумнинг агарчи маъниси улдур, аммо суврати ул эмаским, суврат аҳли сувратга назар солурлар ва маъни аҳли маънидин баҳра олурлар.

Илохий, бу огохлар аёғи туфроғидин биз гумрохлар тийра кўнглига очуғлиқ еткур ва қорорғон кўзларига ёруғлуғ еткур.

Байт:

Хамул кўхл ул жавохирни кўзумга тўтиё айла, Ул иксири саодатдин вужудим кимиё айла.

Секкизинчи боб

ТАВАЖЖУХ ЗИКРИДА

Таважжух²⁶ Хақ субхонаху таолаға юзлашмак ва ул ён эланмоқдур. Ва халқдин тааллуқ торин узуб анга уланмоқдур. Жамиъ орзудин чиқмоқки, Хақнинг ғайриға айландурғай ва Мосиволлох иштиғолиға чирмондурғай. Андоқким, дунё ва охират саодатин арза қилсалар ва сиддиқлар ва пайғамбарлар маротибин жилва берсалар, солик ул ён назар ўқин отмағай ва кўнглига аларнинг радду қабулин мутлақо йўлатмағай. Агар таважжухда юзига ўқлар келса, кўз юммоқни унутқай, агар бир кўзини ул ўқлар зоеъ, яна бирин илгари тутқай. Агар ул наззорада тош ёғса бошин ёшурмағай ва ани мухофазат қалқониға қочурмағай. Агар оллида шери жаён юзланса, анга мўрча келмагай ёмон ва агар пили дамон учраса, ул ҳамон бўлғай ва пашша ҳамон. Сели балодин таважжуҳга нам етмагай ва сарсари офат бир тори мўйин хам этмагай. Чархи ғаддор фитналиқ нужуми била анга бир зарафшон варақи мовий ва барқи ҳаводис анга ел учурғон бир сариқ гул яфроғи била мусовий. Меҳри мунир оллида заррадин ҳақир ва хоксор, баҳри заххор назарида бир қатрадин бемиқдор, яъни ул таважжуҳига монеъ мумкин бўлмағай ва ул наззораси шуъласи дарёлар суйи била сокин бўлмағай. Ва бу мақом соликнинг сидқига долдур ва ихлосиға гувоҳи холдур. Ва ошиқлиғида якдиллиғиға далили беиштибоҳ ва якрўй, якжиҳатлиғиға гувоҳ ва шавқи ғоятсиз эрканига гувоҳи содиқ ва муҳаббати ниҳоятсиз эрканига далили мувофиқ.

Маснавий:

Таважжух бирла хинду саъй этар чог, Тушурур кўк ёгочдин тоза яфрог. Кашаф айлаб таважжух байзасига, Борар кўз бирла босмай косасига.

Хикоят: Бир гулханийи мехнаткаш кўнглига бир шахзодаи хуршедваш ишки харорати

тушти ва ҳарорат тобидин қони қурушти ва руҳи муворақат қилурға ёвушти. Хирад матои илгидин борди ва жунун шайдолиққа бош чиқорди. Атфол кувуб тош урарлар эрди. Кўчадин кўчага сурарлар эрди. Анинг оғзида шаҳзода оти мазкур ва кўнгли анинг зикри била масрур. Чун атфол тошидин тўяр эрди, қочиб гулҳанға юз қўяр эрди. Чун гулҳанийи мажнунни шаҳзода ишқи машҳур этти, бу сўз шаҳзода кўлоғига ҳам етти. Андоқки, пок ишқ бил-хосият маъшуқ кўнглига жозиб бўлди. Шаҳзодаи париваш девонасин кўрарга роғиб бўлди. Сайр асносида маркабни ул гулҳан сори сурди, чун девонаи номуродни кўрди, наззора ва таважжуҳи андоқ беҳудлуққа улаштиким, гулҳан ўти бошин аёғига туташти. Ул наззорадин беҳабар эл етиб ўтин ўчиргунча андин не ҳабар қолди ва не асар. Шаҳзодаи қотил девонаси ҳолидин йиғлаб ғусса ютти, турфа кўркам, ўзи ўлтириб, ўзи азо тутти.

Байт:

Мажозий ишқда мундоқ таважжух айла хаёл, Агар ўлса ишқи хақиқийда кўр не бўлгай хол.

Тўққизинчи боб

РИЗО ЗИКРИДА

Ризо²⁷ ўз дилхох ва ризосидин кечмакдур ва Хакки субхонаху ризоси жомин ло журьа ичмакдур. Ўз кўнгли тилаганлар мавто адосин фарк билмак ва махбуби хакикий ризоси била тирилмак. Бу маколдур. Соликнинг аьзам макомоти ва арфаъ даражоти нечунким, солик бидоятда масканат ва хакорат макомида хакирнинг ризоси ва матлуби хам хакир бўлур. Чун ўз ризосин билкулл фано ўтиға отти ва хак субхонаху таоло ризоси била ўзин тузатти. Мосиволлох лавси орийдин кутилди ва «алмутахаллику биахлокилло-хи»²⁸ сифати била Мутаассиф бўлди. Ажаб маколедурким, агар бу корхонада хитойи накшин кўрсун ва агар исломий парчани наккош накшбандхонаи сунъидин мутасаввир билғай ва хар бирини ўз ерида беназар тасаввур килғай. Равзаи хулдидин кўп шод ва дўзах дудидин кўп тийра ниход бўлғай. Калимуллох мадхида муболаға кўргузмағай. Халилуллохи²⁹ огох била Намруди³⁰ мардуд аросида мухолафат эшикин руст кўргай. Ва мувофакат риштасин дуруст. Офариниш боғидин агар бошиға гул бғилсун, ва агар аёғиға тикан санчилсун, чун боғбон чаманоро ризо ва ихтиёри биладур не ул биридин бошин ёшурғай ва не ул биридин аёғин йиғиштурғай. Ва дўст ризосиға жон фидо килғай ва агар яна жон тириклигин анинг ризоси учун тилагай ва ўлумда анинг ризосин топса, жон истагай ризосин. Ҳақ ризоси билмиш бўлғай ва муродин анинг хостида махв килмиш бўлғай ва ўзлугидин хабар колмамиш бўлғай ва ўзига ўз ризосидин асар. Хакдин агар ғаффорлиғ зухур этар-анинг марғуби ва агар коххорлиғ зухур этар хам анинг махбуби. Ниш етса захмиға мархам ва гар мархам етса бағри захмиға хам муғтанам.

Байт:

Рози ўлса гар ёмон, гар яхши бўлса жилвагар, Сунъи килкидин мусаввардур чу хар янглиг савар.

Хикоят: Валоят дарёсининг гавҳари ва ҳидоят сипеҳрининг ахтари асадуллоҳ ул-ғолиб, Амир ул-мўъминин Али ибни Абу Толиб (разиоллоҳу анҳу ва карамоллоҳу важҳу) ризо маҳоми таърифида ва соликнинг розилиҳҳа мутаассир бўлғони тавсифида вараҳ юзига маорифнигор

хома урубтур ва бу навъ дақиқ нукта сурубдурким, ризо мақомиға камол ўз ризоси ҳақ ризосиға мувофиқ қилғонға ҳол будурким, сўл кўзунг хонаси Хайбар эшигига макон бўлсун ва ул пошина очилур-ёпилурда ул маконда кўрунсун. Эшиткувчи айни ризодин ўз шонин унутмағай ва ғояти таъзимдин ўнг кўзин ул хизмат учун илгари тутмағай. Агар мундоқ қилса, улча анга қазодур, анинг муқобаласида ҳам фузуллуқ, ҳам адам ризодур. Ризо мақомиға ўзин нобуд ва фармонбардорлиғда ўзлукин номавжуд қилғонға бу вужуд қайдин келдиким, сўл кўзни хор, ўнг кўзни азиз билғай. Ва бу хору бу азиз аросида тамиз ҳам қилғай, анга ризо шарти улдурким, амриға тоат қилғай ва маъмур бўлғон изҳори тоат. Ва бу ширин мева валоят боғи шажарасидин бўлғай ва бу лазиз фокиҳа ҳидоят шажарасининг самараси бўлғай.

Байт:

Валоят ичра бўлгай мевалар кўп таъму холатлиг, Вале қайси валоят бўлгай мунча лаззатлиг.

Ўнунчи боб

ИШК ЗИКРИДА

Ишқ³¹ ахтаредур дурахшанда, башарият кўзи нур ва сафоси андин ва гавхаредур рахшанда, инсоният тожининг зеб ва бахоси андин. Мехредур толеъ, махзун хотирлар хористони андин гулшан ва бадредур ломеъ, тийра кунгуллар шабистони андин равшан. Бахредур васеъ, хар игрими юз аклу хуш кемасин чўмурғон ва тоғедур рафеъ ҳар тиғи минг зуҳд ва такво бошини учурғон. Шуълаедур сўзанда, хошоки кўп жону кўнгул бўлғон ва баркедур фурўзанда, кўп жону кўнгул ашиъасида кул бўлғон. Аждахоедур хунхор, оламни дами била тортмок анга ком, пошшоҳедур қаҳҳор, коми ҳар олам аҳлиға қатли ом. Ва ҳар неча зулм қилғон анга қонмоқ йўк. Соиқаедур, ақлудин хирманин куйдургучи ва сарсаредур аларнинг кулин кўкка совургучи.

Иноди олинда тенг хам подшох, хам гадо. Бедоди кошинда бир хам фосик, хам порсо. Ошик кўнглига маъшук хавосин солғувчи хам ул ва бир жилваси била накди хаётин олғувчи хам ул. Ва ошик мундок балонинг гирифтори ва мундок офатнинг беихтиёри, мундок тўфоннинг ғарики ва бу навъ соиканинг харики, мундок ғаддорнинг забуни ва мундок паризоднинг мафтуни ва мундок девкирдорнинг мажнуни. Ва мунунгдек ошубнинг шефтаси ва бу янглиғ қотилнинг фирефтаси, бу тавр хунрезнинг халоки ва бу турлук балоангезнинг дардноки.

Ишқ куҳистони бедодининг ношодларидин бири Фарҳоддур ва саҳройи жунун забунларидин бири Мажнундур. Ва шабистон савдоси девоналаридин бири парвона ва гулистон ҳавоси ношикебларидин бири андалиби девона. Ва оташгоҳ ҳарорати гармравларидин бири Хусрави номий ва майкада дардмандлиги номийларидин бири Жомий (наввараллоҳу марҳадаҳу нуран ваффаҳаналлоҳу!)

Байт:

Ки то бўлгай булар бир-бирлари бирла қарийн бўлсун, Самандарлар киби ишқ ўти ичра хамнишин бўлсун.

Бу таъриф қилғон ишқ ва бу баён этган аҳли ишқ маъшуқ вужуди бирла қойимдурлар ва бу адо топқон ҳолотға мансублуклари дойим. Ва ул маъшуқ ҳуснидин иборатдурким «Инналлоҳу жамилун юҳибб ул жамол 32 » андин ҳабар берурким, ишқ бу эътибору жалоли била ва бу

ихтиёру истиклоли била хусн саропардаи кибриё ва боргохи истигноси теграсида бир бандаи човуш ва бир камина халка багўшдурким, хар качон хусн султони махбублуг никобларидин ва мастурлуг хижобларидин чикмок асбобин тузса ва зухур тажаллиси била жилва гар кўргузса, ул нур ошики махжур кўзи равзани шишалари равзан кўзи шишаларидек хайрон килиб ишки бебок айёри ул равзан йўлидин ўзин кўнгул маъмурасига ташлар ва ул маъмурада хароблик огоз килиб, хирад ва хуш хайлига кўзгалон сола ташлар. Ул маълум эмаским, хусн султонининг бу золим човуши бедодидин ул мулк ахлининг мазлумлари нетгай ва холлари анинг ташаддуди суубатидин не ерга етгай. Бовужуди бу хол ул кишварнинг асирлари ва ул мулкнинг катлу торож кўрган ахли фазаъ ва нафирлари ул жилва майидин масти бехуд ва ул жамол тамошасидин волаву хайрон бўлиб, анинг хавосига машъуф ва анинг тамошасига маглуб бўлурлар.

Эндиким, ул кишварни тасхир қилди ва ул мулк аҳлин яғмода асир этти яна ул султон жилвагоҳ фазойи эрамидин хилватгоҳ хафоси ҳарамиға майл этиб, ҳамул нур ва зулмат пардалариға юзланса ва жамол қуёшин ҳамул шабандуз ниқоб саҳоблариға ёшурса ва бу турктоз топиб, мусаххар бўлғон мулк аҳлиға ва бу қатлу торож кўруб, бузулғон кишвар элига ул тамошо хирманидин ва ул назора имтидоди аршидин рустохезе тўшланғай ва қиёмате юзлангайким, жузъи акбару авлиёси ва ошуб ва фазаъи маҳшарда шавқоси аларнинг ниҳодидин фалаки ғаддорға майл этгай ва бу сипеҳри давворға етгай. Бу ҳолатедурким, мунунг шиддати тақриридин тошқоридурким, муни кўрмаган киши билмас ва мунга етмаган бовар қилмаским, ҳижрону фироқ мундин иборатдур ва ишқа маротибдур ва ул уч қисм била мунқасим бўлур.

Аввалғи қисм. Авом ишқидурким, авом ун-нос орасида бу машхур ва шоеъдурким, дерлар: «Фалон фалонға ошиқ бўлубтур». Ва бу навъ киши ҳар навъ кишиға бўлса бўлур, шағаб ва изтиробларича лаззати жисмоний ва шаҳвати нафсоний эмас ва бу қисмнинг бийикрак мартабаси шаръий никоҳдурким, бари ҳалойиққа суннатдур ва мубоҳ. Ва пастроқ мартабасида паришонлиқ ва мушаввашлиқлар ва бесомонлиқ ва ноҳушлиқлареки, зикри тарки адабдур ва баёни беҳижоблиққа сабаб.

Иккинчи қисм. Хавосс ишқидурким, хавосс ул ишққа мансубдурлар. Ул пок кўзни пок назар била пок юзга солмокдур ва пок кўнгул ул пок юз ошубидин қўзғолмоқ ва бу пок мазҳар воситаси била ошиқи покбоз маҳбуби ҳақиқий жамолидин баҳра олмоқ. Ишқ аҳлининг покбозлари ва шавқу ниёз аҳлининг назмтироз ва афсонапардозлари мутақаддиминдин андоқким, назм бешасининг ғазанфари ва дарду ишқ оташкадасининг самандари ва завқу ҳол водисининг покрави Амир Хусрав Деҳлавийдурким, пок нафас ва гуфтори, пок алфоз ва маонийлиқ ашъори ишқ аҳлининг орасида ғавғо ва важдуҳол анжумани фазосида алоло солибдур.

Яна сўзи поку, кўзи пок ишк ахлида мужаррад ва мунфарид ва бебок бу тоифанинг беназиру адил ва токи фахрулмиллату вад-дин Шайх Ирокийдурким³³, ишк сифотиға муттасифдур ва ламаоти пок маоний ва тарокибиға мунсифдур. Ва мутааххириндин икки оламни бир дов била ўйнағон муқаммир шевалар покбози ва ишк дайри фаносида ҳақиқат бодасидин маст риндлар ҳамрози шамсул-миллати вад-дин Хожа Ҳофиз Шерозийдур. Дунё ва охиратни бир оҳ ила ўртаган пок ошиклар имоми ва мулк ва малакутда сойирлар шайх улисломи ҳазрати муршидий ва махдумий нур ул-миллат вад-дин Абдураҳмон Жомийдур (наввараллоҳи марқаду- ҳу) ким, агарчи алар васфи назмға нисбат берурдин юкорирокдур, аммо ҳар синф назмда беназир эрдилар ва нечаки таърифлари шеърда маҳоратдин ташқаридур ва лекин ҳар услуб шеърда жаҳонгирдурлар. Ва назимларида ҳар шеър била ишқ ўтин оламға урубтурлар, шеърларида ҳар байт била дард аҳли жону кўнгул оламин кўйдурубдурлар.

Яна ул ҳазрат жоми муҳаббатидин дуркашлар ва иршоди сулукидин фонийвашларким, дарду ишк таври адосида гуфторлари турк улусида ҳароратомез ва сорт ҳайлида офатангиздур. Борининг ғарази гуфторлари иштиғолидин ва ано ёлинидин ажзу ниёзлиқ ҳолати ва дарду бало

чокинидин сўзу гудозға мубохоти ўзин бу ишққа мансуб килмокдур, балки кўрунур бу ишқ оламида ошиқлиқнинг саъб холи ва маъшуқнинг муфрит жамоли хар ерда хар бирининг ажаб холоти ва ғариб хаёлоти ва ғоятсиз бул ажаблар ва нихоятсиз рангу таабларга юзланибдур ва анинг изхори лозим келибдур. Ул жумладин, маъшуқ хусну жамолининг бенихоятлиғи ва нозу истиғносининг бехадду ғоятлиғи. Ва андоқ ахволким, мунга мувофик бўлғай, андин сўнг ошиқ дарду шавкининг фаровонлиғи ва ажзу ниёз ва сўзу гудозининг бепоёнлиғи. Ва хар умурким, унга муносибдур, яна иккаласининг бир бирига имтизожи ва таркибидин ва ихтисоси ва тарбиятидин вукуъ топкон холот адосида ва юз кўргузган мушкилот имлосидаким, хар бирида агар китоблар тасниф килилса ва мужалладлар таркиб этилса, хануз улча анинг адосининг хаккидур тахрирға кетурмак, такрир қаламин сурмак мутағаййир кўрунур, балки мутааззирдур. Ва коинот бозорининг ғавғоси ва унсуриёт чорсусининг алолоси бу такаллум ва тараннум биладур ва мунсиз инсон каломи танедур жонсиз ва башар алфоз ва ибороти чаманедур гулу райхонсиз.

Сўзким, дард чошнисидин ҳарорати бўлмағай, нурсиз шамъ бил ва сарварсиз жамъ гумон қил. Ҳосиликим, сўзга бу таронадур ва мундин ўзга барча афсона, дур ва сўз ишқ сўзидур ва кўнгулда ҳаёт нашъаси ишқ ўзидур.

Байт:

Сўзки маъносида ишқ ўти нишони бўлмагай, Бир тахарруксиз бадан онглаки, жони бўлмагай.

Хикоят: Мажнун ишқи ўти ҳижрон гудозиға улашти, заиф баданиға ул ҳароратдин иситма шуъласи туташти. Ҳар муолажаким қилдилар суд этмади, мараз ортти ва иситмаси кетмади. Чун бемор иши назъ ҳолиға етти, биров ул ҳолдин Лайлиға ҳабар этти. Паривашни ул ҳабар ношод қилди, девонасин сўрарға нома савод қилди, қосидким ул номани Мажнунға еткуруб берди, руҳдин танида рамақ йўқ эрди. Меҳрибонларким, номани мутолаа қилдилар беморға истимоидин асар билдилар. Ҳар кимки ани такрор этар эрди, ул нафасдин бемор таниға руҳ етар эрди. Ул дамким, иши ҳирз ва дуодин ўтди, маъшуқ номаси ҳирз ва дуо ерин тутти.

Мариз заъфдин сиххат топкунча такрор қилди чун сиххат топти, бўйниға тумор қилди. Ишқ сўзидин марази сиххат топти ва ул сўз такроридин-бадани қувват.

Байт:

Ошиққа гарчи заъфу маразлиқдурур мижоз, Маъшуқ зикри ул маразиға эрур илож.

Учунчи қисм. Сиддиқлар³⁴ ишқидурким, алар хақнинг тажаллиёти жамолиға мазоҳир воситасидин айру вола ва мағлубдурлар. Ва ул мушоҳада бехудлиғида алардин шуур, алардин маслуб. Шуҳудлари истиғроққа етган за ул истиғроқдин истиҳлоқ мақомин ҳосил этган. Агар ҳаводис ели сипеҳр гулшани авроқин учурса, аларға андин ҳабар йўқ ва анжум гулбаргларин ҳар сори совурса аларға андин асар йўқ. Ҳавосслари нокор тажаллиёт жамоли садамотидин ва шавқлари номикдор ишқ ҳужуми ғалаботидин. Анбиёйи мурсалин етгандии назарларин мақсуддин олмай ва малоика муқаррибин ўтгандин назарларин ул сари солмай. Ҳоллари матлуб мушоҳадаи жамоли ва иштиғоллари ҳам анинг мулоҳазаи саноеъ ва камоли висол майи зўридин кўнгуллари бехуд ва маст, мутаоқиб тажаллиёт сатватидин аъзоларида шикаст. Васл бодасидин ўзга руҳларига ком йўқ ва ҳақ мушоҳадасидин ўзга кўнгулларига ором йўк. Булардур ишқда васлдин ком топқон ва «инда маликин муқтадирин» мақомида ором топқон. Ва бу тоифани

восиллар дебдурлар, ишқдин васл мақсуди хосиллар.

Хикоят: Ҳаж шарафин хосил килған машойих ва авлиёйи алайхум аттахият вад дуо Арофатда муножот килиб, ҳар қайси бир мурод истар эрди ва ўзлари учун бир тилак тилар эрди. Ва кўпнинг дуоси бу эрдиким: - Илоҳи, бизга тавфикинг бирла ҳамроҳлиғ бер ва ўз ҳақиқатингдин огоҳлиғ. Ва кутб ус-соликин ва султон ул орифин ирфон тарикида авлиёдин мумтоз Шайх Абу Саид Ҳарроз³5 (куддиса сирруҳул-азиз) оғзида сукут муҳри зоҳир ва жамоли тажаллиётка мустағриқ ва мутаҳайир туруб эрди, кўзин осмонға уруб эрди. Биров дедиким: - Ё Шайҳ, бу маҳалда мақбулдур ва бори машойиҳ дуоға машғул. Сен нечук дам урмассен ва дуо раҳшин ижобат майдониға сурмассен. Шайҳ (куддиса сирриҳу) дедиким: - Ҳар не бу ҳалойиқ дуо била тилайдурлар, борини манга берибдур, балки ортуғроқ кўнглум уйида берибдур. Андин не истай ва дуо қилиб не тилай? Аларки, огоҳлиғ тилайдурлар, манга матлуб. Бир замон ғафлатдур ва ҳолима эврулгали бир нафас муҳлатдурким, анинг вужуди тажаллийси садамотидин бетобу тавонмен ва ул оғир юк остида ҳасдек нотавонменким, анинг жамоли ҳайратидин ўзумдин ҳабарим йўқтур ва ўзлугумдин асарим йўқтур. Ишқнинг ғояти бу ергачадур ва ошиққа васлинг ниҳояти бу сўзни дергачадур. Бу ошиқларким, олинда қабул аҳлидурлар ва тариқати машойиҳ истилоҳотида вусул аҳлидурлар, буларни тангрига ошиқ деса бўлур, маҳбуб ҳам ва ҳақга толиб от кўйса бўлур, матлуб ҳам.

Рубоий:

Бу ерга етурса бандасин лутфи илох, Таҳқиқ билур ҳар кишиким бор огоҳ. Ким, топмас анинг оллида мавжуд саво (ҳ) Ул қолди-ю тенгри қолди Оллоҳ, Оллоҳ!

Учинчи кисм

МУТАФАРРИҚА ФАВОЙИД ВА АМСОЛ СУРАТИ

Жоҳ истиғносиға давр тенгри таолонинг мулку малакутининг тааммулидур ва кибр ибтилосиға илож ҳам анинг кибриёу жабарутининг тааққули бўла олур.

Саодатманд агар олим бўлса, нодонлар сўзи анга мужиби ибрат ва эътибор; бесаодат жохил бўлса, олим сўзидин анга ор. Ва филхакикат, жохилликдин бесаодатликрок не нима бор?! Улки ўзин бегангай зихи ғабоват ва улки ўз сўзин бегангай, зихи шаковат! Олам ахли ўзлари кошида махбубдурлар ва сўзлари ўз илайларида марғуб. Ва башар жинси бу сифатға мажхулдурлар ва нафслари беихтиёр бу даъвоға машғул.

Танбех (1).

Андинки нафс комидур ва нафсоният мақомидур. Хеч ким ўз кўнглиға ғам тиламас ва ўз нафсиға алам истамас. Аммо ўзганинг шариф зотиға бехад мазаллат кўрса, онча тавофут қилмаски, ўзига жузвий шиддат ва яна бир азиз нафсиға беадад мехнат англаса, онча мутаассир бўлмаски, ўзига оз кулфат. Ва барчаға ўзгадин ўзи азизрок ва ўзгалар сўзидин ўз сўзи лазизрок. Олам яхшилигин киши ўзидин дариғ тутмас, аммо ўзга кишига ёвутмас.

Танбех (2).

Эранлар ясанмогиким, намойиш учундур, хотинлар безанмагидекдурки, оройиш учундур. Агарчи бу маъно иккиласига кабихдур, аммо эранларга кўпрак мужиби тафзихдур. Барча ўз намойиш ва оройишига алил ва бу ўз кошларида махбублукка равшан далил.

Шоирки, ҳарзаси кулмакка лойиқ, ўз хаёлида Саъдий ва Хусравға фойиқ. Котибки калоғпойи зоғи мулаввас аёғидин манкуброк, ўз олида Жаъфар¹ ва Азҳар² хатидин маҳбуброк. Мусаввирки, муваҳҳишдур суратининг ямони, ўз тасвирида Абдулҳайдур³ ва Моний⁴. Музаҳҳибки, хитойиси ҳатодур ва фарангиси қалам аҳлининг нанги, Аторидға⁵ таън урмоқдур сўзининг ранги. Ҳар пешаварғаким, ҳунари таърифида муболаға воқеъдур, ул таъриф, филҳақиқат, ўз нафсиға рожеъдур. Жадал аҳлининг мадрасасида қийлу қоли ҳам ҳудписандлиққа тортар маоли, бу анинг сўзин рад қилур ва ул мунунг сўзин, ҳар қайси беганур ўз сўзин ва ўзин.

Танбех (3).

Худписанд - нохирадманд. Худоро - шохиди раъно. Мустағний - мағбун, мутакаббир - малъун. Шахватпараст - нафсға зардаст. Худпараст - бутпараст. Бу балолардин нафсин фано қутқарур ва бу маҳлаклардин нажот сари бошқарур.

Танбех (4).

Фано ахлиға кўп айтмоқ мардуддур ва кўп эшитмак матлуб ва махмуд. Эшитмак элни тўла килур ва айтмок холи, эшитгувчи ва айтгувчининг будур холи. Кўп деган кўп янгилур ва кўп еган кўп йикилур.

Қолаб амрозининг моддаси кўп емакдур ва қалб амрозининг моддаси кўп демак. Кўп демак сўзга мағрурлуқ ва кўп емак нафсға маъмурлуқ. Одамийға бу сифатлар завоид, барчаси худпарастлиққа оид.

Танбех (5).

Худпарастликки, эрур моддаи идбор, мунда дағи тавофут ва матиб бор. Худпарастки, не килғони ўзига хўбдур, бу нописанд феълға тафовут кўпдур. Агарчи анга кўп аксом лозим бўлур, аммо бу ерда ихтисор учун кисмға мункасим бўлур.

Аввалғи қисм улдирким, ўзининг ақволи ва афъоли ва ашколи ҳар неким бор, ўзига ҳўб кўрунгай, агарчи элга мардуд бўлғай, анга маҳбуб ва марғуб кўрунгай, андоқки, мазкур бўлди ва авроққа мастур. Иккинчи қисм улдурки, жамни ҳолоти ноҳуш ҳаёлоти ўзига писандида ва рабоянда, мустаҳсан ва ҳуш оянда кўрунгай. Ва ул кабойихни яхши деб ўкунгай. Кариҳ зот ўзин Юсуфи Канъоний дегай. Ва «анкар-ал-асвот» унинг Юсуфи Андигоний алҳони. Номавзун абётин Салмонинг «маснуъ» қасидасидин яхшироқ билгай ва бемаъни ҳазаёнин Жоруллоҳ битган «Кашшоф» гумон қилғай.

Хақнинг ҳеч амриға бўюн қўймағай ва шаётиннинг барча буйруғин бажо келтурурдин тўймағай. Ўз олида доно ва чечан ва ҳар номақбул қиладурғони анга маъкул ва мустаҳсан. Майға ҳарис, бадмаст ва музмин, мажлисиға гирифтор бўлғоннинг қутулмоғи номумкин.

Номуборак базмиға улки гирифтор бўлғай, номатбуъ ҳаракотидин умридин безор бўлғай. Мажлисида ўкта ҳукмлар сурар чоғи, барча ижрони аҳком бир, бу доғи, гирифтор мажлисидин кўпарга сурук қалтабони монеъ ва агар ани ғофил қилиб эшигига етса, дарбони монеъ. Мубталоға балое тушгайки, ўлумни кўзига, тўтиё қилғай, ўлтуруб сени бу балодин кутқорай деганга жонин фидо қилғай, гар кутулса, Рум, балки Фаранггача турмағай, яна мажлис агар

бихишт бўлса, ул ён қадам урмағай.

Бу худписанди бадкирдор ва бу лаванди мурдор бу палид мажлисидаким, зиндон андин яхширок ва бу нажис махаллидаким, мустарох андин ариғрокдур, агар илайидин кекирса ва кейнидин ўзга ел секирса, ўз кошида махбублуғи ул мартабада ва ўз афъолининг хўблуғи ўз олида ул масободаким, тамаъи буким, базмидағи хозирлар ва бу ахвол ва афъолиға вокиф ва нозирлар бу вокеъ бўлғон харакотнинг хам унин дилписанд дегайлар, хам ройихасин судманд. Бу кабойихни киши анга айта олмағай ва айта олғоннинг сўзига кулок солмағай ва эшитса хам, мусаллам тутмағай ва номулойим ишини ўз «шариф зотиға» ёвутмағай. Носихға изо ва қасд этгай ва бу насихатдин анга кўп мазаллат еткай. Бу навъ кишики, анга мундок бўлғай кирдор, хало бу даврда мавжуд ва хозир бор.

Бу таврда яна азизлар хам жилва қилурларким, замон ахли тааммул қилсалар борин

Бу таврда яна азизлар ҳам жилва қилурларким, замон аҳли тааммул қилсалар борин билурлар. Агар баъзи мазкур бўлғон азизлардин кичик бўлса, баъзиси улуқтур ва ағар баъзи ишлари андиғ ўксук бўлса баъзиси ортукдурким, кўпига бу фақири мазлум номакдур риоятлар еткурубдур ва муқобалада номаҳсур зулм ва тааддиларин кўрубдур ва кўрмасга солиб кечурубдурким, тенгри аларни инсоф ҳарамиға хос қилғай ё бу мазлумни ва сойир мазлумларни алар зулмидин ҳалос.

Бу мазкур бўлғон афъол ва бу мастур хисол барча киши қошида ўз махбублиғидиндур ва нафси шайтон амриға маъмур ва мағлублиғидиндурким, мажмуи замойим афъол мунга дохилдур ва барининг дафъи шикасталиғ ва фанодин ҳосил.

Китьа:

Кишики топса фано кўраси ўтига гузор, Агарчи зотида юз навъ қалби гашлиқ бор, Вужуди олтуни ул қалбу гашдин айрилибон, Не жавҳарий ани кўрса топар тамом иёр.

Учинчи қисм. Бу навъ ишда муфрит беэътидолликдур, ул ҳам уч навъдур. Аввалги нав - бу мазкур бўлғон атворда муфрити беэътидоллик тузмакдур ва ул ғоятқача ифрот кўргузмакдурки, бошиға салтанат ҳавоси бунёд бўлғай ва ул бош бу ҳаво била барбод бўлғай. Ва бу навъ кўп бехирад нодонлар ўзларин шарифу азиз тасаввур қилған уйла қиллатбонлар азизу шариф умр таркин қилдилар ва мазаллат ва ҳорлиқ била сиёсат дориға осилдилар ва тож ҳаёли била бошларин тарк эттилар адам мулки тахтгоҳиға кеттилар.

Иккинчи навъ - бу жамоатдин мутахаввиррок ва бу гурухдин худписандрок ва мутакаббиррок. Ул хайледурким, нубувват даъвиси майдониға маркаб сурдилар ва бу фосид хаёл қалъаси буржига алам урдилар ва шуъбадаларига эъжоз тухмати боғладилар ва бемаъни харзаларини вахий кисватида жилва бердилар. Ва ҳар хоин козибки, бу даъви қила киришти анбиё арвохидин анга жазо ва расволиқлар етишти. Ва дўзахқа етмасдин бурун баъзини куйдурдилар ва баъзини сўйдурдилар ва кулини кўкка совурдилар ва аларнинг фитнаси ўтин ўчирдилар.

Учинчи навъ - булардин дағи ғафлаткирдоррок ва лаънатқа сазоворрок ҳам ўтубтурларким, ғариб даъви йўлин тутубтурлар. Андокким, Фиръавни беавн ва Намруди мардуд. Яна ҳам булардек беадаб ва беҳаёларким, қилиб саҳву ҳатолар оғизлариға тош ва туфроғким, мазкур бўла олмас ишга даъви ва лофлар урдилар ва даъвилари устида газофлар сурдилар. Оҳир ҳудованди бемислу монандким, анга йўқтур шабиҳ ва шурик ва волид ва фарзанд, яктоедур беҳамто, беиштибоҳу икроҳ (ваҳдаҳу ло шарика лаҳу ло илоҳа иллоллоҳ)¹² ғайрати илоҳий ва ғазаби номутаноҳий била аларға ҳам не расволиғлар насиб этти ва дарак ул-асфалға кетиб, ишлари не ерга етти.

Байт:

Заррадин минг қатла камракким, қуёшлиқ урса лоф, Кимки бўлса зарра ақли билурким дер газоф.

Танбех (6)

Субҳоналлоҳ, не васиъ даргоҳ ва не рафиъ боргоҳдурким, анда пил хартуми пашша хартумиға забундур. Не ажаб, агар ақл саркаши мабҳут ва илме сарнигундур анингким, юз килола пили бор эрди, ярим пашшаи муҳлик нишиға забун ва зор эрди. Бу даъвиға ул равшан далилидур асҳоби филвоқиаси била тайран абобилдур.

Танбех (7).

Хар неким, бакоси пайваста эмас, парастишға шойиста эмас. Хар неким, бир ўзидекка мухтождур, алмавхият ва кишваридин ихрождур. Тенгридурким, кишига ўхшамас ва киши анга ўхшамас. Улки, бу навъ эмас, тенгриликка ярамас. Улдурким, не киши анга ўхшар, не ул кишига. Хар ойинаким, хеч кишининг хеч иши ўхшамас анинг хеч ишига. Не анга замону макон эхтимоли, не замону макон андин холи. Не хало анинг еридур, не мало. Аммо хало ва хам мало андин тўло. Кибриё ва жабарут асоси холики Жаббордур. Бу сифатка ул сазо ва бу сифат анга сазовордур. (Жалла жалолаху умма наволлаху ва ло илоха ғайруху)¹³.

Танбех (8).

Такаббур шайтон иши ва бийиклик нодон иши. Мутакаббир тенгри дўстлари олида матъун ва тенгри қошида мардуд ва малъун. Худписанд, иши бари элга нописанд. Биликиға мағрур, билур элга маъюб ва тенгриға мақхур. Бутпарастлиқ яхшироқким, худпарастлиқ.

Танбех (9).

Яна бир амри азим эҳсондурким, анинг баёнида кўп сўз аёндур. Ал-инсону убайд ал-эҳсон анга дол ва ҳалли жазо ал-эҳсон илал ал эҳсон ¹⁴ анга гувоҳи ҳол. Жамиъ мазоҳиб ва милал аҳли қошида собитдурким, яҳшилиқ жазоси йўқтур - бажуз яҳшилиқ ва нубуввати лисон мўъжаз баёниға дағи бу ишорат ўтубдурким, аҳсин кама аҳсана аллоҳу илайка ¹⁵ ул Ҳазрат мундоқ амр этибдурки, яҳшилик еткур андоқким, тенгридин санга яҳшилиқ етибдур. Бу амр сифатиға мавсуф бўлмоқ қадур, мундин азимроқ амр не навъ бўла олур ва анбиё ва ҳукамо ва авлиё ва уқало ва уламо дағи мунга мутаффикдурлар ва ҳеч киши муҳолифат қилмайдурлар ва мундин эҳсон тариқ билмайдурлар.

Эхсон сифати саодати абад бил, фитна ва офат яъжужи дафъиға садд бил. Инсоният боғининг дилписандрок шажари эҳсондур ва одамийлиқ конининг аржумандрок гавҳари ҳам эҳсондур. Жамъи писандида сифот ва мустаҳсан ҳолат эҳсонға тобеъдур ва анинг зимнида мудариж ва воқеъдур; ул барча яҳшилиқларға жомеъ ва бари яҳшилиғлар, филҳақиқат, анга рожеъ.

Китъа:

Ажаб сифат эрур эхсонки хар шариф сифат

Ки, келса жинси башардин анга эрур дохил.

Жавохир англа сифот они жавхарий қафаси Ки, бордур анда қаю бирни истасанг хосил.

Танбех (10).

Аммо бу замон ва давронда ё даврони замон инкилоби кусуридин ё даврон ва замон ахли хирад ва инсоният футуридин, холо бу варак эврулубтур ва бу казия бар акс бўлубтур, яхшилик жазоси хушунатдин ўзга ва мулоямат подоши такаббур ва руунатдин ўзга накш тутмас ва сурат боғламас. Ҳар кимгаким, бир хизмат қилдинг ўн шиддатға муҳайё турмоқ керак ва ҳар кишига юз мулоямат кўргуздунг минг ғилзат ва қудуратға сало урмоқ керак.

Аниким, бир дуо қилдинг, кўп қарғиш била қутулмоқ йўқтур. Бировгаким, бир мадх дединг, ўн зам била халос бўлмоқ йўқтур. Бир соғар май бергандин қадах-қадах хуноб ютмоқ керак ва бир қадах нўш ичиргандин аёқ-аёқ захрға ўзни омода тутмоқ керак. Ҳар навъ хидматкорлиқ қилиб, муқобалада юз жафо ҳам кўрсанг яна хидмат кўз тутарлар. Ва агар вафодорлиқ қилиб, ўтруда ранжу ано ҳам чексанг, яна убудият тамаъ қилурлар.

Хар вафоға юз жафо тортмасанг, гунаҳкорсен ва ҳар меҳру муҳаббатға минг дарду меҳнат қабул қилмасанг, табаҳ рўзгорсен. Аларға жон фидо қилсанг, шукронаи жонға миннат қўймоқ тиларлар, агар бу шукронани адо қилсанг, такрорға шуруъ қилмоқ истарлар. Юз муддаолари ҳосил бўлуб, бири қолса, бошдин аёқ муҳассирсен. Минг орзулари бутуб, киши бир узр ароға солса аёкдин бош мудбирсен. Ямонлиқ қилғонларнга минг ниёз кўргузсанг сенинг ишингдин ямонроқ ҳеч кишининг иши йўқ. Жонингни дўстлуғларида бермасанг, душмани жонинг эрурлар, хотирлари учун ноҳақ қонға рози бўлмасанг, қонингға тонуғлуқ берурлар. Доим тилаганларидек қилғонға бир қатла таъхир бўлса, шикоят ва ташниълари шоеъ ва мудом истаганларидек қилғонингға бир навбат тақсир бўлса, умрунгда қилғонларинг бари зоеъ. Паёпай олмоқ аларға ҳунар, юз дин бирига эваз ҳаёлидин кўнгулларига зарар.

Эмгаклариға кўп чидасанг, отинг беидрок, таклифларидин оз ёд этсанг, зотингға туҳмат ва имсок. Борлар молингни фидолари қилсанг бир қатла саҳвдин унутсанг, лақабинг бемурувват. Жафоларн муқобаласида узрхоҳлиққа жон бермасанг, хитобинг беаҳамият. Бошлариға гул сочсанг, алардин юзунгга тикан санчилур, агар ул гул сочмоғни бас қилсанг, бағрингга чўқур тикилур. Мутаоқиб ниёзларға мутавотир ноз пешалари ва паёпай ситамлариға дамодам лутфу карам кўз тутмоқ андишалари. Бечора ул мазлумким, бу зулмкешларға гирифтор ва бу ситамандешларға фармонбардор бўлғай, булар жафосин бу жафокаш жонидин сўр ва ситамлари жароҳатлари мажруҳ бағри захмидин кўр.

Китъа:

Жафоларким, менинг жонимга етмиш дахр халқидин, Бири куффордин келмас асир ўлгон мусулмонга. Не бедодиким, истарлар қилиб сўнгра ўкуш туҳмат, Даги юкларлар охир бу жафокаш зору ҳайронга. Бу бедод аҳлидин гар жон бериб махлас эрур мумкин, Килиб жони фидо, биллаҳки, миннат қўйгамен жонга.

Танбех(11) Саховат ва химмат бобила

Саховат инсоният боғининг борвар шажаридур, балки ул шажарнинг муфид самаридур. Одамийлиқ кишварининг бахри мавжвари, балки ул мавж бахрининг самин гавҳари. Саховатсиз киши - ёғинсиз абри баҳор ва ройиҳасиз мушки тотор. Мевасиз йиғоч ҳамону ўтун ҳамон ва ёғинсиз булут ҳамону тутун ҳамон. Сахосиз киши бирла гавҳарсиз садафнинг бир ҳукми бор. Дурсиз садаф била ўлуб қуруғон не эътибор.

Бахил бехиштқа кирмас агар саййиди Қураший бўлсун ва сахий тамуғи бормас, агарчи бандаи ҳабаший бўлсун. Сахий булутдур - иши хирмон, балки махзан бермак. Бахил мўрдур - даъби хўша балки дона термак. Химмат аҳлиғадур саховат ихтисоси ва бу икки шариф сифат валоят хоси. Саховат одамиға бадандур ва ҳиммат анга руҳ ва ҳиммат аҳлидин оламда юз минг футуҳ. Ҳимматсиз киши эр сонида эмас, руҳсиз баданни киши тирик демас. Олий ҳиммат шоҳбозедур баланд парвоз ва беҳиммат сичҳон сайёде юрутачи тоз. Шунҳор маскани шоҳнинг билаги, юрутачи маҳоми ўлуксанинг сассиғ бадани ва сўнгаги.

Арслон иши сайд уруб сибоъни тўйғормоқ ва сичкон варзиши дирам ўғурлаб, тугунни ахтармок. Соҳиби ҳикмат муфлислиқ била паст бўлмас, ҳимматсиз ганж топса, бийикларга ҳамдаст бўлмас. Чинор илги холилиғидин бийиклигига не нуксон ва туфрокқа ниҳон ганжлари била не улви шон. Ҳиммат аҳлиға агарчи бийик кавкабдур, аммо саховатға неча мартабадур, Исроф сахо эмас ва итлофни маъно аҳли сахо демас. Ҳақ молин куйдурганни девона дерлар ва ёруғ кунда шамъи кофурий ёкконни ақлдин бегона дерлар. Мубоҳот учун бермак худнамолиқ ва анинг била ўзин сахий демак беҳаёлик. Улки эл кўрмагунча бермас - лаимдур, сахий эмас. Тилаб берганни ҳам саҳодин йироқ бил; ибрам била бергандин бермаганни яҳшироқ бил. Бирта ўтмакни икки бўлуб, ярмин бир очға берганни сахий де; ўзи емай барин муҳтожга берганни ахий де.

Танбех (12).

Хунарларни топмоқ - едурмакдур ва айбларни ёнмоқ - кийдурмакдур. Маҳаллида берган эски чортора тўн-саховат ва бемаҳал берган зарбофт чорқаб-шақоват. Десангки, таоминг зоеъ бўлмағай - едур ва тиласангки, либосинг эскирмагай - кийдур. Сахо тарийқин мазкур бўлғон сўзла англа, аммо карам ойини ва футувват русуми ўзга англа.

Танбех (13). Карам ва футувват тарикида

Карам бир жафокашнинг шиддати юкин кўтармакдур ва ани ул суубатдин ўткармакдур. Бировнинг меҳнати хори ҳамлин ҳабул ҳилмоҳ ва ул тикан нўгидин гулдек очилмоҳ ва ул ҳилғоннинг тилга келтурмамоҳ ва оғизға олмамоҳ ва ул ҳишига миннат ҳўймамоҳ ва анинг юзига солмамоҳ. Қарам сифоти аҳрам ул-аҳрамин ишидур, соҳиб ҳарам ҳиши ҳаҳнинг бу навъ сифатиға мутобеъ ҳишидур.

Бу даврда карам сабзаси таррафуруш дўконидин ўзга ерда топилмас ва мехр гули сипехри тезкўш гулшанидин ўзга ерда очилмас. Карам башар табъида ноёб ва нобуддур, бу сабабдин карам аҳли нопайдо ва номавжуддур.

Танбех (14).

Карам «коф»ин гўиё кимё ибтидосидин олибдурлар ва «ро» син симурғ аросидин ва «мим»ин хўблар оғзидин тутубтурлар. Бу жавҳарни олам аҳлидин тиламак қуёшни заррадин тиламакдур ва фалакни суҳодин истамак.

Танбех (15). Мурувват бобида

Маъдумлукда мурувват карамнинг уруғ - қаёшидур, балки тавъамон қариндошидур. Иккаласи чун эл бевафолиғидин огах бўлубтур, булардин қочиб адам мулки сафарига хамрох бўлубтур. Сохиби карам ул нафис матоидин айрилурни салох билмайдур ва сохиби мурувват дағи ул шариф халқидин айрилмайдурким, иккаласи қайда бўлсалар тенгри панохида бўлсунлар, иззат ва шараф оромгохида.

Танбех (16) Вафо бобида

Вафо ул сифатдурким, карам ва мурувват халкни онсиз кўруб итибдурлар ва ани тиламакка адам мулки сори кетибдурлар.

Жахон гулшани вафо гулидин зийнатсиздур ва башарият гули вафо ройихасидин накхатсиз. Вафо шамъедурким, дахр тийра хокдонин ёрутмайдур ва замон бевафолари кўнгли била улфат тутмайдур. Наргиседурки, даврон чаманиға куз солмайдур ва кунгуллари ғунчасида хикду хасаддин ўзга қолмайдур. Махбубедур - пок хилкат, жуз пок кўнгулга унсу улфати йўк. Матлубедур - покиза тийнат, жуз покиза фитратға майлу рағбати йўқ. Ва ул бўлғон пок кўнгулда қатъо кудурат ва кулфат йўк. Дурредур самин инсоният тожига зевар, оламда инсоният нобуд ва гавхаредур оташин - одамийлик бошиға афсар, олам ахлида одамийлик номавжуд. Вафоға ҳаё била пайвасталиқ, андоқки, ҳаёға вафо била вобасталиқ.

Танбех (17). Вафо зайлида ва хаё зикрида

Карам ва мурувват ота ва онадурлар, вафо ва ҳаё икки ҳамзод фарзанд. Ҳар неча ул иковга нур била сафодур, бу икавга иттисол била пайванд. Ҳар кўнгулниким, вафо маскан қилур, ҳаё хам қилур ва хар маскандаким, ул топилур, бу хам топилур. Вафосизда хаё йўк, хаёсизда вафо йўк. Ҳар кимда бу икки йўк - имон йўк ва ҳар кимда имон йўк андин умид кўзин ёрутса бўлмас. Махбубки, бевафодур - андин жовид висоли тамаъ кутса бўлмас...

Комиллар - аҳли ҳаё ва ноқислар беҳаё.

Вафо ва ҳаё олам тийра маконидин ўтубдурлар ва ломакон оламида макон тутубтурлар. Ва ўзларин бир-бирлари била овутубтурлар ва колғон вафосиз бехаёлар аларни унутубтурлар. Хар кимгаким, бир вафо кўргуздум, юз бевафолиғ кўрмагунча кутулмадим. Ва хар ким

билаким бир мехру мухаббат ойини туздум, минг жавру мазаллат тортмағунча халос бўлмадим.

Байт:

Кимга қилдим бир вафоким, юз жафоси кўрмадим, Кўргузуб юз мехр, минг дарду балосин кўрмадим.

Давр бевафолари жавридин дод ва дахр бехаёлари зулмидин фиғону фарёд! То олам биносидур бу ўтға хеч киши менча ўртанмайдур, то бевафолиғ ибтидосидур бу ёлинға хеч ким мендек чурканмайдур. Замон ахли бевафолиғидин кўксумда туганлар ва даврон хайли бехаёлиғидин бағримда тиканлар, ҳар қайсиға рақам урай десам, Аюб сабри анга вафо этмас ва қалам сурай десам, Нух¹⁶ умрида тамомға етмас. Ҳақ ё аларға раҳм ва инсоф сари тавассул бергай ва бу махрум жафокашға сабр ва тахаммул.

Байт:

Ё марҳамат ул хайли ситамкорға бергил, Ё сабру таҳаммул мени бечорага бергил.

Танбех (18). Хилм зикрида

Хилм инсон вужудининг фавокихлиғ боғидур, одамийлиғ оламининг жавохирлиғ тоғи. Хилмни хаводис дарёсида кишилик кемасининг лангари деса бўлур ва инсоният мезони тошиға нисбат қилса бўлур. Ахлоқ шахснинг оғир бахолиғ либосидур ва ул либос жинсининг сангин дебоси. Мухолиф нафслар сарсари учурмокдин асрағувчи ва мунофик, булхаваслар ҳарзаси тундбоди совурмокдин сақлағувчи. Ҳалойикдин кишига мужиби таъзим ва эъзоз ва акобирдин асоғирға боиси илтифот ва имтиёз. Неча улуғ киши тамасхур ва тийбат қилса, анинг қошида бешукух ва виқор. Нечаким, мусин киши ҳазл ва хиффат кўргузса, анинг қошида беэътибор. Аммо даврон боғининг хас ва хошакойинлари ва елдек бесабот ва тамкинлари кўзига хилм ахли оғирлиққа мансуб ва гарон жонлиқ била маъюбдурлар. Қуюндек туфроғни хавоға совурурлар ва сабуксорлиқ била бошларин кўкка еткурурлар. Тоғ пайкорин аёғ остиға олмоқ ойинлари ва дашт ажзосин хавоға совурмоқ тамкинлари.

Елдек ҳар эшикдин кирарга орлари йўқ, ўтдек оташдонлиғидин ўзга шиорлари йўқ. Ел агарчи лола тожин учурғай, аммо қиё камариға нета олғай. Ўт агарчи тоғ этагин куйдурган,

аммо қуёш ахгариға нечук ета олғай?

Хакгўй кушнинг тамкин била зикр айтури кошида карлуғочнинг бемалол янгшамоғи малолат келтирур ва мусҳаф аврокин хирад пири тиловат килурда лаим тифлнинг елпуғуч била варакни совурмоғи кудурат еткурур.

Аммо ел агар кукка етсун сабукбордур ва бемикдор ва тоғ агар туфрокқа ботсунки, сохибвикордур, хилмшиор. Анинг зимнида, ўтқа ёқкудек ҳасу хошок, мунунг жавфида шох тожиға тикилгудек лаъли оташнок.

Байт:

Оғирлиқ вазнидиндур селдин ғамсиз Ҳирий тоғи, Енгиллик фартидин барбод эрур қомғоқ яфроги.

Танбех (19).

Тенгри дўстларининг хикояти ва алар ахлокининг ривояти афсонасидурким, уюғон кўнглумни уйғотур ва таронаедурким, хиралиғидин қотган кўзни йиғлатур, Яхшиларға эришмак - итни поклар чергасига қотти ва ёмонларға қоришмоқ - анбиё авлодин жаҳаннамға узатти.

Танбех (20).

Ангаким, яқин кўзи кўрдур, тенгри дўстларини кўра олмас. Ва ангаким тавфик оёғи лангдур, тенгри йўлиға югура олмас. Агар киши подшох ясоғлиғидур, ишининг илгари борури иноятға боғлиғдур.

Танбех (21).

Агар ҳақдин иноят бўлса, қуллар қули, шоҳлар шоҳи, агар ул қўлламаса, олам шайх ушшуюҳи олам номаи сиёҳий. Луқмонки 17 , бир қул эрди, ҳикмат ва нубувват била фарқин кўкка еткурди. Жолутқа анингдек минг қул эрди, ғазаб ва сиёсат тиғи била бошин ерга тушурди.

Танбех (22).

Мазлумға бахшойиш кўргузки, золимдин осойиш кўргайсан. Зердастларға нафъ еткур, агар тиласангки, забардастлардин зарар кўрмагайсен. Хирадманд мухолафатдин қочар ва мувофақатға мулоямат эшигин очар. Занбур ғавғосидин ниш мутасаввардур ва асал савдосидин нўш муяссар.

Танбех (23).

Саодатманд ул йигитдурки, шахват майли қилмас, бесаодат қаринныг илгидин худ ҳеч иш келмас.

Танбех (24).

Дард аҳлининг нафаси бир ўтдурким, қаттиқ кўнгулни юмшатур ва қуруғ кўзни йиғлатур. Ва сўз аҳлининг дами бир елдурки, аноният хошогин совурур ва ғазаб туфроғин супурур. Ошик иши ажзу ниёз ва ишқ далили сўзу гудоз. Парвонага куймак ва ўртанмак ойин, булбулға нолау зор ва фарёди беихтиёрдин қайда таскин? Кеча ишнар қурт забона ишин қилмас ва кўпалак парвона ишин билмас.

Байт:

Киши ўзин ясагон бирла бўлурму ошиқ, Субхи козиб ёрумас, уйлаки субхи содик.

Танбех (25).

Хар неким, бебақодур, анга кўнгул боғламоқ хатодур. Улки андин ўзга бориға маърази заволдур. Ул бири бол «лам язал ва ло-язол» 18 дур, анинг ишқин берк тут. Ул боқийдин ўзга бори фонийларин унут.

Байт:

Анинг ишқин берк тутмоқ керак, Яна бору йўқни унутмоқ керак.

Танбех (26).

Мажозий ишққа бир маҳбуб бўлғай, анинг ишқида беҳуд ва мағлуб бўлғай. Ҳақиқий ишқ беқарори ва анинг тажаллиёти садаматининг беихтиёри, қалақ ва изтиробда анга яраша керак бўлғай. Ва галабот ҳам анга ўхшаши керак бўлғай.

Байт:

Сахонинг ошиқи чун нола этгай, Қуёшнинг холиға кўрким, не етгай.

Танбех (27)

Дўст висолин тилар бўлсанг, ошиқ бўл ва агар ўзлугунг била бўла олмасанг, ошиқлари теграсиға ўгрул. Ул ўт шуъласи агар санга ҳавасдур, бир шарар сенинг сори юзланса басдур.

Назм:

Ишқ бир ўтдурки, онинг шуъласидин бир шарар, Тушса гардун пардасиға ўртар андоқким ҳарир. Сенки, жисминг парда торидин дағи бўлғай наҳиф, Тушса ул янглиг чоқин тузгайму ул тори ҳақир.

Танбех (28).

Эранлар хизматиға улки умрин сарф этар, агарчи умри кетар, аммо жовид умриға етар. Ўзунгни бу зумрадин йироқ тутма, бошинг борса бу муддаони унутма. Умр фонийдур бевафо, ул боқий ҳаёт мужиби бақо.

Назм:

Эранлар хизматидин чекмагил бош, Агар бошингга гардундин ёгар тош Ки, гар ул тош била бошинг ушалгай, Саодат хаттидур, гар захми қолғай.

Танбех (29).

Валинеъматқа айб раво кўргувчи пирига муртад муриддур ва атосиға ҳаромзода ўғил, Муридға пир ва ўғулға ато ва ходимға махдум ҳаққи андоқдурким, бандаларға қодири кайюм ҳақки.

Маснавий:

Кимки ато амриға қўймас бўюн, Пир ила махдум ишин дер ўюн. Балки, чекар тенгри йўлидин аёқ, Тенгри била оқ бўлар, пирла оқ.

Танбех (30).

Харкимки, биров била ёрдур ёки ёрлиғ даъвийси бордур, керакким, ўзига раво тутмоғонни ёриға раво тутмаса, кўп нимаким, ўзига ҳам раво тутса, анга тутмаса. Бас машаққатким, андин руҳға алам етар, киши ани ўз жисму жониға тажвиз этар. Аммо ани ёриға таҳайюл қила олмас, агар таҳайюл қилса, ваҳшатидин ҳаёти қолмас.

Китьа:

Ёр улдурки, ҳар нечаким ўзига Истамас, ёрига ҳам истамагай. Ўзи истарки, ёр учун ўлгай. Ани мунда шарик айламагай.

Танбех (31).

Кўнгул бадан мулкининг подшохидур, анга сиххат, мунга ҳам сиҳҳат, анга табоҳи, мунга ҳам табоҳи. Пас улким, кўнгул мулкининг соҳиб жоҳи бўлғай шоҳлар шоҳи бўлғай. Бадан салоҳ ва фасоди, кўнгул салоҳ ва фасодиға тобеъ ва мулк обод ва хароблиғи шоҳ адл ва зулмиға рожеъ. Подшоҳ - мулк баданининг жонидур ва кўнгул - бадан мулкининг султони.

Байт:

Мулк учун солим керактур хусрави кишварпанох, Тан учун ул узвким, бўлди бадан мулкида шох.

Танбех (32).

Шохдин ҳам лутф марғубдур, ҳам сиёсат матлубдур. Аммо ҳар бири ўз маҳаллида ҳўбдур. Бас анга дўстдин душманни фарқ этарга кўп мулоҳаза керак ва фаросат ва ёрни ағёрдин ойирурға кўп тажриба керак ва қиёсат. Нечукким, андин бориға бийм ва умид бор, заруратдурким, кўргузгай ўзин бандавор. Яқин бўлғунча ҳарқайснинг ҳақиқат ҳоли номуносиб умрнинг бор эҳтимоли.

Байт:

Ногахон гар бетааммул сурса бир хукми аниф Ким, заиф андин қавий ёхуд қавий бўлгай заиф.

Танбех (33).

Ўкта хукми бировни қилса нобуд, ул замон пушаймон бўлмоқ не суд? Ё маҳалсиз бировни қилса олий шон, билгандин сўнг паст этса ўз шаъниғадур зиён.

Байт:

Тааммул мунда вожибдур багоят Ки, бўлмагай бу навъ иш бериоят.

Танбех(34).

Подшох душманға андоқ ғазаб сурмак керакки, дўст ҳам андин эмин бўлмағай ва мухолифға андоқ сиёсат кўргузмак керакки, мувофик ҳам андик мутмайи қолмағай.

Байт:

Керакмас мухолифга онча инод Ки, қилгай мувофиқни беэътимод.

Танбех (35).

Фосиқ олим донишваредур ўз нафсиға золим, ғанийи бахил нодонедур, ўз зиёниға надим. Бу икки киши умр зоеъ ўткардилар ва гўрга ҳасрат ва армон олиб бордилар. Бир улким, илм ўрганурга ранж торттию амал қилмади, бир улким, мол йиғарға эмгак чектию сарф қилурин билмали.

Китъа:

Олимеким, илми эрди беамал, Ё ганийким, молига бухл эрди ёр. Ўлдилар юз ҳасрату армон била, Элга бўлди ишларидин эътибор.

Танбех (36).

Ямонларға лутфу карам, яхшиларға мужиби зарар на алам. Мушукка риоят - кабутарға офатдур. Шағол жонибин тутмоқ - товуқ тухмин қурутмоқдур.

Байт:

Бўрини кўзи била қилган семиз, Кийик жамъу хайлиғадур раҳмсиз.

Танбех (37).

Илм ўрганмак дин тавкияти учундур, йўкки дини жамъияти учун. Хайрсиз ғаний - ёғинсиз сахоб ва амалсиз олим - доббаки анга юклагайлар китоб.

Байт:

Хаммол нафис рахт ила гар урса қадам, Йўқ нафъ анга гайри музд бирикки дирам.

Танбех (38).

Бахилнинг молин асрардин меҳнати қаттиғ ва ҳасуднинг феъли уётидин айши аччиғким, ул ўз аносидин залилдур ва бу ўз қилиғидин алил.

Байт:

Анга молининг хифзи ранжу ано, Мунга феълинг зишти дарду бало.

Танбех (39).

Киши молидин неким бахра олди анингдекдур, ҳар неким асради ўзганинг. Заҳмат била топқонингни ўзунгдин аяма ва меҳнат била йиққонингни дўстлар била душманлар учун асрама.

Байт:

Мол улдурким, эл андин топса бахр, Душман андин топса тенгдур нўшу захр.

Танбех (40).

Уқало салотин лутфиға эътимод қилмайдурлар ва хукамо мажонин қавлиға эътимод, жойиз билмайдурларким ул бири соҳиби ихтиёрдур ва бу бири беихтиёр. Хирадмандға иккаласидин эҳтироз қилмоқ сазовор.

Байт:

Ул чу соҳиб ихтиёр ўлди-ю бу беихтиёр, Иккисида жазму ҳикматнинг хилофи ошкор.

Танбех (41).

Хар душвор ишки, мол сарф этмак била муяссардур - қилмасанг жонға хатардур, сарфин ғанимат бил ва саломат сори азимат қил.

Китъа:

Дирам била бўла олса зарарни қайтармоқ, Хатодурур киши ул ишида айламак таътил. Анинг панохига кир, тенгрини панох айлаб, Валек айла бу хайр иш қилурда кўп таъжил.

Танбех (42).

Хар иш кифоятидаким, саранжомида ташаддуд бўлғай ва табъға тараддуд, ул жонибни тутким, эмгаги озрок юз бергай ва озори камрак хотирға кирғай.

Дунёга тааллук ишини сахл тут ва дин ишида суд тасаввури била кўнгулни овут.

Нодон пандида ғалат муқаррардур ва душман насихатида фириб мутасаввардур. Андин бози ема ва мундин ўзунгта бози берма.

Байт:

Хуштур хиради кўп эл сўзига кирмак, Не бозий емак хушу не бозий бермак.

Танбех (43).

Нафсдин санга зулм етса, надомат эшикин оч ва тенгри панохига коч. Ва тавба этокига илик ур. Ул тавба устида мардона тур.

Китьа:

Нафси кофирдин неким етгай санга, Тавба айлаб, тавбада мардона бўл. Йўл икидур, журм бирдур, тавба бир, Ул йўқ ар богланди, очугдур бу йўл.

Танбех (44)

Агар баднафсдин зулм етса, шукр вожиб била ва тенгри хамдин адо қилким, сен эмассен лозим, гар биз ул эмасдур мазлум ва ожиз. Мазлумлуқ ибтилосида бўлғон яхшироқким, золимлик балосила

Байт:

Киши минг зулм агар чекса керак бўлмаса қонеъ, Лек бир зулмга минг навъ керак англаса монеъ.

Танбех (45).

Замон ахлидин ўзин сохибдил тутқон, ёлғон айтур ва бедил тутқоннинг ҳам сўзи ёлғонлиқ сори қайтур. Невчунким, улки соҳибдил, бу даъво зуҳри андин мушкул. Ва агар ул киши замон аҳлининг бедиллиғиға юраксизлиқ маҳмил, бу кўнгул сен ҳаёл қилғон кўнгул эмас. Соҳибдил юракни кўнгул демас.

Байт:

Хам ани дажжол топиб, хам наби. Исо ила тенг бўлурму маркаби.

Танбех (46).

Лахми пораи санубари агар кўнгулдур, санубардек сохибдил топилмас ва агар бу кон боғлағон ғунча пайкари кўнгулдур, бахорда гулбундек пурдил киши тахайюл қилилмас. Аммо буларни кўнгул демак сазовор эмас ва кўнгул сўзу дарди буларда падидор эмас. Кўнгул маърифат боғидин ва вахдат раёхинининг эсган насимидур ва рухоният гулнстонидин ошнолик гуллариниинг шамимидур. Хусн малохатин идрок килғувчи ҳам кўнгул ва ишк ўти ёлиниға ёкилғувчи ҳам кўнгул. Хўблар ҳусни тузиға кабоблиғ қилғувчи ҳам ул ва жамол латофати ганжиға хароблиғ қилғувчи ҳам ул.

Ишк мулки ободлиғи анинг ашки селобидин ва шавқ шабистони ёруғлиғи тобидинким,

Ишқ мулки ободлиғи анинг ашки селобидин ва шавқ шабистони ёруғлиғи тобидинким, аҳли диллар кўнгли бу ишқ шуъласи нуридин ва ул шуъла нури суруридин айрулмасунлар ва риёйи зуҳд ҳайлиға қотилмасунлар.

Байт:

Мени бедилға, ёраб бу кўнгулни тутқил арзони, Они мендин айирма, дағи менсиз тутмағил они.

Танбех (47).

Ул кўнгулгаким, қаттиғ сўздин решдек бўлғай, аччиғ тил захролуд нешдек бўлгай. Кўнгулда тил синони жарохати бутмас, анга хеч нима мархам ерин тутмас. Хар кўнгулки, тил синонидин жарохатдур хам юмшок сўз ва ширин тил анга мархам ва рохатдур. Мулойим такаллум вахшийларни улфат сари бошқарур, фусунгар афсун била йилонни тўшукдин чиқорур.

Байт:

Хусну жамолсиз киши ширин калом этса Сайд айлар элни нукта фасохат била деса.

Танбех (48).

Тилга ихтиёрсиз - элга эътиборсиз! Харзагўйким, кўй такаллум сургай, итдекдурким, кеча тонг откунча хургай. Ямон тиллик андокким, эл кўнглига жарохат еткурур, ўз бошиға хам офат еткурур. Нодоннинг муваххиш ҳарзаға бўғзин қирмоғи - эшакнинг жиҳатсиз қичқирмоғи. Хўшгўйким, сўзни рифк ва мусово била айтғай, кўнгулга юз ғам келадурғон бўлса, анинг сўзидин қайтғай. Сўздадур ҳар яхшилиқни имкони бор, мунда дебдурларки, нафаснинг жони бор. Масиҳоким, нафас била ўлукка жон берди, гўё бу жиҳатдин эрди.

Макрухеки, ҳарзаси тавил ва овози карихдур, ўзи савти била курбақаға шабихдур. Аҳли саодатлар руҳбахш зулолиға манбаъ ҳам тил, аҳли шақоватлар наҳс қавқабиға матлаъ ҳам тил. Тилига иқтидорлиғ -ҳакими хирадманд; сўзига ихтиёрсиз - лаими нажанд. Тилки фасиҳ ва дилпазир бўлғай - хўброқ бўлғай, агар кўнгул била бир бўлғай.

Тил ва кўнгул хўброк аъзодурлар инсонда; савсан ва ғунча марғуброк раёхиндурлар бўстонда. Одаме тил била сойир хайвондин мумтоз бўлур ва хам анинг била сойир инсонға сарафроз бўлур. Тил мунча шараф била нуткнинг олатидур ва хам нуткдурки, агар нописанд зохир бўлса, тилнинг офатидур. Айн ул-кузот тил шарафидин Масих гуфтор бўлди ва Хусайн Мансур тил сурътидин дорға сазовор.

Байт:

Хар неча бийми ҳажр сўзи ошиқ ўлтурур, Вуслат башорати яна жисмига жон берур.

Танбех (49).

Тилдин азубат дилписанддур ва лийнат судманд. Чучук тилки, аччиғлиққа эврулди, зарари ом бўлди, қандники, мускир бода қилдилар, ҳаром бўлди. Чучук сўз соф кўнгулларға кўшдур, барча атфол табъиға мулойим ҳалвофурушдур.

Байт:

Хуш сўзга ким ўлса масту бехуш,

Шарбат аро захрни қилур нўш.

Танбех (50).

Харкимки, сўзи ёлғон, ёлғони зохир бўлғоч уёлғон. Ёлғонни чиндек айтқувчи суханвар - кумушни олтун рўкаш қилувчи заргар. Ёлғон афсоналарда уйқу келтургувчи, ёлғончи уйқуда такаллум сургувчи. Ёлғон айтгувчи ғафлатдадур. Сўзнинг аснофи бағоят чўқдур, ёлғондин ямонрок синфи йўқдур.

Улки ёлғон била сарфи авқот этгай, анга бу ямон келмагай яна мубохот этгай. Агар мустамиъинни ғофил топқай, ёлғонин чинға ўткарса мақсудин хосил топқай. Зихи тенгриға ямон банда, не тенгриднн, не халкдин шарманда. Мундоқ нахснинг чун эрур юзи ямонлик сари, бу нухусатшиор қутлуқ уйдин ташқари.

Байт:

Ул кишини қутлуқ эвдин ташқари сурмак керак, Қутлуқ эв дунё дурур, яъинкн ўлтурмак керак.

Танбех (51).

Бировким, ёлғон сўзни бировга боғлағай, ўз қаро бўлғон юзин ёқлағай, кабира гунохдур. Оз сўз ҳамки ўтрукдур заҳри муҳликдур - агарчи миқдори ўксукдур.

Байт:

Захрнинг оз эса миқдори доги мухликдур, Игнанинг нўги заиф эрса доги кўр қилур.

Танбех (52).

Улки, сўзни бир ердин яна бир ерга еткургай, элнинг ўтган гунохини ўз бўйниға индургай. Наммомлик чин сўзга мамнуъдур. Агар зухур этгай - хаёл килки, ёлғон сўзга не етгай. Сўз тергувчининг агар улуғи, агар кичиги - балки эрурлар тамуғ ўтининг тутруғи.

Байт:

Ким сўзни териб айтгувчи огзига бергай, Молик ани дўзах ўтининг дудига тергай.

Танбех (53).

Улки, жуз қувват даъвиси изҳор қилмас, гўёки, ҳақнинг қавий ул-матин эрканин билмас. Одамеки, қувват ҳаёлин кўнглига кечирур-туфрогедурким, ел ургоч учурур. Дунё дор ул-ҳаводисдур ва анга кўнгул богламоққа ғафлат боисдур. Олам умрдек бевафодур ва анинг давлатиға эътимод қилмоқ ҳато.

Танбех (54).

Умрнинг букун тонглалиғи мафҳум эмас, балки бу кун аҳшомғача не бўлури маълум эмас. Башар ҳайли дори бақоға аҳли азиматдур ва тириклик бир неча кун ғаниматдур. Бу дори фанони беш кун ғанимат бил ва дори бақонинг узун йўли яроғин қил. Ул йўл яроғи солиҳ амалдур, андин сўнгра эътимод ҳақ лутфиға иззу жулл. Амалеки, тенгри ҳабулиға шойистадур ҳам тенгри тавфиқига вобастадур. Амалға ҳам эътимод қилурдин кеч, анинг фазлу карами бўлмаса илму амал ҳеч.

Танбех (55).

Қуш то таманнойи хомға тушмас сайёд илгида домға тушмас ва анга то ажал қафаси эшиги очилмас, сайёд дому донасиға майл қилмас.

Танбех (56).

Салотин даргохидин йироқ ва хавоқин базмгохидин қироқ, балки теграсига ёвумағон яхшироқ. Булардин қочғилким, «алфирору миммо лоютоқ» ¹⁹. Бировким, ҳар не кўнгли тиласа қила олғай, анга ўз ихтиёри била яқин борғон - ўзини ўзи балоға солғон. Ройи тутса айблар олида хунар ва ҳар шойиста хунар қошида айбдин батар. Мундоқ махдум хизматин ихтиёр килғон мардаки ҳар. Киши манфаат учун шер асрармен дегайму ва хосият топар умидға заҳр егайму? Салотин хизматиға журъат кўргузмак, ўз риштаи ҳаётин узмоқдур ва оғуни ичарга сурмак ва аларға тақарруб тиламак ўз қатлиға бало тиғин бийламакдур.

Кулмакларида чоқин хукми бор, ёруғлуғи безътибор ва куйдурмаги вужуддин қуймас осор.

Китъа:

Чоқин ёруғлиғи мадди самодин арзғача, Замони тули ики лафз ўқурғача етмас. Вале не ергаки тушти қатиғ ва гар юмшоқ, Бериб ани сувға то етмагай қарор этмас.

Танбех (57).

Хукамоким, салотин ҳоли кайфиятин билибдурлар, аларни ўтқа ташбиҳ қилибдурлар. Ўт нафъ еткурур йироқтин, андин мунтафеъ бўлмоқ авло қироқтин. Оташгоҳ ўти қирокдин нафъ еткурур, ичига тушганни филҳол куйдурур. Анга ёвумоқ номуносибдур ва андоқ балодин ҳазар вожиб.

Байт:

Ўтдин исинурғача овуч оч, Куйдургудек англасанг кейин қоч!

Танбех (58). Подшохлар зикрида

Баъзи карим подшохлар зикрида ахлок ва бурдбор подшохи олий микдори комкор дарёйи мадхиға ботибдурлар ва ани кўпрукка ўхшатибдурлар. Бу маъни билаким, кўпрук махлукотнинг хасис ва шариф юкин кўтарур. Аларни сув захматидин ва болчиғ машаққат ва ғилзатидин

ўткарур. Ва баъзиким, таважжух андешаға қилибдурлар, анинг нисбатин бешаға қилибдурлар. Бу муносабат билаким, барча анвоъи хайвон ва инсон ва бахойим ва сибоъ, балки номахсур вухуш ва таюрға панох ва оромгох берур, емак ва ичмакларидин еткарур. Ва баъзиким, нафъин ом ва инъомин фош дебдурлар, бу хосиятларда они куёш дебдурлар, яъни шахр ва биёбонни равшан этар ва вайрон ва ободка андин ёруглуг етар. Ва баъзиким, рафиъ ва нофеъ ва фалаки жаноб дебдурлар. Бу муносабатлар била они сахоб дебдурлар, яъни каро туфрокка дуррлар сочар ва нишлик тикондин гуллар очар. Ва баъзи турк хукамоси ва бу кавм окилу доноси ўз таврлари бирлаки, калом сурубтурлар они бўз кийизга ўхшата масал урубтурлар, яъни сувдин ва туфроғдин юзига не келса тахаммул қилур, яъни ўзига сингирур. Агар ниш урсалар ва чўкур санчеалар сувурғондин сўнг юзига асар еткурмас, яъни ўзига келтурмас. Ва агар икки мухолиф жамоат ҳар қайси бир тараф тортса, ҳар сори ул жамоат муносабати майл қилур, илик тортсалар яна ўз холиға кўра йиғилур. Яна хамки, васфи ажносин бир-бири устига терибдурлар муносиб нималарға нисбат берибдурлар. Аммо суз ихтисори жихатидин татвил вахмидин нукта узотилмади ва суз купрак айтилмадиким, бу мазкур булғонча юз одил салотин сифатида бор ва барчада зикр килгонча минг бирнинг подшохимиз зотида тааммул килгон топарки, Хак субхонаху ва таоло мазкур булғон салотинға то туфроғ хазизида қарор бергай. Анга сипехри салтанат авжида мадор насиб қилғай то синуқлар иши андин бутгай ва йиқилганларға андин дастгирлик етгай. Омин, ё рабил-оламин.

Байт:

То қамардур, отиға наъл ўлсун, Қуёшдур, бошиға лаъл ўлсун!

Танбех (59).

Ёлғончи - унутқувчи ва тааммул ва эҳтиёт йўлидин канора тутқувчи. Ҳар кимки, сўзи чин бўлмағай, ростлар кўнглида ул сўз қабулойин бўлмағай. Ёлғончи сўзин бир икки қатла ўткаргай, ўзга нетгай? Ёлғони зоҳир бўлғондин сўнгра анга расволиғ етгай ва сўзи эътибори эл кўнглидин кетгай. Кўнгул махзанининг қулфи тил ва ул махзаннинг калидин сўз бил.

Байт:

Кўнгул холати сўз дегач билгурур. Ки, махзанда дур ё садафрезадур.

Танбех (60).

Чин сўз - мўътабар, яхши сўз - мухтасар. Кўп дегувчи - мумил, мукаррар дегувчи - лояъкил. Айбжўй - маъюб, айбгўй - манкуб. Туз кўргувчи - пок назар, хунар кўргувчи - рост басар. Улким, димоғида ҳабт - сўзида йўк рабт. Димоғи саҳиҳ - гуфтори фасиҳ. Сўзи ҳисобсиз - ўзи иҳтисобсиз. сўзида паришонлиқ, ўзида пушаймонлик. Сўзки, фасоҳат зеваридин музайян эмасдур, анга чинлиқ зевари басдур ёлғончи ҳар неча сўзида фасиҳроқ, сўзи ҳабиҳроқ. Чин сўз нечаким бетакаллуф, қойилға иборат содалиғидин йўқ таассуф. Гулга йиртуқ либосдин не зиён, дурға бадшакл садафдин не нуқсон. Ёлғон сўз жуз назмда нописанд ва анинг қойили нохирадманд.

Байт:

Сўз ичраки ёлгон эрур нописанд, Чу назм эттилар қилди доно писанд.

Танбех (61).

Нодон - эшак. Балки эшакдин ҳам камрак. Эшакка ҳар не юкласанг кўтарур ва ҳаён сурсанг ул ён борур, аҳл ва тамиз даъвийси йўҳ. Бермасанг очдур, берсанг тўҳ. Забунедур боркаш, хоркаш, балки анборкаш. Нодон бу сифатлардин мубарро, зоти билик ҳулясидин муарро. Иши ғурур ва такаббур, ҳаёлида юз фосид тасаввур. Бари муҳмали ўзига ҳўб, барча макруҳ феъли ўз ҳошида марғуб, кўнглида элга юз озор ҳаёли ва жаҳлидин улусға минг зарар эҳтимоли. Эшак унидин ҳулоҳҳа озордур, андин ўзга не айби бордур. Тегирмондин уюнгга ун келтурур, ани пишурурга ёзидин ўтун келтурур. Машаҳҳати миннатсиз ва суубати кулфатсиз. Нодонни эшак дегандин мутағаййир, эшак ҳошида ямон ва яҳши деган бир.

Байт:

Бирида мунча хунар, ул бирида мунча уюб, Қайсининг хуб эканин аҳли хирад билгай хуб.

Танбех (62).

Шариат - жодаедур туз, анда хох кеча юру, хох кундуз. Сиротедур, бағоят мустақим, анда озиқмокдин не ваҳм ва не бийм. Ҳар кимки, ул йўлға одим бўлғай, ики жаҳон саодати анга мулозим бўлғай. Андин чиқкан итти, туз борғон мақсадға етти. Ҳар соликким, мақсадға етибдур, бу йўлдин чиқмай кетибдур. Озиқиб чиқкан, айтибдур, бу сирот истикомати анга даст берди «Фастақим кама умирта» Маъмури ул эрди, қилдин инчка, қиличдин итик йўлдур. Ҳар ким бу йўлни мардона қатъ қилса, эр улдур! Ангаким, сироти муст тақимдин абур бўлмас, насиби жаннатда кавсар ва ҳур бўлмас.

Байт:

Жодае шаръ билакимки, ўзин туз қилди, Давлати сармад анга хар соридин юз қилди.

Танбех (63).

Фосики бенадомат - шум, киладурғони саодат аҳлиға мазлум. Зуҳду фисқ элга тақдири Яздондиндур, аммо иккаласини бирдек қўрмак нодондиндур. Тақвойига шукр керак ва исёниға узр. Ва надомат будур тавфик аҳлиға аломат. Ҳар фисқким, пушаймонлиқ ўтин ёрутқай, ул ўт тардоманлиқ олудалиғин қурутқай. Журм эътирофиға узр - тавфик нишонаси ва зуҳд ғуруридин такаббур - шайтон фасонаси. Бу зуҳд шайҳи ҳудписанд иши, ул узр ринди ниёзманд иши. Бу бири умиди жовидға сармоя ва ул бири маиси муаббадға пироя.

Маснавий:

Ҳар зуҳдки, ужб анга эрур зам, Кўнглум ҳарамиға қилма маҳрам. *Хар фисқи, узр анга эрур ёр,* Ул *ён мени мойил айла зин*хор.

Танбех (64).

Ямон қилиғлиқ бадхўй ва бот аччиғлиқ туршрўй бир балоға гирифтордур ва бир ибтилоға мубталоким, ҳар ён борса андин қутулмас ва ҳар сори қочса халос бўлмас. Ғолиб душманедур - доим ўзи анга мағлуб, қоҳир адуведур - ҳамиша вужуди анга манкуб.

Танбех (65).

Кулагач юзлук хуш ахлоқким, нифок кудуратидин бўлғай йирок, гулшани бихишт эрур жилвагох ва макоми ва фирдавси аълодур тахаррук ва ороми. Очук юзидин халойикка нишот ва чучук сўзидин улусға инбисот. Мардумлук била кўнгулларга махбуб ва инсоният била жонларға матлуб. Осуда андин ёру ағёрки, мундок киши бўлсун умридин бархурдор.

Маснавий:

Юзидин кўнгулларга айшу тараб, Сўзидин баданларга дафъи тааб.

Очуг чехраси тоза гулдин нишон, Хадисига булбул бўлуб жонфишон.

Танбех (66).

Душман ғуруридин ғам ема ва маддох хушомадин чин демаким, анинг ғарази ўз мақсудиға комдур ва мунунг мақсуди сендин муҳаққар инъом. Агар иккаласига илтифот қилмасанг ва қабулин лозим билмасанг, ул ўз қасди ижросидин муаттал ва тадбири муҳмал бўлур ва мунунг мадҳи ҳажвға мубаддал бўлур.

Маснавий:

Бирисига ғараз ўз муддаоси, Бириси қасди инъом илтимоси,

Чун сендин топмадилар хеч парво, Бири хасму биридур хажворо.

Танбех (67).

Муваххиш хабарни чиндур деб дўстға еткурма ва бировнинг айби вокеъ бўлса юзига урма. Кўйғилки, ул чин хабарни душман еткурсун ва таҳаммул қилки, ул айб можаросин адувси сурсун.

Назм:

Не сўздинки, етган бировга губор,

Не лозимки, сен қилғасен ошкор. Қўяберки, қилсун аён душмани. Ки, бордур адоват адувнинг фани.

Танбех (68).

Хирадманд улдурким, ёлғон демас, аммо барча чин дегулук ҳам эмас. Бировки кўзи аҳвалдур, чун хилқати холикдиндур - анга не мадҳалдур. Бу сўзни анинг юзига қилмоқ изҳор бартакдирки, чиндур, аммо не лутфи борки, ҳақ сунъиға эътироздур ва ноҳақ бировга хижолат ва ўзунгга нодонлик изҳоридур ва бир кўнгулга маломат. Бу навъ ваҳшатангиз чиндин бўл йироқки, мулояматомиз ёлғон андин яҳшироқ.

Байт:

Ёлғон ўлса мулояматомиз, Вахшатангиз чиндин англа азиз.

Танбех (69).

Башар жинсиға ўз хатоси дилпазирдур ва мардуд фарзанди ногузир. Ямон шеърдекким, табъ зодасидур, иккаласи башар табъи натижасидур ва моддаси. Агар манкуб бўлсун ё марғуб, ўзига кўрунгусидур маҳбуб. Оқил бу тарийқин шиор қилмас ва яхши-ямонни ҳақ ортуқ ва ўксук билмас.

Маснавий:

Ямон-яхшини тенгридин англагил, Ямонни ямон, яхшини яхши бил. Ямонни агар яхши қилсанг гумон Эрур яхшини ҳам дегандек ямон.

Танбех (70).

Қаноат - истиғно сармоясидур ва шараф ва иззат пироясидур. Муфлиси қонеъ - ғаний ва шоху гадодин мустағний. Тамаъ мазаллатға далил ва ғанийи томеъ- хору залил. Тамаъ била улким ола олур ва олмас, бу адами тамаъ ҳеч саховатдин қолмас. Бу навъ сахо аҳли каримдур ва тамаъ ҳайли лаим.

Байт:

Хорлиглар боши тамаъ билгил, Доимо «азза ман қанаъ»²¹ билгил.

Танбех (71).

Борлиғки, лутфу карами ом бўлғай, йўхсуллиқда анга барча элдин ком бўлғай, ком бўлса, боре хижолат бўлмағай ва эл сарзанишидин малолат боре бўлмағай.

Байт:

Чу дафъи хижолат эрур комча, Надомат нўқки элдин инъомча.

Танбех (72).

Бот муяссар бўлғон кечга тортмас ва ўкмак била бахоси ортмас. Сафол чўчак хар дошдин минг чикар, киймати бир дирамдин ортук эмас ва кунда юз синса киши хайф демас ва таассуф емас. Чиний аёғ киймати ясарда суубатиға кўрадур, асрамокда эхтимом кийматиға кўрадур. Куймати оз - хурмати оз.

Байт:

Қаю матоъким оз воқеъ ўлса қиймат анга, Эрур мувофиқ анинг қийматича хурмат анга.

Танбех (73).

Сабр била кўп боғлиғ иш очилур, ишда ошуққон кўп тойилур, кўп тойилғон кўп йиқилур. Ишда ошуқмоқ ёш ўғлон ишидур, сабр била иш қилгувчи тажрибалиғ улуғ ёшлиғ киши ишидур.

Байт:

Хар кимсаки айламас ошуқмоғни хаёл, Яфрогни ипак қилур, чечак баргини бол.

Танбех (74).

Разли данийким, ҳазл қилиғи бўлғай, кулдурмак учун тобоннинг қичиғи бўлғай. Фасақа ҳайлида муқаллидеки, ғарази эл кулгусидур, гўё фоҳишаи қаҳбанинг кўрганни кўргузган кўзгусидур. Ракик ҳазл иштиғоликим бўлғай бировнинг мужиби инфиоли ёмонларға шиордур ва яҳшиларға, андин ордур.

ва яхшиларға, андин ордур.
Мутоябаки, боиси инбисот бўлғай, хуштурки, мужиби фарах ва нишот бўлғай. Адосида ракик гуфтор йўк, бировга андин хижолат ва озор йўк. Ул зарофат ва иббхатдур, андинки ўтти сафохат.

Байт:

Тийбат хуш эрур бўлса дақойиқдин анга зеб, Чун бўлди сафохат нетар ул сўзни киши деб.

Танбех (75).

Май ичмак нахй эрур тенгри қавли, ҳар ҳол била анинг тарки авли. Ошкор ва кўп ичмаги носоз, шарти махфий ичмакдур ва оз. Оз ичмаги ҳикматқа дол махфий ичмаги ҳуш аҳлиға ҳисол. Яҳши ичмаги ҳилқати солим элга ҳол, мутлақ ичмаги офиятқа маол.

Улки «умм ул-хабоис»²² бўлғай, анга шефта бўлмоққа ҳам умми хабоиси боис бўлғай. Ямонрок ичгучи анга мағлуброк, ҳар неча ямонлиғи зоҳир бўлса анинг қошида маҳбуброк. Бадмастқа дамодам ичмоғидин не баҳрким, одамийлиғ қатлиға ичар қадаҳ-қадаҳ заҳр. Ҳар оқшом усруклардин хориж тарона, телба итлар улушқондин нишона. Мастлар орасида бир ҳушёр - ҳушёрлар орасида бир маст ҳукми бор. Манҳидур улки ошкор тоат этгай, ошкор маъсиятға кўрким не етгай.

Байт:

Кимгаким ҳақ рўзи айлабдур тарийқи офият, Ошкоро айламас не тоату не маъсият.

Танбех (76).

Кўп дегувчи, кўп егувчи - томуғ тўрига ошукуб кетгувчи. Демакка машъуф ва емакка мағлуб - ҳикмат шарафидин мардуд ва маслуб. Ҳасуд бемор, балки муҳлик маразға гирифтор. Фосик ва хаммор - зиёнзада ва зиёнкор. Ғийбат дегувчи - нажосат егувчи. Афюнию банги - одамийлар нанги. Томеъ умри зоеъ ва малолати шоеъ. Эр киши кўп ясанса бева бўлғай, бу сифат зуафоға шева бўлғай.

Байт:

Эр кишига зебу зийнат - хикмату донишдурур, Яхши киймак бирла хотунларга оройишдурур.

Танбех (77).

Қариким, қилғай раънолиқ - тифледурур ноболиғ. Кичик ёшларға улуғлар ҳаракоти анга далилдурким, не акли бўлғай, не уёти. Қариким, сақолин вусма била бўяғай, йигитдекдурким, ани гулоб била ювған. Муфлис бурч олсаки базл қилғай, сақол ораста қилурким, ҳазл қилғай. Агар бурчиға суд ортар, ўз бўйнин боғлаб зиндонға тортар. Эр кишиким, кўп ясанғай, хирад аҳли анинг ақлидин ўсанғай.

Рубоий:

Ийд оқшоми тифл илгида чапу рост хино, Ё шохиди шўх эгнига хаззу дебо. Шоистадурур қари бажуз далқу асо, Кўргузса сақолиға куларлар уқало.

Танбех (78).

Ғанийға чапон киймак андокдурким, муфлисға атласу катон киймак.

Хўб йиртуқ тўн била хам хўб, гул ямоғлиқ чапони била махбуб.

Зухал бийик мақом била мехри ховарий бўлмас, дев бихишт хулласин кийган била пари бўлмас.

Кампир ҳарам нозанини бўлурму, кафтор ғазолаи Чин бўлурму? Қари қаҳба гулгунау вусма била юзу қошлиғ -бузуқ мафсақадур, шингарф ва зангор била наққошлиғ. Хожаким, биби

борида додакка айланғай, бибининг иффат этаги кулға булғонғай.

Байт:

Кишиға бўлмаса ўз шаънига шойиста сифот, Қилмасун айб ўзидекдин доги андоқ ҳаракот.

Танбех (79).

Нодонға сўз демак айғоғдур ва кўп демаги йўртоғдур. Оз демаги носих ва демамаги - муслих. Элнинг махфий айбин пайдо қилмоқ - ўзин беэътимод ва ўзидекни расво қилмоқдур. Йўқким, ўзидекни расво қилмоқ ва ўзининг хам бу навъ айбин ошкоро қилмоқдур.

Байт:

Эл айбини айтурга бировким, узатур тил, Ўз айбини фош айлагали тил узотур, бил.

Танбех (80).

Илм ўкуб амал қилмағон, ерни шиёр қилиб тухум солмоғонға ўхшар ё тухум солиб, махсулидин бахра олмағонға.

Байт:

Илм ўқуб қилмагон амал мақбул, Дона сочиб кўтармади махсул.

Танбех (81).

Усрук сўзига ҳикмат мухолифи жавоб хирадманд иши эмас ва телба рамзиға ақл муқтазосидин ўзга хушманд нукта демас.

Маснавий:

Кишига неча келса мушкул хол, Хикмату ақл анга эрур халлол. Кесак отқонға чекар юмруқ, Тўни йиртуқ дурур, сақоли юлуқ.

Танбех (82).

Мушфик носих сўзин эшитмагоннинг сазоси таассуфи мукаддардур ва ўзига носазо демак.

Байт:

Хирадманд пандини кўрган ачиг, Сўнгида пушаймонлиги не асиг.

Танбех (83).

Хунарманд қошида бехунар илик тебратмаса, айб туҳматин анга тақар. Итолгуга туғдорининг кучи етмаса, сонгғи била ани булғор.

Байт:

Басо ожизки хасм остига ётмиш, Огиз суйин анинг юзига отмиш.

Танбех (84).

Сайёднинг балиққа шаст солмоғи нафс муддаоси учундур ва балиқнинг ҳам қармоққа гирифтор бўлмоғи жуъ балоси учун.

Байт:

Бўлди сайёдгау сайдга нафс орзуси қайд, Йўқса не ул эди сайёд, не бу эрди анга сайд.

Танбех (85).

Оз демак хикматқа боис ва оз емак сиххатқа боис. Оғизға келганни демак нодон иши ва оллиға келганни емак хайвон иши.

Байт:

Кўп демак бирла бўлмагил нодон, Кўп емак бирла бўлмагил хайвон.

Танбех (86).

Fолиб душман забунинг бўлса шод бўлма ва иши андишасидин озод бўлмаким, сиёсатида тахаммул вожибдур ва риоятида тааммул.

Байт:

Душман ражоу хавфи десангким, фан ўлмагай, Андоқ тирилки, кимса санга душман ўлмагай.

Танбех (87).

Олимки, жоҳилни муқобалаға келтуруб, илзом қилмоғи ҳавас бўлғай, анинг ўзига ушбу иҳонат-ўқ бас бўлғай. Олим керакки, ўз илмининг поя ва миқдорин асрағай, гавҳарни имтиҳон учун тошқа урмағай.

Байт:

Хорага ҳар кишиким, дурри саминни ургай, Хирад англарки, қаю бири бирини синдургай.

Танбех (88).

Гавҳар балчиққа тушган била қиймати ушалмас ва ўз баҳосидин қолмас. Эшак мунчоғин тожға тиккан била фируза ерин тутмас ва ҳеч ким анинг кам баҳолиғини унутмас.

Китъа:

Зевар била шакли хўб бўлмас, Хар қизки, эрур ёмон лиқолиг. Харнеча қоронғу бўлса хужра, Шамъ анда бўлур фузун зиёлиг.

Танбех (89).

Қобилға тарбият қилмамоқ зулмдур ва ноқобилға тарбият - ҳайф. Ани адами тарбият била зоеъ қилма ва мунга тарбиятингни зоеъ қилма.

Китъа:

Қобилға тарбият эрур ул навъким, гуҳар Тушса нажосат ичра юғай кимса ани пок. Гар ит узумиға киши май бирла берса сув, Бу тарбият била қила олғайму ани ток.

Танбех (90).

Хазлға шуруъдин бехурматлиғ ортар ва ҳазлнинг ниҳояти жидолға тортар. Кўп лаҳв ҳаё пардасин чок этар ва адаб ва ҳурмат аҳлин бебок. Қила олғонча таъзим ва адаб биносин йиҳма ва ҳаё ва ҳурмат хилватидин ташҳари чиҳма.

Рубоий:

Иймонға эрур нишон ҳаё бирла адаб, Ҳурмат била таъзим саодатқа сабаб. Ҳаёву муаддаб ангаким, бўлса лақаб, Мақсудиға кеч етса ажаб, англа ажаб.

Танбех (91).

Фосиқ бари миллатда нодондур ва покравлар орасида нодонроқ. Фисқ бари тарийқда ёмондур ва порсолиқ илбосида ёмонроқ. Не элга ёрсен - ўзунгни ул навъ туз, нечукки борсен - ўзунгни андок кўргуз.

Маснавий:

Хаёву адаб бирла тузгил маош, Яна айла таъзиму хурматни фош. Не эл ери бўлсанг, алар ранги бўл, Нечук бор эсанг, тутқил ул сори йўл.

Танбех (92).

Сахву хато башарият лозимидур. Хато ва сахвин англаб мутанаббих бўлғон, саодатманд одамийдур. Хатосин зойил қилур, улки эътироф сари қайтғай, ва музоаф қилур, улки далил ижро қилиб ҳарза айтқай. Муболағаси неча кўпрак - саҳви пандороқ ва мукобараси неча ортукроқ - ўзи элга расвороқ.

Маснавий:

Хатоға тадорук недур бехилоф, Аён қилмоқ ўз сахвиға эътироф, Вагар қилса сахвиға ижро далил Ки, яхшидур айлар ики онча бил.

Танбех (93).

Хар ғанийки тириклигида эҳсонидин кўнгулларни шод қилмағай, ўлганидин сўнг ани кимса дуо била ёд қилмағай. Эҳсон тирикликда яҳши отдур, ўлгандин сўнг дўзах азобидин нажот.

Китъа:

Кишида барча ахлоқи ҳамида, Чу жамъ ўлди қўярлар отин эҳсон. Бири андин саходур, бир мурувват, Булар гар йўқтур, инсон эрмас инсон.

Танбех (94).

Бахилнинг андокки, бугун топкони захира бўлғай, тонгла қабри ҳам бу кунги маоши уйидек тийра бўлғай. Зуҳду такво барча вақтда дилписанддур, йигитликда дилписандрок. Тавба ва истиғно ҳама вақтда судманддур, қариликда судмандрок.

Хилму ҳаё аҳли ҳар ерда аржуманддур, улуғлар назарида аржумандроқ. Яҳшилиқ ва ёмонлиқни ким қилдиким, жазо кўрмади. Салоҳ ва фасод туҳмин ким эктиким, ўрмади.

Байт:

Яхшилиқ тухмин сочғилким, будур деҳқонға сўз Ҳарнеким, эктинг бугун, борин ҳамон тут они кўз.

Танбех (95).

Иззат ахлики мазаллатқа тушти санъат илги йўқтуру ва савол тили. Анга тараххум

қилмоқни ғанимат бил ва илгингдин келганча эҳсон қил. Йигит гадоким, бел ура олур ва ўтун ташимоғни билур, анга нима берган тенгри молин зоеъ қилур.

Танбех (96).

Зарбафт кисватлиғ дунёгузин нажосат устидаги илтироғучи чибин. Муттақии покрав масжидда мўътакиф бўлғон чоғи мусҳаф авроқи орасида гул яфроғи.

Маснавий:

Бири байт ул-ҳаром ичра фаришта, Бири дайр ичра шайтон барча ишта. Не ҳожат шарҳ қилмоқлиқ тафовут Ки, байтуллох диндур фарқи собут.

Танбех (97).

Билмаганни сўруб ўрганган олим ва орланиб сўрамаган ўзига золим. Оз-оз ўрганиб доно бўлур, қатра-қатра йиғилиб дарё бўлур. Ўрганурдан қочғон лаванд ва юзига ҳиял ва баҳона эшигин очғон тананд. Эмгак тортиб илм ўрганган хирадманд.

Байт:

Илмди орий улуснинг жохили худкомаси, Ўрганурга жидду жахд этган жахон алломаси.

Танбех (98).

Гадозодаи хирадманд - акобир ҳамрози, ғанийзодаи лаванд -арзол дамсози. Ул илму дониш юзидин салотинни ҳилиб ҳожатманд, бу жаҳл ва инод фартидин ҳалойиҳ ҳошида нописанд.

Китъа:

Басо ягонаи муфлиски мулк султони Улум масъаласида эрур анга муҳтож. Басо жаҳолату бебоклик фанида ғаний Ки, подшоҳ они ўз мулкидин қилур ихрож.

Танбех (99).

Тинч кўнгул била ёвғон умоч яхшироқким, такаллуф ва машаққат била қандий кулоч. Эски чапон била фориғ туфроғда ўлтурмоқ яхшироқким, зарбафт хафтон кийиб биров олида турмоқ.

Китъа:

Гадолиг бўрёси узра мискин Ки, хотир фориг ўлгай ҳар таабдин. Кўп ортуқким бўлуб ўзунгга маъмур, Хазу дебода ер тутсанг тарабдин.

Танбех (100).

Хар кишиким, бир қавмнинг сулук ва оҳангин тузар, тадриж била ҳамул қавмнинг рангин тутар. Ҳар кимгаким, пайравлиғ этар, ул мутобаат хосиятидин ул етган ерга етар. Агар сўз санга кўрунса маҳол, асҳоби каҳф била итларидин ҳисоб ол.

Китъа:

Набий ўгли томугни қилди маскан, Томуг аҳли гуруҳин чун эришти. Ва лекин жаннат аҳли пайрави ит Етишти қайдаким ул эл етишти.

Танбех (101).

Одамин шариф ул-кавнайндур 23 ва ит нажис ул-айн 24 аммо ҳақношунос ва бевафо одам ҳақшунос ва вафолиғ итдин кам. Вафолиғ қўтуз ит яхшроқким, ва росиз хуш барно йигит.

Китъа:

Бевафо ҳақношунос элдин йироглиг истаким, Келмади ҳаргиз алардин гайри бедоду жафо. Итга итлик айламак жону кўнгул бирла бўлур, Ҳақшунос ўлсау бўлса анда ойини вафо.

Танбех (102)

Нафспарвардин хунар келмас - емакдин ўзга ва нафспарастдин нафъ етмас - демакдин ўзга. Ул бири бари харом таомдин ва бу бири барча таърифи каломдин.

Маснавий:

Ул бири луқмау навола сўзин Айтиб ончаким холи айлаб ўзин. Бу ўз авсофиға муарриф ўла, Айлабон базми анжуманни тўла.

Танбех (103).

Тенгри эл айбиға нозир ва сотирдур. Бовужудким, жазосиға қодирдур. Ва тенгри душмани ани кўрмас ва билмас. Аммо тухмат била фош қилурда тақсир қилмас.

Маснавий:

Тенгри ишин қилмоқ эрур фарзи айн Ким, кўрубон айламоқ шўру шайн. Кўрмойин улким, иши бўхтон эрур, Билки бу хислат била шайтон эрур.

Танбех (104).

Хирадмандға эл хатосидин панд етар ва савоб йўқлиға азм этар, андин бурунким, анинг хатосидин панд олғайлар ва айбин анинг юзиға солғайлар.

Китъа:

Оқил чу кўрса элда хато ижтиноб этиб, Андин савоб йўл сари мойил қилур ўзин, Қўймас анинг хатосиға эл айлаб эътироз Айтурға юзи ўтрусида сахвининг сўзин.

Танбех (105). Шабоб айёми зикрида

Йигитлик умр гулшанининг бахоридур ва хаёт шабистонининг нахори. Бу биридин айшу нишот гулларининг очуғлуғи ва ул биридин завку инбисот уйларининг ёруғлуғи.

Инсоннинг зебу раънолиғи андин ва башарнинг тобу тавонолиғи андин. Ҳавос ва қувоға андин қувват, жаворих ва аъзоға андин сиҳҳат. Кўнгулга ишқ ошуби андин ҳодис ва шўҳлар сари ошуфта бўлмоққа ул боис. Йигитларга ҳусну ноз туғёни анинг мағрурлиғидин, қариларға сари ошуфта оулмоққа ул ооис. Ийгитларга хусну ноз туғени анинг мағрурлиғидин, қариларға ашку ниёз туфони анинг махжурлиғидин. Куз уйи машъали андин равшан ва юз боғи анжумани андин гулшан. Нозанинлар хусни истиғносиға сабаб ул ва ишқойинларға ишқ балосидин мужиби ранжу тааб ул. Забардастлар бошида мулк ҳавоси шури андин ва зеридастлар аёғида ҳам мулкдин жало булиб қочмоқ рузи андин. Чобуклар анинг натижасидин майдонда таковар чопиб, балки ул таковар ҳам анинг нашъасидин майдонда югурурга қувват топиб, маъсиятдин нафсға йигитликда ком топмоқ ҳам ибодатдин руҳға йигитликда бийик мақом топмоқ. Харобат ахлиға риндлиқ ва мастлик йигитликда дилпазир ва муножот ахлиға порсолиғ ва худпарастлиғ йигитликда беназир.

Рубоий:

Aх ϕ о ϕ , йигитликни ғанимат тутунгуз. Ўзни қарилиқ мехнатидин қўрқутунгуз. Ойини адовату ҳасаддин ўтунгуз, Хар навъ ила ўзни неча кун овутунгуз.

Танбех (106). Шайхухат зикрида

Шабоб майининг махмурлуғи қарилиқ ва йигитлик сиҳҳатининг ранжурлиғи қарилиқ. Шайҳуҳат айёми нишот аҳлин ношод қилурким, одаме қаддин ҳам қилиб, умр била хайрбод килур. Хавас ва орзулар шохи кўнгулда синар, балки борча тараддуд ва харакатлардин кўнгул тинар. Сарбаландлиғ хаёли боштин чиқор. Надомат ва хасрат ашки сели қасри деворин йиқар. Номуродлиғлар зиндони будур ва ноумидлиғлар байт ул-эҳзони ҳам будур. Қад эгилмаги туфроққа майл этмакка дол, шоҳидлардин танаффус бу маъниға гувоҳи ҳол.

Илиқ титрамоғи умр бодаси хуморидин. Ҳофиза ўрниға нисён ер тутуб, ўрганмоқни, балки унутмоғни ҳам унутиб. Баданға сиҳҳатдин асар қолмас ва кунгулга хушу хираддин ҳабар колмас.

Йигитларга таҳайюр анинг мабхутлуғидин, ўғлонларға тамасхур анинг фартутлуғидин. Ҳар сари муйидин бир мараз пайдо, қарилиқ ва минг иллат анинг зотидин ҳувайдо.

Аёл ва атфол торикиб мухофазатидин. Навкар ва чокар озикиб анинг мулояматидин. Турлук - турлук иллат бадани уйида ўкулуб, ажаб-ажаб мараз касратидин хаётдин тўнгулуб.

Маъмурлар нофармонлиғидин рўзгори қатиғ ва маҳкумлар бесомонлиғидин тириклиги ачиғ.

Оғзи сўлакайи сўз мазасин оқизиб, мараз касратидин мушфиклар оғзиға сув томизиб. Эрники, бир-бирига қовушмай ўз ҳолиға кулуб, боши кўксига тушуб, оғзи хуққасидин доналари тўкулуб. Сиҳҳат уммиди хаёли кўнглидин йироқ, тириклигиким, ўлмак юз қатла андин яхшироқ.

Рубоий:

Чун кетти йигитлику узолди қарилиқ, Дам совуди, яъни қолмади қон ҳам исиқ. Оғзиға ҳаёт шарбати бўлди ачиғ, Ўлмоғ хушроқки, умр бу навъ қаттиқ.

Рубоий:

Афсуски, умри навжавонлиг кетти, Танга қарилиқда нотавонлиг етти, Гар юз йил улки комронлиг этти. Чун топмади маргдин амонлиг, нетти?

Танбех (107).

Пешаи соликка ер зарур эрконига одамизод вужуд мулкидин хонапардоздур. Ва адам кишвариға сафарсоздур. Сафар махсус санга ва манга эмас ё хусусият қилғонни киши шоху гадоға демас. Хар ким адам нихонхонасидин вужуд анжуманиға қадам урубтур ва бу бақосиз оромгохда бир нафас ўлтурубтур, яна қайтиб асли ватанға азм этмак керак ва қайдин келибдур яна ул ён кетмак керак. Беш кун бу дори фано тириклигига масрур ва давлатиға мағрур бўлмоқ керакдур. Ўлумдин гузир йўқтур ва хеч кишига ул мухликда дастгир йўк. Пас, анинг япроғида бўлмок заруратдур ва борур асбобин тузатмак чорасиз суратдур. Ул сафар асбоби солих аъмолдур ва хамида хисол. Ва анинг зикри иккинчи кисмда тафсил ва тартиб била ракамға келди ва машрух битилди. Аммо мусофирға йўл суубатининг сухунати учун ва водий йироклигининг дафъи шиддати учун ёмон укбаларким, олдига келур ва азим мухотараларки, вокеъ бўлур, рахномалиғи учун ва мушкулкушойлиғи учун бир нимаким, ногузирдур комил рахнасойи пирдурким, анинг иршоди бўлмайин бу йўлға азм қилмоқни акобири авлиё (қуддиса аллоху таоло арвохахум)²⁵ жойиз тутмайдур, балки солик атвори ва сулукига ёвутмайдурлар. Хар ойинаким, мусофир кўрмаган йўлга қадам урса ва етмаган водийға югурса, йўл йитурмак эхтимоли бор ва йўлдин озмок имкони бор. Ул укубатдин ва анда юзланган хатаротдин мусофирни ходий ўткарур ва комил муршиднинг иршоди максадка еткурур. Ва яна ахлуллохки, хак йўлиға қадам қўюбтурлар ва талаб маркабин шавқ водийсиға сурубтурлар, комил пир иршодидин айру азм қилмайдур ва бу йўлда ходийсиз мақсад манзилиға етмайдурлдр. Агар

аҳёнан юздин бир солик зоҳир юзидин муршид пири нобуд экандур, аммо маъни йўлидин мавжуд экандур ё ғойиб муршид тақвияти бирла ё мутаваффойи комил руҳонияти тарбияти била азм этибдурлар ва матлубиға етибдурлар. Мақсудким, бу йўлда нафс душмандур ва шаётини раҳзан ва ҳар қайси азим маҳофат ва улуғ офатдур, то ҳодий бошқармағай ва муршид муҳликдин ўткармағай. Бу йўл катъи мутаассирдур ва мақсадға етмак мутааззир. Ва ўзлуки била бу водийға етган ва манозилин қатъ этган аноният гирифторидур ва нафсға тобеъ ва шайтоннинг масҳара ва маҳзалидур ва ранжи зоеъ Бу мақсудға бир восита бўлмай етмак мумкин эмас ва муршид раҳнамой бўлмай, бир унинг етганин киши демас. Муридни мақсудға еткургувчи ҳакдур воситаи пир ва соликни матлубқа қўшулдурғучи ҳам ҳакдур ва василаи ҳам пир.

Тамсил: Манкулдурким, кутб ус-соликин ва султон ул орифин, ҳақиқат аҳли имоми, Шайх Боязид Бистомий²⁶ (куддиса сирриху) бир жонибға бўлуб эрди озим ва бир муриди анга мулозим. Бир улуғ сув илайларига келди. Ва Шайх «Оллох!» деб ул сувға қадам урди ва муридға «Боязид», деб қадам урмоқ буюрди. Шайх ва мурид «Оллоҳ» ва «Боязид» деб борурлур эрди. Ва сабо ва насимдек сувдин ўзларин ўткарурлар эрди. Ногоҳ мурид ҳаёлиға келдиким, Шайх Оллоҳ зикри била борадур ва мени йўлда бошқарадур, мен ҳам восита шамъин ўчирай ва ваҳдат баҳрида Оллоҳ зикри била қадам урай. Бу муддао била улки қадам қўйди, ботти. Шайх дастгирликка қўлин узотти, илкин тутуб чекти, баҳр соҳилиға отти ва муҳлика ғарқобидин судради эмин манзилиға ва деди: Эй фарзанд, сен ул Боязидға ет, андин сўнгра тенгриға етмак ҳавас эт. Анга бу навъ сиёсат сурди ва иршод шартин бажо келтурди бу йўл ҳодийси ҳар кимгаким, пирдур мундоқ ҳалоки ғарқи обларидин дастгирдур. Мақсудки, пир иршодидин айру бу йўлға қадам урмамоқ керак, балки дам.

Рубоий:

Кимни бу йўл қатъиға солди тақдир, Пир амрини қилмаса, керактур тагйир, Онсиз қадам урса, англа макру тазвир, Малъун деса бехракки, десалар бе пир.

Танбех (108). Сафар манофии зикрида

Арзи сокин қайда ва сипехри даввор қайда ва туроби мутамаккин қайда ва кавкаби сайёр кайда?!

Ул бири сукундин хоксорлар пойандози бўлди ва бу бири тахаррукдин сарафрозлар сарафрози.

Ранж ва машаққат мояи тавозуъ ва адабдур ва сафар ранж ва машаққатға сабаб.

Сафар кўраи гудоз ва сўздур ва ул гудоз ва сўз эрнинг вужуди олтуниға иёрандуздур.

Сафар махжурларни матлубиға еткургувчи ва махрумларни мурод уйиға кивургувчи ва хомларни пиширгувчи ва таомларни сингургувчи. Олам ғаройибидин бахра еткургувчи ва офариниш ажойибиға иттилоъ бергувчи.

Бузургворлар мазорати файзиға мушарраф ва мукаррам бўлмок сафардин ва файзосор эранлар хизматиға муаззиз ва мухтарам бўлмок сафардин. Соликнинг атворига андом бергувчи сафар, кўнгулнинг хар сари хаво килуриға ором бергувчи сафар. Мусофирни манозиллардин бохабар килғувчи ул, ул марохилға рахбар килғучи ул. Иссик-совукдин жонға интибох бергувчи ул, аччиғ-чучукдин кўнгулни огох килғувчи ул. Сафар водийсида мусофир аёғиға дарду бало тиканлари кўп сончилур, лекин хар тикандин максуд гули очилур. Йўл эмгаги шиддатидин

бадани кўп товшалур ва вужуди рохравлар аёғиға тўшалур ва аъзоси ул аёғ остида ушалур, аммо кўнгли бузуғлуғлари ясалур, ва рухи кўзгуси сафо олур.

Хар кишварнинг оройишини ва хар манзилнинг осойишини сафар ахлидин сўр ва мусофирдин кўр. Сафар килмағон ором фароғатин кайда билсун ва ғурбат чекмаган ватанда ком рафохиятин не навъ маълум килсун. Дарёки сокиндур, суйидин ютса бўлурму ва рўдким мутахаррикдур, зулоли таркин тутса бўлурму? Тахаррук ахлиға хаётдин асардур ва жамодот хайли тириклик нишонасидин бехабар. Бу сайр агарчи зохир сайридин хикоятдур, аммо ҳақиқат йўли сайру сулукидин киноятдур. Ул махсус эмас сукун ва ҳаракатға, муқайяд эмас батий суръатға ва ани дебдурларки, анжуманда хилват ва ватанда сайр ва ҳаракат.

Китъа:

Бу жамоатдурки, манзилгохдин олмай қадам, Кўз хам очмай ул тарафким, олами кавну фасод.

Бахрдин заврақни тортарлар тутуб сохил сарги Ким, ани ғарқ этгали еткурмиш бўлғай тунду бод.

Рубоий:

Ёрабки, бу қавмким эрур хизрқадам, Ўлган кўнгул эҳёси учун исодам. Ўлган ва итганларга қилиб лутфу карам, Еткургандек еткур менинг бошима ҳам.

Танбех (109).

Одамийнинг яхшироғи улдурким, порсо ва пок бўлғай ва ҳақ сўзин айтурда беваҳму бок бўлғай. Ўзи поку кўзи покни инсон деса бўлур. Тили ариғ ва кўнгли ариғни мусулмон деса бўлур. Мусулмон улдурки, мусулмонлар анинг тил ва илгидин эмин бўлғайлар ва кўзи кўнглидин мутмаин.

Танбех (110).

Яхшидин ёмонлар ҳам ёмонлиғ кўз тутмас, яхши ёмонларға ҳам яхшилиғин унутмас. Яхшилиқ қила олмасанг, ёмонлиқ ҳам боре қилма. Яхшилиқдан ёмонлиғни яхшироқ билмасанг, яхшиларга қўшул, яхшилиқ теграсиға эврула олмасанг, яхшилар теграсига эврул.

Танбех (111).

Фисқ шумлуғидин ўзингни яхшилардин ҳуратма ва ёмонлар орасиға қотма. Ул шум агарчи ақлға макруҳдур, аммо нафсға маҳбубдур; агарчи ҳақ йўлида мағмумдур, аммо шайтон йўлида марғубдур.

Танбех (112).

Бир неча журъани баданға дохил қилиб, бир неча қатрани андин хориж этма. Ул журъа қудуратидин сафодин айрилиб, ул қатра хуружидин бало дарёсиға ботмаким, ул журъа селоби

балодур, дину иймонинг йиқар, ул қатра гирдоби ранжу анодурким, анинг била ҳаётинг нақди чиқар. Бадан дуржидин дурларниким сочтинг, холи бўлдунг ва жисм шишасига ул журъалар йўлин очтинг - нафсу ҳаво поймоли бўлдунг. Ул журъа моддаи фасоддур, танингға ёвутма ва ул қатра нақди ҳаётдур - таркин тутмаким, мунинг қабулидин шайтон мақбули ва мақсудисен ва анинг раддидин раҳмон мардудисен. Ани ичмак - жигар қонин ичмакдур ва мундин кечмак - бир жигар гўшадин кечмакдур, ул бирин ютмокдин заҳр ютма, бу бирин сочмокдин наслинг тухмин қурутма.

Танбех (113).

Дардлиғ кўнгул - шуълалиғ чароғ, ёшлиғ кўз сувлуқ булоғ.

Тева кушин юклаб кўчса бўлмас ва чодир канотин очиб учса бўлмас. Ўт иши ковурмок, ел иши совурмок. Сувнинг мазаси муз била, ошнинг мазаси туз била, одам яхшилиғи сўз била. Сиҳҳат тиласанг кўп ема, иззат тиласанг кўп дема. Яхши либос - танға оройиш, яхши кўлдош - жонға осойиш. Томеъдин карам тилама, гадодин дирам тилама. Бахилдин амонат ажаб, каримдин хиёнат ажаб. Чокин сиймин ўкса бўлмас, ёши риштасин тугса бўлмас. Телба кулоғига панд — куюн асғиға банд.

Танбех (114).

Бебок - ҳамдамлиққа ярамас, нопок - маҳрамликка ярамас. Эрнинг қилиғи - сутнинг илиғи. Ясанчоқ - мардона бўлмас, кўпалак -парвона бўлмас. Дўст жавридин ингранма, душман бедодидин гунгранма.

Танбех (115).

Моллиқ нодоннинг демаги, олтунлуқ чибиннинг емаги маълум. Фосикдин ҳаё тилама, золимдин вафо тилама. Кулар юз билан ато, сахо устига сахо. Ариғсиз иш сафо бўлмас, ип ганчиси асо бўлмас. Анингким шоҳларға хизмати ҳўбрақ, қўрқунчи кўпрак. Ишқсиз кесак, дардсиз эшак. Қонеъ тиланмас фарзона, қаноат туганмас хизона. Элга қўшулғон оройиш топти, элдин узулғон осойиш топти. Ҳар югурган ёвушмас, ҳар айрулғон қовушмас. Жуҳуд ўз динидин маҳжур, ҳасуд ўз феълидин ранжур. Хасм неча ҳақир бўлса, кўнгул қўзғатур ва ҳас неча ушоқ бўлса, кўз булғатур. Душман сўзи тўзими элдин, сув ҳатлари - елдин. Ушоқлар иши нима бўлмас, писта қобуғи кема бўлмас. Душман мақолоти - банг ҳаёлоти.

Танбех (116).

Яхши бўл ё ямон, иккиси бўлурмен деган ҳамону ямон ҳамон. Ямон била яхши орасида кўп фаркдур икки кеманинг учин туткон ғарқдур. Ҳар қавм ойини била зуҳур қилсанг алардинсен алар ямон бўлса, сен - ямон ва алар яхши бўлса, сен яхшилардинсен. Пас ўзни яхшилар орасида яшурғон ва алар этагига илик урғон яхширокдур ва хавфу биймдин қирокдур. Итга эранлар суҳбатидин эранлар ҳукми бор, нажас тузлоққа тушса, туз ҳукмин тутар. Басо қобилки, яхшилардин айрилди, ямонлар суҳбати ани зоеъ қилди.

Саидзодаиким, лўлиларга ўткангай, маймунбозлик ва дудуктарошликдин ўзга не ўргангай. Шох касри кабутариким, сахройиларға кўшулғай, кеча кўнар ери чох тубидин ўзга не ер бўлғай. Ёмондин яхшилик кўз тутмок фосид хаёлдур, итдин кийикка ва мушукдин кабутарга шафкат махолдур. Зоти душман ва мухолифни дўст дема, ўзунгга бози берма ва бози ема.

Табиий душман вакте дўст бўлғайким, сув ўтни ўчурмагай ва ел туфроғни совурмағай.

Инсон била шайтон орасида адоватдур ва табиий мухолифат: бири ўтдин ва бири туфроғдин. Бу адоват ораларидадур ул чоғдин ўт ғолиб бўлса, туфроғни кул қилур ва туфроғ ғолиб бўлса, ўтни ўчирур.

Одам била шайтон мухолифатин унутма. Ота душманин ўзунгга дўст тутма. Отангни бихиштдек маъманидин жало қилди ва йиллар хокдон ғарибистонида залил ва мубтало қилди. Ва отанг авлодидин баъзи анга интиком туздилар ва хору забун килиб жафолар кўргуздилар. Нафсни чун такво риёзати била зеридаст килдилар - шайтонни залиллик била ерга паст килдилар.

Сизнинг бу адоватингиз ҳаргиз адам бўлмас. Бу душманлиқ орангиздан ҳаргиз кам бўлмас. Бу ғолиб душмандин бир дам ғофил қолма, ўчуролмас исён ўтин ўз хирманингга солма.

Танбех (117).

Нодон дўстни ҳам дўст сониға кивурма, хирадшамъин анинг ҳарза афсонаси елидан ўчурма. Басо тифлким, айни муҳаббатдин ато сақоли тукин тортиб узубтур ва сажжодаси меҳробида беадаблиғ кўргузубтур ва намозин бузубтур. Ва баср мастким, ниёз юзидин аёғ ўпкали эгилибдур ва беихтиёр қайддин покдоманлар этагин мулаввас қилибдур. Доно душмандин нафъ имкони бор ва нодон дўстдин зарар имкони кўпрак бор ва мунга алар била ихтилот қилмамоғ керак.

Танбех (118).

Башар жинсидин вафо кўз тутма ва хирад нахлин фосид хаёл самуми била курутма. Бир вафо килсанг, ўн жафо тортарға муҳайё бўл, мунча била кутулсанг, жонға миннат тутуб узрларин кўл.

Юкорирок вафосиз ахли замон достони ўтубтур ва хирад замон ахли ерларини унутиб, вафо ойинидин маъзур тутубтур.

Танбех (119).

Хўб - руҳафзо, зишт - умр фарсо, хушхулқ нозанин - ҳури биҳштойин. Ёмон мижозлиқ зишт - деви дўзах сиришт. Муҳаннас не ҳашвки демагай, макиён не нажосатки емагай. Эрдин сўз ҳунар, энчидин бўз ҳунар.

Жумрий ўкунуб бийик бўлмас, ўчку югуриб кийик бўлмас. Кўнглида халаллиққа кулгу ҳаром, шоҳ оллида душманлиққа уйқу ҳаром.

Тенгри борчани ўз йўлида рахзандин асрасун ва шох оллида душмандин асрасун.

Байт:

Ўз йўлида тенгри тутсун элни душмандин йироқ, Шах қошида кимки шайтонвашдурур андин қироқ.

Танбех (120).

Умрни ғанимат бил, сиҳҳат ва амниятқа шукр қил. Фано тарийқин туз, фақр била мубоҳот кўргуз. Мазҳабингни ихфолиғ била элдин яхши асра ва ёрмоғингни яхши ва ёмондин махфий асра. Афтодалиғ била хўй тут ва шикасталиғ била кўнгулни овут.

Бефойда сўзни кўп айтма ва фойдалиғ сўзни эшитурдин қайтма. Оз деган - оз енгилур, оз

еган - оз йиқилур. Очлиғ ҳикмат сармоясидур ва тўқлуғ ғафлат пироясидур. Тўқлуғ ҳирсин кўнгулдин йўқ қил, ўзунг оч бўлиб, бир очни тўқ қил. Ўзунгни зебо либос хаёлидин ўткар, либос зеболиғин тиласанг бир ялангни буткар. Либос ҳар нечаким зебодур, кийганингдин кийдурганинг авлодур.

Байт:

Нечаким тўнни риоят бирла кийсанг эскирур, Чунки кийдурдунг ялангға уфрамас тўн ул эрур.

Танбех (121).

Хар кишини дема махраму ҳамроздурким, бу матоъ олам аҳлида оздур. Башар жинсин розингға махрам билма, балки малакни ҳам ўзунгга махрам қилма. Ўзунг асрардин агар санга малолдур, яна биров ани асрамоқ маҳолдур. Ўз махзанингни очсанг ва махфий дурларингни сочсанг, терган киши сепамай неткай ва асра деб, муболаға қилғонинг не ерга етгай? Ўзунг ўз сиррингни асрай олмағонингни билурсен, яна биров ани фош этса, айб ҳам қилурсен.

Бу сир асрамоғингдин лавҳашаллоҳ ва эътироз қилмоғингдин боракаллоҳ! Кўзни ўз айбингдин олма ва ўзгалар айбиға кўз солма.

Байт:

Бийнандадур ўлса киши ўз айбига хозир, Кўз очма бўлурга, яналар айбига нозир.

Танбех (122).

Чин сўзни ёлғонға чулғама, чин айта олур тилни ёлғонға булғама. Ёлғончи киши эмас, ёлғон айтмоқ эранлар иши эмас. Ёлғон сўз дегувчини беэътибор қилур, нечукким, ул гавҳарни хазафдек хор қилур. Улки чин сўзни ёлғонға қотар, дурри саминни нажосатға отар.

Байт:

Гавҳареким, шоҳларға зеби тожу тахт эрур, Ташлағон они нажосатға ажаб бадбахт эрур.

Танбех (123).

Тенгри дўстлари сидку сафо маъданидур. Ёлғончини дебдурларки, тенгри душманидур.

Тилингни ихтиёрингда асрағил, сўзунгни эхтиёт била дегил. Махаллида айтур сўзни асрама, айтмас сўз теграсига йўлама. Сўз борким, эшитувчи таниға жон киюрур ва сўз борким, айтғувчи бошин елга берур. Тилинг била кўнглунгни бир тут, кўнгли ва тили бир киши айтғон сўзла бут. Сўзни кўнглунгда пишқормагунча тилга келтурма, ҳарнаким кўнглунгда бўлса тилга сурма. Агарчи тилни асрамок кўнгулга меҳнатдур, аммо сўзни сипамок бошқа офатдур. Айтур ерда унутма, айтмас ерда ўзунгни мутакаллим тутма. Айтур сўзни айт, айтмас сўздин қайт. Оқил чиндин ўзга демас, аммо барча чинни ҳам демак оқил иши эмас.

Маснавий:

Хирадманд чин сўздин ўзга демас, Вале бари чин ҳам дегулик эмас. Киши чин сўз деса зебо дурур, Неча мухтасар бўлса, авло дурур.

Танбех (124).

Уйғоқлиғда не олингга келса, қазодин кўр, уйқуда ҳар не тушунгга кирса, яхши йўқ. Элнинг сўзига ҳар не ёмонлиқ маҳал топма, ғолиб адув мағлубинг бўлса, шаръ тарафин зоҳир қилиб, ҳайр жонибин ёпма. Қавий душман забунинг бўлса мурувват қил, карам ва авф кўргузгил.

Золим ва бедард суҳбатида нукта сурма, наммом на номард мулояматида дам урма. Доно иликдин борғондин суз айтмас, ўтган йигитлик орзу била қайтмас.

Утган рўзгор адамдур. Келмагандин сўз айткон ахли надамдур ва хол муғтанамдур. Бир турк бу маънида дебдурким: «Дам бу дамдур».

Байт:

Мозию мустақбал аҳволин такаллум айла кам, Не учунким, дам бу дамдур, дам бу дамдур, дам бу дам.

Хотимада:

Танбех (125).

Сувдин асрағулукдур туфроқ ва балчиғ уйин. Ва ўтдин асрағулукдур яғоч ва қамиш уйин. Ва елдин асрағулукдур бўз уйин. Ва туфроғдин асрағулукдур кўз уйин. Жамиъи мосиваллохдин асрағулукдур кўнгул уйин.

Байт:

Нечукким, тўрт уйга тўрт зидди нуқсони шойеъдур, Бешинчи ун даги агёрдин ул навъ зоеъдур.

Олам асбобининг туганмаслигида бу танбехдурлар: Масалан, бировким кирпичдин бирбирига фарш тўшар бўлса, чун маъхуд будурким, хиштни дарз бар дарз солмас, кироғларин бирбиридин ўткариб, аввалгиға ёндоштура солғон икки хиштнинг тарафларида икки улуғ фаржа пайдо бўлурким, яна икки хишт тилар. Они солмоқ лозимдур. Бу киёс била минг ё икки минг хишт фарш соли(н)са бу навъ фаржалар бағоят кўп хосил бўлур. Хар қайсининг ислохиға яна хишт солғон сайн ул фаржалар ул хиштларга кўра кўп зохир бўлур. Агарчи ул фаржа зохир бўлғон такмили учун яна хишт соли(н)са, арзи оллох воссат юзни, балки кураи арз даврасин тамом хишт солмоқ лозим бўла келур. Бовужуди улким, бу махол хаёлни киши тааккул килса туганмоғининг имкони йўқтур. Қиши туганмагини фараз килса, ул фаржалар бирла минг, балки юз минг билонихоят ортар. Аларинг ислохини махол фараз бирла хам тааккул килса бўлмас. Мунинг иложи ва тадоруки хиштни зовия килмок била ва андин хам ушоғрок ушатмок била муяссар бўлурким, муддао килғонча ерга чун фарш тўшалди, пайдо бўлғон фаржаларға кўра хиштларни ушотиб солғайлар ё ул душворлиғ осонлиғ била илайдин кўпкай.

Танбех (126).

Келдук мушаббаҳғаким, олам асбобидур, киши тиласаким, кўнгул тилагандек ва башарият томеаси тақоза қилғондек асбобини тузатгай нима кўп керак ул кераклик нималардин бир нечаси муяссар бўлса, яна анинг итмоми ва такмилиға юз онча, балки кўпрак керак бўлур ҳам анинг анжомин таақкул қилса ул ҳам мужиби завоидлар бўлур. Андоқким, анинг саранжомининг тасаввури маҳолотқа юз қўяр. Масалан, баъзи салотиндекким, неча иклимни олдилар ўзга ақолим хаёли бошлариға тушти, мунинг дағи иложи ва тадоруки бир неча муддаодин кечмак ва бир неча орзудники башар табъининг лозимасидур, ўтмак била ҳосил бўлур. Эмди сўзнинг аслиға шуруъ қилоли: Бу олам асбоби муддао ва орзусин андоқким, бирор нима хотирдин салб қилғон била кўп ташвиш за таклифдин махлас вокеъ бўлур, агар билкулл тамоми муддао ва орзудин киши илих тортса, дунёнинг барча офат ва балиятидинким, иштиғоли ҳақ йўлининг монеъидур, озод ва фориғ бўлмоқ муяссардурким, бу давлат кўп мувофиқ бандаларга даст берибдур ва арода бор экандурлар ва ҳоло ҳам бор эканлар. Ва аларким, ародин чиқибдурлар, зикрлари машойих ва уламо кутубида мазкурдир.

Эмди келдук мушаббахғаким, фарш тўшмамакдур, ул дағи андок хишти ушотқон била, зовия қилғон била кўп мушкуллиги осонлиқка юз қўяр. Агар бу фарш хаёлин тамом кўнгулдин чиқарулса, киши ул махол тасаввурдин хам тинар ва халос хам бўлур ё ўйга агар фарш бўлмаса танаъумоти ва талаззузотидин не ўксугай. Ва авлиё (куддиса аллоху асрорихум) ахлох ва сифоти таърифида, балки анбиё (саловотиллохи алайхум) ахком ва шароеъи зикрида ўй фарши сўзи ўтубму экин андокким, ўй фаршиға хеч иш вобаста эмас ва ул хеч ишга мухтожи алайх эмас. Фил-хакикат олами асбоби дағи беш кунлик умрдаким, нихояти ўлмакдур ва барча конлар ютуб хосил қилғон асбобин юз ҳасрат ва армон ила қўюб кетмак.

Хар кишиким, ҳакдин қабул саодатиға мушарраф бўлубтур, ани рад қилибдур ва бори аҳли қабулнинг мардуди билибдур чун ани тамоми хотирдин маҳв этибдур, асли мақсудиға етибдур. Ва ул мушаббаҳ ва мушаббаҳунбиҳ аросида бу тафовут ҳам борким, ул фаршқа шуруъ ва таркидин фоилиға суд ва зиёники, айтса бўлғай, йўқтур. Ва дунё асбоби иштиғолидаким, ҳақ йўли сулукидин монеъдур бир нафс юз оламча зиён ва ҳар дам минг фалаки аъзамча нуқсон кутишдин равшанрокдур.

Хикоят: Хорун ар-Рашид²⁷ Шайх Бахлул²⁸ сухбатин хавас қилди ва ул матлуб хусулин мултамас килди. Бахлулғаким, бу хабар етти, Хорун сухбатин мушарраф этти. Халифаким, Бахлул аёғин ёланг кўрди, кафш киймаганнинг кайфиятин сўрди. Мажзубким, йиллар кафшсиз сайр этиб эрди, кафш деган нима ёдидин кетиб эрди. Билгачким, кафш дунёда мавжуд бор, табассум била дедиким: «Киши ани тиласа қайдин топар?» Хорун дедиким: «Бозорда кўптур. Олур ани хар кишиким, хар кайси аёгига хўбдур». Бахлул сўрдиким: «Хар ким ани олмоқ майли килур, аммо бахоси кайдин топилур?». Хорун айттиким: «Бахосин биз саранжом килали ва сенинг учун сотқун олали». Бахлул дедиким: «Ани кийган гохи аёгидин чиқарса, ким асрар ва кеча уюса, ким сахлар?» Хорун дедиким: «Кул бераликим, асрасун ва сен қайда чиқарсанг, сахласун». Бахлул дедиким: «Ул ҳам ёланг аёг бўлса нетай? Қафш олай деса баҳоси қайдин етгай? Хорун дедиким: «Ани ҳам биз берали, ул санга кийдургандек биз анга кийдурали». Бахлул дедиким: «Ул оч қолса, не егай ва ёланг қолса дардин кимга дегай?» Хорун дедиким: «Киймагин хазонадин еткурай ва емагин боварчидин буюрай». Баҳлул дедиким: «Мен аёг ёланг ўрганибмен ва кафш ва ўтукдин ўсонибмен. Кафш кийсам, шояд дастор ҳам чирматқайсен ва мени боштин аёг балоға қолғонларға қотқойсен. Ва ўзунг ҳам бу икки таклифга қолғайсен. Бу савдодин кечсанг санга бу мехнатдин кутулмоқдур, манга ҳам бу боштин аёг балодин ҳалос бўлмоқдур».

Пири рох ва солики огох мундок дуррдек такаллумким сурди, бу гавхарларни анинг кулоғиға урди. Шохни ул можародин ўткарди ва ўз аёғин кафшдин тортти, бошин дастордин кутқарди.

Байт:

Фориг этти бесару фоний ул гуфтордин, Хам аёгин кафшдин, бошини дастордин.

Танбех (127).

Кафшсизликдин малул бўлмағил, аёғсизларға боқиб шукр қил. Дастор йиртуғлуғидин ғам ема, боши ёруғларға боқиб тенгри ҳамдидин ўзга дема. Танпўшунг дуруст бўлмаса тандурустлуғунгға шокир бўл, ичинг қувватиға ғизо топмасанг, ич оғриғин йўқ шукриға зокир бўл. Кисангда агар дирам йўқ, кўнглунгда кисабур ғами ҳам йўқ. Ифлос машаққатин буржлулуғунг йўқидин унут, ҳар ҳолда шукр ва ҳаноат тариқин берк тут. Агар отинг йўқтур, арпа ғамин емассен. Агар қулунг йўқтур, киши қули худ эмассен. Қамар курсиға илкинг етмаса, қўғлама, ўтмак ҳам мағнамдур. Зарбафт баҳоли либоси бўлмаса, фароғат бўрёси ҳачон андин камдур. Агар шунқордек бошингда зардўзлук тумоғадин тож эмасдур, шукр ҳилким, кўзунг ёруҳ дунёни кўрарга муҳтож эмастур. Агар шунҳор эгасидек белингда баҳлийи зарнигор йўҳ ҳам, шукрдурким, илгинг баҳли панжасидек нокор йўҳ ва андин санга озор йўҳ.

Хар шиддатеким, билурсен андин қатикроқ ҳол бордур ва ҳар суубатеки, гумон қилурсен андин саъброқ куб кишига гирифтордур. Ҳар машаққатким, сенда йуҳтур, сенингдекда бор. Ул санга неъматедур шукр айтурға сазовор. Ҳар неъматким, санга берибтур ва сенингдекка бермайдур. Ҳамду сано айтурға кироманд ҳақдин бу беҳисоб иноятларни бил ва мунга кура бандалик фикрини қил. Ҳар неча ибодат қилсанг, кунглунгни тақсир қилғонға мойил тут ва ҳар неча тоат қилсанг, тилингни узр айтурға қойил тут. Сен ва қилғанинг маъдуми маҳз, вужуд ҳақ вужуди, ҳар не анинг ғайри нобуди мутлақ ва буд анинг буди.

Илохи, бу ажзоким, яхши-ёмон сифоти анда мазкурдур, мақбулу мардуд холоти мастур, битгувчиси агарчи ёмонлардиндур ва яхшилардин эмас, аммо сендин яхшилиқ тамаъиға ўзин ёмонлардин демас.

Илоҳи, ани яхшилар орасидин ҳавр этма ва ёмонлар ҳайлиға қотма. Тилига келган била кўнглин содиқ тут ва қаламиға ёзилғон била замирини мувофиқ тут. Ўзингдин ўзга сўзин кўнглидин чиқар. Ул ён тутким, санга етишгай ва ул йўлға юрутким, санга қоришгай. Тилига ўзунгдин ўзгани ёвутма ва кўнглини ўзунгдин ўзгага овутма. Кўнглини тасаллийи висолинг била овут ва кўзини тажаллийи жамолинг била ёрут. Бу замири фарзандин кўзларга маҳбуб эт ва бу бағри пайвандин кўнгулларга марғуб эт.

Рубоий:

Бу номаки, хомасиға қилдинг мактуб, Қил аҳли қулуб олида «Маҳбуби қулуб». Эл айб топардин қилма маъюб. Ҳар ким ўқуса насиба этгил матлуб.

Tapux:

Бу номагаким, лисоним ўлди қойил,

Килким тили ҳар навъ эл ишига ноқил. Тарихи чу «хуш»²⁹ лафзидин ўлди ҳосил, Ҳарким ўқуса, илоҳи, ўлгай хушдил.

«МАХБУБ УЛ-ҚУЛУБ»НИНГ ИЗОХ ВА ТАРЖИМАЛАРИ

Асар Навоийнинг умри охирида — 1500 йилда ёзилган. Ўзбек насрининг ғоят гўзал намунасидир. Навоий бадиий тафаккурининг, хулосаси, ҳаётий мушоҳадаларининг якунидир. Асарда муаллиф ўзигача бўлган форсий насрнинг энг илғор анъаналарини ривожлантирган, қатор масалаларни ўз даври ижтимоий—сиёсий воқеъликни, хоким мафкура билан боғлаб, янгича талқин қилган. Асардаги инсонни улуғлаш, баркамол кўриш, унинг бош хатини, хажвий портретлар, қайдлар — фош қилувчи қудратини, рад этишлик мантиқи — исёнкорлик рухини, ахлокий — этик хикмат — дидактик йўналишини, баёндаги фикр теранлиги, тилнннг гўзаллиги, пухталик, мухтасарлик, услубий жилолар, шеърий парчаларнинг келтирилиши — юксак бадииятини белгилайди.

Муқаддимада, Навоийнинг эътироф қилишича, бу асар замондошлари ва авлодларга ўрнак бўлиши, яхшилик ва ёмонликни англашда, гўзалликни ардоклаш ва эзгуликларга интилиш, чиркин хислатлар ва ёвузликлардан асранишда дастур ул—амал бўлишлигини назарда тутади. Одоби тасниф анъанасига кўра асар Оллох хамди билан бошланган. Унинг ёлғизлиги,

азамати, ниёзмандлиги, кодирлиги ва х. к. мадх этилади.

Мухаммад пайғамбар (алайхисаллом)нинг мадхи наът қисмида берилади. Шундан сўнг Навоий ўзи ҳақида, ҳаёти, фаолияти қандай кечганлигини нималардан хурсанд, нималардан ранжиб яшагани қаламга олинади. Асарнинг ёзишдан кўзлаган мақсади ва унинг мундарижаси баён этилади. Навоий «умид улки, ўкиғувчилар диккат ва эътибор кўзи билан назар солғайлар ва хар қайси ўз фахму идрокларига кўра бахра олғайлар, битувчига хам бир дуо била бахра еткургайлар ва рухини ул дуо била суюндурғанлар, — деб муқаддимани якунлайди. «Махбуб ул-қулуб»нинг аввалги ноширлари давр сиёсати ва ундаги хукмрон мафкура

тазйиқи билан матнни қисқартириб тайёрлаган эди. Бу нашр эътиборли қўлёзмалар асосида илк бор тўлиқ холда нашр этилмокда. Натижада Навоийнинг тасаввуфга муносабати, диний масалаларни талқин этишдаги позицияси ҳақида аниқ тасаввур пайдо бўлади.

Китоб охиридаги изох ва шархлар шу тасаввурни тўлдириш хамда теранлаштиришга хизмат килади.

Муқаддима

- 1. Махмуд— Мухаммад пайғамбар (а. с.)нинг лақаби. 2. Аносир тўрт унсур (сув, хаво, тупрок, олов). 3. Масих— Исо пайғамбарнинг лақаби.

- 4. Яъкуб Иброхим пайғамбарнинг невараси. Унинг 12—ўғли

4. Яъкуо — иорохим паиғамоарнинг невараси. Унинг 12—уғли бўлган. Отаси ўлимидан сўнг уни Оллох пайғамбарликка ноил қилган. Оғалари Юсуфни қудуққа ташлаб, бўри еб кетди, деб хабар берганларидаи кейин Яъкуб ўғли ҳасратидан Байт улахзон кулбасида йиғлай — йиғлай кўзлари кўр бўлиб қолади. Юсуфдан яхши хабарлар эшитгач, кўзи очилади. Яъкуб пайғамбарнинг лақаби «Исроил» дир. Ундан сўнг келганларни «Бани Исроил» дейдилар. Қуръони каримда Яъкуб ҳақида 15 га яқин оятлар бор (масалан, Бақара, Имрон, Нисо ва б.). Адабиётда талмих санъатида кўп келади. Ошиқнинг ҳузн, изтироблари, айриликдан куз ёшлари тукиши ва ҳ. к.лар қаламга олинар экан, унинг узини ёки кунглини Яъкубга ухшатилади. Купинча Яъкуб Юсуф билан бирга тилга олинади.

5. Ҳизр — Оби ҳаёт ичиб, барҳаётликка эришган авлиёлардан. Адабиётда кишиларга

- йўлдошлик, мададкорлик қилиш билан машхурлигига урғу берилади.
 6. Буроқ Муҳаммад пайғамбар (а. с.)нинг оти. «Меърож» кечаси пайғамбар уни миниб,
- кўкка кўтарилган.
 - 7. Рух ул—амин Жаброил (а. с.)нинг лақаби.

- 8. Тарж. ар.: ишқ ҳақида гапириладиган нарса.
- 9. Тарж. ар.: вахйдан бошқа нарса эмас.
- 10. Тарж. ар.: оламга [Аллохнинг] рахмат бўлсин!
- 11. Тарж. ар.: юлдузлар каби.
- 12. Тарж. ар.: Қиёмат кунида унга, унинг оила аъзолари ва сахобаларига оллоҳнинг салавотлари бўлсин.
 - 13. Тарж. ар.: гуноҳларидан кечиб, айбларини бекитсин.
- 14. Соир ун—носнинг афъол ва ахволи кайфияти хар хил тоифа одамлар феъл—атвори ва ахволи кайфияти демакдир.
- 15. Хамида афъол ва замима хисол хосияти яхши феъллар ва ёмон хислатлар хосияти демакдир.
- 16. Мутафарриқа фавоид ва амсол сурати хилма—хил фойдалар ва ҳикматли сўзларнинг кўриниши демакдир.

I кисм

- 1. Тарж. ар.: мен ер юзида қилғувчи халифа.
- 2. Тарж. ар.: Одил султон замонида туғилиш демакдир.
- 3. Хожай кавнайн а. ф. икки дунё эгаси демакдир. Мухаммад пайғамбар (а. с.) кўзда тутилади.
 - 4. Тарж. ар.: бир соатлик адолат, инсу жинс ибодатидан яхширок.
- 5. Шох Абулғозий Хусайн Бойқаронинг лақаби. Шох Султон Хусайн Бойқаро (1438, Хирот —1506, ўша шахар) темурийлардан. Темурнинг ўғли Умаршайхга набира, Мансур бинни Бойқарога ўғил. Онаси Темурнинг набираси Ферузабегим. Бу тарафдан Мироншох Мнрзонинг хам набираси эди. Хусайн Бойқаро шеърият билан шуғулланган сохиби девон шоирдир. У «Хусайний» тахаллуси билан асосан дунёвий ишқ ва унннг кайфиятлари ҳақида шеърлар битган. Хусайн Бойқаро 1485 й.да насрий бир Рисола ҳам ёзган. Унда ўзининг фаолиятини шахсий кечинмаларга бой, кўтаринки рухда баён этар экан, мамлакатдаги маданий илмий, адабий ижод равнақига алоҳида тўхталади ва Жомий ҳамда Навоийларга юксак баҳо беради. Маълумки, Алишер Навоий ҳам ўз фаолиятида, ҳам ўзининг ҳар бир асарида Хусайн Бойқарога мустасно ўрин ажратади. Бу ерда Навоий Хусайн Бойқарони одил султонларнинг энг сараси сифатида тилга олади.
- 6. Жаброил Худо билан пайғамбар ўртасидагн воситачи, вахй келтирувчи фариштанинг номи.
- 7. Хомон Мусо пайғамбар замонидаги Миср Фиръавнининг вазири. Мусо душмани бўлган эронли бу вазир Фиръавнга болаларини ўлдиришни тавсия килган. Хомон Фиръавн учун икки иш килган: бири «тарихи Хомон» номи билан машхур расадхона курган; иккинчиси катта бир саватга ўлимтик ейдиган, узок умр кўрадиган каргас кушларини солиб, устига гўшт парчаси ташлаб кўйган. Фиръавн гўё уларга миниб, Мусо тангрисини махв этажагини билдирган.
- 8. Осаф Шарқ адабиётларида энг яхши вазирга берилган унвон сифатида келади. Осаф бен Барҳаё Сулаймон пайғамбарнинг машҳур вазири бўлган. У «илми симиё (ботиний илмлардан Оллоҳнинг сўзлари, гўзал исмларннннг сирларини очиш)ни пухта билган. Бир ривоятда Осаф «Исми аъзам (Оллоҳнинг энг улуғ 1000 та исмидан 300 таси Тавротда, 300 таси Забурда, 300 таси Инжилда ёдга олинадн. Қуръонда 100 дан 99 ёдланади. 1 исми эса халқдан яширин қолдирилади. Бу эса Сулаймон пайғамбар хотами—узугида нақшланган экан) қудрати билан Сабо маликаси Билқисни тахти билан бирга Сулаймон пайғамбар ҳузурига келтирган экан. Адабиётда Осаф «соҳиби тадбир», донишманд вазир тимсолига айланиб кетган. Умуман

Осаф исми вазир маъносида қўлланилади. Кўпинча бу образ Сулаймон пайғамбар ва унинг хотами-узуги билан бирга келади. Бу ерда Навоий ҳам шу маъноларда қўллайди.

- 9. Тарж. ар.: Инсоф килганга Оллох рахм килади сўзлари Осаф узугига накшланган.
- 10. Тарж. ар.: азоб келтирадиган (нарсалардан) кутулдинг.
- 11. Хотам Ибн Абдуллох бин Саъднинг лақаби Хотами тойи номи билан ҳам машҳур. Той қабиласининг бошлиғи ва шоир бўлганлиги ҳақида ривоятлар бор. Хотам адабиётда саховат, сахийлик тимсолига айланнб кетган.
- 12. Рустам Фирдавсий «Шохнома» сидаги бош кахрамонлардан Золнинг ўғли. Фирдавсий Рустамнинг дунёга келиши ва унга исм кўйилишини шундай хикоя қилади; Золнинг хотини Рудоба хомилани оғир кўтаради. Ойи-куни келганда, дард бошланиши билан хушидан кетади. Саросимага тушган Зол афсонавий куш Симурғ воситасида жаррох топиб келади. Жаррох Рудобанинг ёнини кесиб, болани омон олади. Хушига келган она ёнида ётган фарзандини кўриб хурсанд бўлади ва ох тортиб «Рустам!» (яъни азобу дардлардан халос бўлдим маъносида), дейди. Онанинг оғзидан биринчи чиққан шу сўзни болага исм қилиб қўядилар. Шарқ адабиётида Рустам анъанавий образ тимсолига айланиб кетади. У паҳлавонлик, мардлик рамзида тилга олинади.
 - 13. Тарж. ар.: тенг, баробар демакдир.
 - 14. «Ло» а. «йўқ», «наам» «ха» демакдир.
- 15. Рухуллох Исо пайғамбарга нисбатан қўлланиладиган таъбир. Отасиз туғилгани учун бу исм билан аташган. Бу ерда Исойи Рухуллоҳнинг ўз нафаси билан ўликни тирилтириш қудрати табибларнинг давосозлигига қиёс қилинмоқда.
 - 16. Тарж. ар.: қасд билан, қасддан демакдир.
- 17. Али Али бин Абу Толиб тўрт буюк халифаларнинг охиргиси (598 661), Мухаммад пайғамбар (а. с.)нинг амакиваччаси ва куёви.
 - 18. Тарж. ар.: Аллох ундан рози бўлсин ва Аллох уни буюк килсин!
- 19. Фаридиддин Аттор Мухаммад ибн Абубакр бинни Иброхим (1148/51—1219/21) тасаввуф олими. Ижодиётда Хусайн ибн Мансур ал—Халлож (858 922), Боязид Бистомий (ваф. 875) таълимотининг давомчиси. У инсон иродаси билан боғлиқ ҳамда яхши ва ёмонликнинг замири инсоннинг ўзида, ўз табиатида мавжуд, деб ҳисоблаган. Атторнинг «Мантиқ ут—тайр» ига Навоий, ўз эътирофича таржима йўсини ила «Лисон ут—тайр» ни ёзган. Бу ерда Навоий Атторни сирлар жавоҳирларини яратган, шоир деб таърифламокда.
- 20. Мавлоно Жалолиддин Румий тасаввуфнинг буюк шоири (1207, Балх 1273). Куния шахрида мударрислик килган. Унинг ижоди Фаридиддин Аттор таъсирида шаклланган. Манбаларда Аттор Жалолиддин билан Нишопурда учрашиб сухбатлашгани ва «Асрорнома» асарини унга тухфа килгани кайд этилади. «Девони Шамси Табризий» номи остида машхур бўлган лирик шеърлар мажмуасида Жалолиддиннинг 3000 байтдан зиёд шеърлари 270 байтдан иборат «Маснавийи маънавий» асари ўрин олган. Навоий бу ерда Румийни «ғаввоси бахри якин» (яъни ҳақиқат асрорини ўрганувчи, Оллоҳни таниганлар денгизининг ғаввоси) деб таъ—рифлайди.
- 21. Саъдий Шерозий Муслихиддин Абу Мухаммад Абдуллох ибни Мушрифиддин (1203 08, Шероз 1292, шу шахар) шоир, носир ва мутафаккир ёшлигида етим колиб, кичкина бир бакколчилик дўконидан тушган ночор даромади билан оилага кўмаклашади. Мўғуллар истилосидан кейин саёхатга чикиб, 20 йил мобайнида Туркистон, Хиндистон, Шимолий Африка, Жанубий Арабистон, Кичик Осиё шахарларини кезиб, Боғдодга қайтади. Саъдий бошланғич таълимини ўз юртида олган эди. Эндиликда у Бағдоддан «Низомия» ва «Мустансирия» мадрасаларида араб тили ва адабиёти, ҳадис ва Қуръони карим, калом ва тасаввуфни ўрганади.

Унинг «Бўстон», айникса «Гулистон» асарлари ўша вактдаёк ва кейинги даврларда хам

жуда машхур бўлган. 4 та ғазаллар девонида ҳам ғиноий шеъриятининг энг гўзал намуналари жамъланган. Саъдий ижодида ишқи мажозий ва ишқи ҳақиқий тараннуми чатишиб кетган. Унда дидактик йўналиш ҳам кучли. Бу ерда Навоий Саъдийни «Маъно аҳлининг гўзал сўзлар айтувчиси» деб таърифлайди.

- 22. Амир Хусрав Дехлавий Яминиддин Абулхасан Амир (1253, Патёл—1325, Дехли). Шоир ва мутафаккир. Унинг отаси Сайфуддин Махмуд мўғуллар истилоси олдидан Шахрисабздан Хиндистонга кўчиб кетади. Хусрав илк шеърларини «Султоний» тахаллусида ёза бошлайди. Унинг гиноний—лирик шеърлар девони 5 та бўлиб (умумий хажми 32645 байт), уларни алохида номлаб чикканди ва бу анъанага асос солади. Хусрав Низомий «Панж ганж»ига жавобан «Хамса» яратиб, хамсачилик анъанасини хам бошлаб берган шоирдир. Хусрав катор насрий асарлар муаллифи хамдир. «Хазойин ул-футух» (Галабалар хазиналари) «Эъжози Хусравий (Хусрав мўъжизаси), «Манокиби Хинд» (Хинд манокиблари) шулар жумласидандир. Навоий Хусрав Дехлавийга катта мухаббат ва юксак эхтиром билан караган ва уни хар бир достонида хамда бошка насрий асарларида мадх этиб ўтган. Бу ерда уни ишк ахли орасидаги садокатли ошик ва пок акидалар юритувчиси, деб таърифлайди.
- 23. Захириддин Саноий Абдулмажид Маждуд ибни Одам (1079 80, Fазна, 1140, шу шахар) бўлиши керак. Бу шоир исми ё лақаби Захириддин бўлгани маълум эмас. Захириддин Тохир ибни Мухаммад Форёбий (1160, Форёб (Балхдаги—1202, Табриз) деган шоир хам бор. Лекин Навоий шоир тахаллусини Саноий деб аниқ ёзади. Саноийнинг катта шеърлар девони, айникса «Хадикат ул—хакикат» (Хакикатлар гулзори) номли достони ғоят машхурдир. 12 минг байтдан иборат бу достонни адабиётда тасаввуф комуси деб атайдилар. Бу ерда Навоий Саноийни «тасаввуф мушкилотлари тугунини ечувчиси», деб ёдлайди.
- 24. Шайх Авхадиддин Авхадиддин Али ибни Мухаммад ибни Исхок Анварий (1105, Ховарон (Абиварддиги) —1187, Балх) шоир ва мутафаккир, Тусдаги мадрасада таълим олган. Замонасидаги турли илмларнинг нужум, хандаса, хикмат, тиб, фалсафа билимдони. Султон Санжар даврида (1118 1157) сарой шоири бўлган. У шўх табиатли, озод фикр шахс бўлиб, шеъриятда хажвга мойил эди. Авхаддиддин Анварийни «қасида пайғамбари деб аташган. Унинг қасида (250), ғазал (337), қитъа (557) ва рубоийлардан (472) таркиб топган Девони қарийб 15 минг байтдан иборат. Навоий бу шоирни «аҳли яқин (Аллоҳни таниганларнинг) ягонаси», деб таърифлайди.
- 25. Хожа Хофиз Шамсуддин Мухаммад (1321, Шероз 1389, ўша шахар) Машхур шоир тожир оиласида туғилиб, ёш етим қолади. У нонвойга шогирд тушиб, оила рўзғорига қарашади. Курьони каримни ёд олган хофиз бўлган, тахаллуси шу фазилатидан олинган. Хофизни ўз давридаёқ «ринд» деб аташган эди. Бунинг боиси кўпрок унинг шеъриятда жаранглаган журьатли овози, хур ва дадил фикрларига кўра эди. Хофиз, асосан ғазалсаро шоир 1967 й. Техронда Халхолий Хофиз вафотидан 35 йил ўтгач, тартиб килинган девон матнини бошқа нашрлар билан киёс килиб босиб чиқаради. Унда 418 ғазал, 5 қасида, 41 рубоий, 3 та кичик маснавий «Сокийнома», «Охуйи вахший» ва «Муғаннийнома» асарлари мавжуд. Хофиз талқинида ишқ ҳаловат сабаби айни чоғда ишқ азият моҳияти. Хофиз ғазалларида ирфоний ғоялар, тасаввуфга эътиқод устундир. Навоий лирик шеъриятда Хофизни ўз устозларидан бири сифатида эътироф этади. Бу ерда шоирни маъноларни очиб берувчи деб таърифлайди.
- 26. Камол Исфахоний Камолуддин Исмоил Исфахоний (1170, Исфахон 1237, ўша шаҳар). 10 минг байтдан зиёд шеърлар кирган девонга эга шоир. Девони ғазал, қасида, қитъа, рубоий ва таркиббандлардан таркиб топган. Шоир қасидалари фақат мадҳия руҳида бўлмай, уларда маҳорат билан замона носозликлари, илм -ҳунар аҳлининг ночорликлари, баъзи давлатмандларнинг жоҳиллиги юзасидан дадил фикрлар илгари сурилади. Шоирнинг ижтимоий қарашлари, айниқса унинг қитъаларида ўз аксини топгандир. Навоий бу шоирни шеъриятда

кўпрок мажоз тарикида ёзган шоирлар сирасида тилга олади.

- 27. Хоқоний Шервоний Афзалиддин Бадил ибни Али (1120, Шервон —1198, Табриз). Косиб оиласида дунёга келади. Амакиси кўлида табиб ва шоир бўлиб етишади, илм ўрганади. Бирмунча вакт шервоншохлар саройида хизмат килади. Лекин бу мухит ва ундаги макр—хасад, фитна—фужурларга дош бера олмай Хаж сафарига отланади. Қайтгач «Туҳфат ул—Ироқайн» (Икки Ирок тухфаси) маснавийсини ёзади. Саройни тарк этган шоирни Шоброн зиндонига ташлайдилар. У Рум (Византия) шахзодаси Андроник Комнонга қасида билан мурожаат қилиб, унинг кўмагида зиндондан халос бўлади. Зиндонда шоирнинг машхур «Хибсиёт» манзумалари яратилади. Хоқоний девони 17 минг байтдан таркиб топган. Унда 220 қасида, 330 ғазал, 300 рубоий, 230 форсча қитьа ва 450 арабча шеърлар бор. Хоқоний шеъриятининг кейинги давр шоирларига таъсири сезиларли бўлган. Навоий бу ерда Хоқонийни мажоз тариқида қалам тебратган шоирлар қаторида санаб ўтади.
- 28. Хожуйи Кирмоний— Абулато Камолуддин Махмуд ибни Али (1290, Кирмон —1354, Ирок), шоир Хусрав Дехлавийдан кейин Низомий Ганжавий анъаналарини давом эттирган иккинчи шоирдир. У олти достон ёзиб «Хамсаи Хожу»га бирлаштирган. Икки шеърий девони бор. «Гул ва Наврўз» ҳамда «Шавқиёт» номли маснавийлар ҳам яраттан. Ҳофиз уни ўз устозларидан деб билган. Хожу Кирмоний Саноий, Шайх Аттор Жалолиддин Румий анъаналарини давом эттирган. Навоий бу ерда шоирни мажоз йўлида ижод қилган сўз санъаткорлари сирасида тилга олади.
- 29. Мавлоно Жалолиддин Ибни Жаъфар Фарохоний (ваф. 1336) сохиби Девон шоир. Низомий Ганжавийнинг «Махзан ул—асрор»ига 3 минг байтли жавоб ёзган. Шеъриятда фалсафий, диний ва ахлокий гояларни тараннум этган.
- 30. Хожа Камол Камолуддин Амид XII асрда яшаб, ижод қилган шоир. Бухородан Хуросонга Султон Санжар саройига келган. Донишманд инсон, мохир хаттот ва мусиқачи бўлган. Анварий таъсирида ёзган шеърлари анчагина. Камол девони замонамизгача етиб келмаган. Улардан баъзи намуналар тазкираларда берилган. Навоий бу шоирни мажоз йўлида шеър битган ижодкорлар сирасида келтиради.
- 31. Анварий қаранг: Авҳадиддин Али ибни Муҳаммад. Шу китоб, 7-6.
 32. Заҳир Заҳируддин Нишопурий XII асрда яшаган шоир ва тарихчи, ишқий ва ахлоқий мавзуларда пароканда шеърлари бор. Яна Захир Самаркандий деган (XII) насрнавис бўлган. Энг мухим асари «Синдбаднома» бўлиб, адолатли шох тимсолини сержило бадиий бўёкларда яратган. Навоий бу ерда мажоз тариқида қалам тебратган шоирларни санаб ўтаётгани учун сўз Захир Нишопурий устида кетаяпти чоғи.
- 33. Абдулвосеъ Бадеуззамон Фаридуддин ибни Умар ибни Рабеъи Гуржистоний. Абдулвосеъ Жаболий номи остида таникли (ваф. 1160). Хиротда тахсил кўрган, Газна ва Машхадда фаолиятда бўлган. Девони касида, ғазал ва рубоийлардан таркиб топган. Уларда бахор ва наврўз, ишку мухаббат, дўстлик ва садокат тараннум этилган. Айни чоғда, замонадан шикоят, халқ ахволидаи огохликка даъват, шахсий дард—алам оханглари хам баралла сезилади. Навоий бу шоирни мажоз тарикида ёзганлар сирасига киритади.
- 34. Асир Асируддин Абдуллох Авмоний (ваф. 1236) араб ва форс тилларида ижод қилган, айникса Анварий шеърларига пайравлик килган шоир. Содда, таъсирчан ва ширин шеърларидан тузилган Девони тахминан 5000 байтни ташкил қилади. Қарийб шу даврларда яна бир Асири Ахсикантий (Асириддин Абулфазл Мухаммад Тохир) деган шоир (1108, Фарғона Ахсикати — 1196 — 98, Озарбайжон Халхоли) яшаган. У Хирот ва Марвда тахсил олиб, риёзат, тиб, кимё, нужум, хайъат, фалсафа, тилшуносликда шухрат қозонади. Маълум муддат Ироки Ажамда истикомат қилади. Девонида 120 қасида, 220 ғазал, 80 қитъа, 80 рубоий, 4 таркиббанд ва таржеъбанд, 24 фард мавжуд. Fоялари — кажрафтор фалакдан шикоят, давлатмандларнинг хирсу хавасга ружуълари ва тамаъкорликларни коралаб, сабру токат, илм-донишга даъват каби

ирфоний фикрлардан иборат. Фикримизча, Навоий Асир деганда Асириддин Ахсикатийни эмас, Асируддин Абуллоҳни кўзда тутган. Зероки, бу шоир Навоий тилга олган мажоз тариқида ижод қилгай шоирлар жумласидандир.

- 35. Салмон Соважий Жамолуддин Хожа Салмон ибни Хожа. Алоуддин Муҳаммад (1310, Ироқи Ажам Соваси 1376, ўша ер) Шарқ шеъриятида вокеа саналган машҳур «Қасидаи маснуъ» ижодкори. Бу қасида жалоирийлар вазири (даври 1327—35) Хожа Ғиёсуддин Муҳаммадга бағишланган. Мувашшаҳ тариқида ёзилган бу қасидада бир неча баҳрлардан моҳирона фойдаланилган. Адабиётда бадиий жиҳатдан ғоят баркамол асарни «қасидаи Маснуъ»га ўҳшатилади. Шеъриятда Саъдий Ҳофиз, Камолуддин Исмоил, Заҳири Форёбий, Анварий ва Манучеҳрларга пайравлик қилган. Ўзи асарларидан «Куллиёт» тузган. 16 минг байтни ўз ичига олган «Куллиёт»ида ғиноий шеърлари ва «Жамшед ва Хуршид» ҳамда «Фироқнома» маснавийлари ўрин олган. Навоий бу шоирни ҳам мажоз тариқида ижод қилганлар сирасида санаб ўтади.
- 36. Носири Бухорий Шохдарвеш ҳамда Дарвеш Носир номларида ҳам таниқли (ваф. 1371—72) шоир. Таҳсил олиш мақсадида Хуросон, Озарбайжон ва Ироққа сафар қилган. Девонида 4000 байт шеърлар мавжуд. «Ҳидоятнома» номли маснавийси ҳам бор. Лирик шеъриятда Ҳофизга пайравлик қилган. Бу шоирни ҳам Навоий мажоз тариқида қалам тебратгаи ижодкорлар қаторида тилга олади.
- 37. Котибий Нишопурий Шамсуддин Мухаммад ибни Абдуллох (ваф. 1435, Астробод). Нишопур мадрасасида тахсил олган. Мавлоно Сиймийдан хаттотликни ўрганиб, хушхат котиб бўлиб етишгани учун Қотибий тахаллусни олган. Хирот, Самарканд, Астробод, Мозандарон, Гелон, Хижозга сафар килган. Бир неча девонлари ва маснавийлари бор. Навоий Котибийни «Мажолис ун—нафоис»нинг І мажлисида келтиради ва «ўз замонининг беназири эрди. Хар навъ шеърғаки, майл кўргузди, анга маонийи ғариба кўп юзланди. Батахсис, қасоидда балки ихтироълар хам килди ва кўп яхши келди». Навоий Котибий ғазаллари ва касидаларига юксак бахо беради, «яхши сўзи кўпдур» деб ёзади Котибийнинг Астрободда тоун (вабо) марази билан дунёдан ўтганлиги ва Нўх гўрон деган мазорда дафи этилганлиги «Мажолис»дан маълум. Бу ерда Навоий Котибийни ҳам мажоз йўлида ёзган шоирлардан деб қайд этади.
- 38. Шохий Сабзаворий Амир Оқмалик ибни Малик Жамолуддин Ферузкўхий, тахаллуси Амир Шохий (1385, Сабзавор 1453, Астробод) шоир. Аждоди сарбадорлардан бўлгай, Шохий Бойсунғур мирзо надими сифатида сарой хизматини бажарган. Сарбадорлар мағлуб этилгач, ота юртига қайтиб, деҳқончилик билан машғул бўлган, Шоҳий 5—7 байтли ошиқона ғазалларни кўп битган. Уларни Жомий, Навоийлар юксак баҳолаган. «Мажолис ун—нафоис»да Навоий ёзади: «Фароғатдўст ва хушбош киши эрди. Анинг шеърини чошни, салосат ва якдаст ва латофатида таъриф қилмоқ ҳожат эрмас. Ғазали гарчи оздур, аммо барча халойиқ қошида писандида ва мустаҳсандур». Навоий уни кўрмаган, лекин мактуб ёзишиб турганлигини таъкидлайди. Навоий Шоҳий номи билан мажоз тариқида ёзган шоирларни якунлайди.
- 39. Мавлоно Абдураҳмон Жомий Нуруддин Абдураҳмон ибни Низомуддин Аҳмад ибни Шамсуддин Муҳаммад (1414, Жомнинг Харгарди —1492, Ҳирот) шоир ва мутафаккир Навоийнинг дусти, тариқатдаги устоди. 3 та шеърлар девони, «Хамса» йулидаги 7 достондан иборат «Ҳафт авранг (етти тахт), «Баҳористон» каби бадиий ва қатор илмий асарлар жумладан, «Рисолан аруз», «Рисолан қофия», «Рисолаи мусиқий», «Рисолаи муаммо» (3 та) ва б. шарҳлар ҳам ёзган. Навоий Жомийни ғоят ҳурмат қилган, ҳар бир достонида алоҳида мадҳ қилган, бошқа асарларида ҳам юксак ҳурмат билан ёдга олади. Жомий вафотидан сунг у ҳақда «Хамсат ул—мутаҳаййирин» (Ҳайратланганлар бешлиги) номли муҳаддима, уч маҳолат вз хотимадан иборат маҳсус асар ёзган. Унга узининг Жомий вафотига бағишлаб ёзган марсиясини илова килган. Садруддин Айний бу асар «марсия адабиётнинг энг жон уртовчи намунасидир. Бу таркиббандда Жомийнинг бутун илмий ва адабий қудрати мужассамлалган», деб ёзган эди.

Бу ерда Навоий Жомийни хакикат ва мажоз тарикида ижод килган комил ва етакчи сўз санъаткори деб келтирди.

- 40. Тарж. ар.: Оллох унинг ётган жойини нурга чўмдириб, қабрини муқаддас айласин.
- Тарж. ар.: Оллохдин нафсларимизнинг ёвузликлари ва ишларимизнинг ёмонлигидан сақланишни сўраймиз.
- 41. Валоят аҳли авлиёлар аҳли. Валий дўст, тасарруф соҳиби ва амир маъноларига ҳам эга. Оллоҳнннг 99 исмидан биридир. Авлиёлар Оллоҳнинг амрларини умматларга тушунтирадилар. Ҳақ билан халқ орасида бир муомаладир. Пайғамбарнинг валояти нубувватидан устундир, деган тушунча бор. Валийлар Оллох хукмига мутлако риоят этишлари лозим.
 - 42. Шиблий Абубакр Шиблий комил авлиёлардан. «Насойим
- ул—муҳаббат»да Жомий 4—табақа авлиёларидан деб ёзади. Атторнинг «Тазкират ул—авлиё»сида Шиблий маноқибларидан турли ҳажмдаги 60 та нақл, суҳбатларни келтиради. Шиблий 334/945—46 й. Бағдодда вафот этган.
- 43. Нурий Абулхусайн Нурий, исми Аҳмад бин Муҳаммад. 2 та бақа авлиёлардан. Ибн ал—Бағавий номи остида танилган. Нурий 353/964 й. Нишопурда оламдан ўтган.
 - 44. Тарж. ар.: Оллох қабрини муқаддас айласун.
 - 45. «Худий» туячилар ашуласи.
- 46. Савт а. луғавий маъноси қамчи, қамчи урмоқ. Мусиқада овоз, товуш, куй, оҳанг, демакдур.

 - 47. Наъам наво, оханг, куй, тарона. 48. Тарж. ар.: Оллох деди. 49. Тарж. ар.: Оллохнинг элчиси, яъни Пайғамбар деди.
 - 50. ёрод мусика асбоби.
 - 51. аёлғучи куйнинг чўзиқ нағмаларини ижро этувчи.
 - 52. Зиж юлдузнома; жадвал.
 - 53. Тарж. ар.: қочиш, узоқлашиш лозим бўлган. 54. Тарж. ар.: ойнинг юксаклиги.

 - 55. Тарж. ар.: мунажжимлар, ёлғон гапирадилар.
- 56. ажнос жинснинг кўплиги тур, нав; мол, матони хам англатади. 57. Тарж. ар.: мусулмонларнинг икки елкасида ўтирган икки фаришта (ўнг елкадагиси савоб ишларини, чап елкадагиси гунох ишларини ёзиб борар экан).

58. Одам — Оллоҳ яратган илк ннсон. «Абулбашар» (Башарият отаси), куняси «Сафиуллоҳ» (Оллоҳнинг соф қули) лақаби билан ҳам таниқли. Ҳалқда Одам Ота деб юритилади. Одамнинг яратилишида ер юзидаги ҳар жинс тупроқдан олинган эмиш. Ота део юритилади. Одамнинг яратилишида ер юзидаги ҳар жинс тупрокдан олинган эмиш. Оллоҳ одамга руҳ киритгач, унга малакларнинг сажда қилишини буюрибди. Улардан бири жаннатнинг хазинадори Азозил (Иблис, шайтон) оташдан яратилгани учун буйсунмабди ва Оллоҳ уни жаннатдан қувибди. Одамнинг сул қовурғаси суягидан Ҳавва яратилгач, улар бирга нурдан либослар кийиб, роҳатда яшарканлар фақат жаннат меваларидан емасликларн керак экан. Иблис уларни йулдан урмоқ учун қанчалик ҳаракат қилмасин, жаннат дарвозабони Ризвон рози булмабди. Иблис ҳийла билан турт оёқли, гузал ҳайвон булган илоннинг тишлари орасида жаннатга кириб олибди. Нихоят Иблис найранг билан Хавва ва Одамга жаннат меваларини едирибди. Шундан сўнг Оллох илонни оёк ва тишларидан махрум этган экан. Оллох Одам ва Хавванинг либосларини ечдириб, жаннатдан кувибди. Улар махрам ерларини анжир япроғи билан бекитиб, Иблис ва илон билан жаннатдан чиқарилибдилар. Одам Сарандиб, Қавва Арабистондаги Жиддага, Иблис Майсонга, илон эса Исфахон (ёки Нусайбин)га бориб тушибдилар. 200 йил тоат-ибодат, тавба-тазаррудан сўнг Жаброил Одам ва Қаввани Арофатда бир—бирига қовуштиради. Улар 20 жуфт (қиз ва ўғил — эгизак) фарзанд кўрадилар. Буларнинг

энг машхурлари Хобил ва Қобил ҳамда Шит пайғамбардир. Қуръони каримда ҳадисларда ва адабиётда Одам ҳақида оят нақл ва қиссалар ғоят кўп. Навоий «Рисолаи тийрандохтан» асарида Одам ато жаннатдан чиқарилгач, Оллоҳ унга деҳқончилик қилишни, буғдой экишни буюрганини ёзади. Бу ерда ана шунга ишора бор.

- 59. Тарж. ар.: азият берувчиларни ўлдиринглар.
- 60. «Сод» араб алифбосидаги харфнинг номи. «Хирс» сўзининг
- охирги харфи «сод» билан ёзилганига бу ерда ишора қилинади.
- 61. «айн» араб алифбосидаги айириш белгисининг номи, «тамаъ» сўзида охирги ҳарф бўлиб келишига ишора.
- 62. Тарж. ар.: Оламнинг тўрт иклимига сипохгарлик килиш мол хандашликдир. Бу ерда сипохийлик мохиятига киноя бор.
 - 63. Тарж. ар.: шовкин-сурон, тўполон, таралла-ялла.
- 64. Ринд дунё ишларини хуш кўрган киши. «Гиёс ул—луғат»дан «Ринд шариат коидаларини, жохиллик юзасидан эмас, онгли суратда инкор килувчи одам, дейилади. Адабиётда ринд жоху давлатни кўзга илмаган хур фикр, исёнкор рухиятли, майпараст, бодадан хакикат сармасти бўлиб ишк сахроси саргардонлари тимсашда келади. Хофиз

Риндон боданўшки, бо жам хамдаманд, Воқиф зи сирри олам ва аз холи одаманд

(яъни, риндлар жом билан ҳамдам боданушдирлар, Улар олам сирларию одам ҳолидан воқифдирлар), деб ёзади.

- 65. Дайр луғавий маъноси ибодат гунбази: калисо, бутхона, мажозан: майхона. Тасаввуфда лисон оламини англатади.
- 66. Жамшид Жам Қадимий Эроннинг пешдодийлар сулоласининг 4—хукмдори. Мифологияга кўра у Нух замонида 700 ёки 1000 й. яшаган. Инсонларга зарур бўлган кўп нарсаларни, жумладан, сипохийлик аслахалари найза, килич, пичок, калкон, ясатган. Хаммом бино килган. Ипак либослар, ранглар ихтиро этган. Истахр деган шахарни кенгайтириб, унда улуғ бир бино курдирган. Иморат битгач катта тантанали йиғин ўтказиб, ўзи жавохирлар кадалган тахт устида ўтирганда, куёш чикиб, унинг хашаматидан хамма ёк порлаб кетади. Халк бу куни Наврўз (янги кун) Жомни эса Жамшид (нур шохи) деб атай бошлади. Окибат Жамшидда ғурур ва кибр пайдо бўлади. Навоий «Тарихи анбиё ва хукамо» асарида ёзади: ўз суврати била бутлар ясаб, аколим (иклимлар), ва кишвар (мамлакат)ларга йибориб, элга ўзининг парастишини (ўзига сиғинишни) буюради. Оллохнинг қахрига учради ва Заххок Жамшидни арра билан иккига бўлиб, пора—пора килди, тахтини эгаллади. Тасаввуфда Алавий, Мавлавий Бектошин тарикатларида Жом бир зикр номи бўлиб, зикрдан сўнг шароб ичилади. Жам макоми, жам ул—жам деган комил маком хам бор. Бу ерда Навоий Харобот риндлари ўз шавкатини Жамшидникидан ортик биладилар деган фикрга урғу бермокда.
- 67. Дарвеш бир тариқатга боғли одам. Асл маъноси Оллох йўлида хоксорлик ва факирликни қабул қилган кимсани англатади. Адабиётда дарвеш фароғат гўшасида сокин, қаноат хазинаси сохиби, мартабада султондан юксак, маънавият подшохи, ўз юртида мусофир, хирқапўш сайёр сифатида қаламга олинади.
- 68. Фаридун Афридун холида хам учрайди. Қадимги Эрон пешдодийлар сулоласига мансуб подшох. Навоийнинг «Тарихи мулуки ажам» асарида ёзишича, баъзи манбаларда Жамшид набираси, баъзиларида Тахмурас наслидан дейилади. Навоий Фаридунни «Яхши ахлоклик олим ва одил подшох эрди» деб мақтайди. У Мусо пайғамбар ва Ҳорун унинг замонида яшаганлар, деб ёзади Навоий. Фаридун ўз яраларига одамзод мағзидан бошқа даво топмаган Заххокни махв этган, Кова охангар (темирчи) сахтнёнини байрок қилиш қоидасини

ўрнатган эди. Фаридун ўзининг бой хазинаси билан ҳам машҳур бўлган экан. Бу ерда ана шу Фаридун ганжга ишора килинади.

II кисм

- 1. Тавба шароитда вожиб, тарикатда шарт, сулукда лозим бўлган тушунча. Тасаввуфда банданинг парвардигор сари сафари (унинг хаёти) бўлса, бу сафар манзиллари макомлари еттитадир. Биринчи маком тавбадир. Тасаввуф истилохотида тавба рухнинг бедорлигидир, деб таъриф килинади. Хатто тавбани инсон рухининг биринчи исёни хисоблаганлар. Оллох исмлари орасида Таввоб (тавба кабул килувчи) бор. Курони каримда тавба 87 бор эслатилади. Мухаммад пайгамбар (а. с.) «хар куни 70 марта тавбаъ киламан», деган экан.

 2. Тарж. ар.: Бу Оллохнинг фазилатидур, уни хохлаган кишисига беради.

 3. Шайх Абдулло Муборак Абу Абдурахмон Абдуллох бин Муборак Марвазий (ваф. 171/787—88) Ирокнинг Хит шахари, Шаханшохи уламо, шариат ва тарикатнинг имоми, калам ва килич амири деб таърифланган буюк шайхлардан Аттор «Тазкират ул-авлиё»да унинг манокибларидан 22 накл келтиради. Жомий «Нафахот ул-унс»да, Навоий «Насойим улмухаббат»да Абдулло Муборак хакида алохида макола берадилар. Навоий Аттор келтирган Абдуллох Муборак манокибларидан бири тавбасининг бошланиши хакидаги накл беради: У бир канизак ишкига гирифтор бўлади. Бир киш кечаси тонгга кадар маъшука девори остида туради. Қор ва совукда колади. Сахар намози азонини хуфтон деб ўйлайди. Ўзига келгач, дейди: —эй Муборакнинг номуборак ўғли, сенга уят эмасми? Агар Имом намозда узунрок сура кироат килса, толикардинг. Энди нафсинг хавосига тонг откунча мундоғ азоб тортарсен». Шундан сўнг Абдуллох Муборак тавба килиб, сулукка берилади. Худди шу накл бу ерда хам келтирилади.

 4. Зухд дунё ва унинг лаззатлари орзуларидан кечиб, тоат—ибодат билан машғул
- 4. Зухд дунё ва унинг лаззатлари орзуларидан кечиб, тоат—ибодат билан машғул бўлишликни англатади. Машойихлардан Жунайд: «Зухд шуки, мулкдан кўл, табъдан дил холи бўлғай». Зохид пархезкор бўлиб, жисмоний халоват ва лаззатлардан сақланиб, дунё, молу жох, ёру ағёрнинг кўпу озига парво қилмайди. Мухаммад пайғамбар: «Зохид шундай кимсаки, дунё яъни, ундаги хайриятларни еганда мўминданми ё кофирданми у қўрқмайди»,— деган экан.

 5. Мавлоно Шамсиддин Муидди Уча — XV асрда Жомда яшаган, суфийлар бошлиғи.

 - 6. Тарж. ар.: кечаси безор.
- 6. Тарж. ар.: кечаси оезор.
 7. Тарж. ар.: йил бўйи рўзадор.
 8. Ухуд ғазваси 624 й.да Абу Суфён бошчилигидаги 3 минг яхши қуролланган қўшин Муҳаммадга қарши қўшин тортади. Муҳаммад 700 қўшин билан уларга қарши чиқиб, Уҳуд деган жойда жанг қилади. Жангда Муҳаммад бошидан яраланади ва тош тегиб икки тиши синади. Алининг жасорати билан мадиналиклар ғалаба қозонадилар. Бу ерда Муҳаммаднинг муҳаддас жангда йўҳотган икки тиши хотири учун Шамсиддин Муидди ўзининг 32 тишини суғириб ташлагани ҳақида сўз кетади.

 9. Кичик Мирзо — Хусайни Бойқаронинг эгачиси Оқобегимнинг ўғли. Бобурнинг ёзишича
- «Бурунлари тағойисига мулозамат қилур эди. Сўнгра сипохийликни (хукумат хизмати, амалдорлик) тарк қилиб, мутолааға машғул бўлди. Дерларки, донишманд бўлуб экандур». Навоий «Мажолис ун—нафоис»да ёзади: «хўб табълик, тез идроклик, шўх зехнлик, қавий тавойи «Мажолис ун—нафойс» да езади. «хуо таоблик, тез идроклик, шух зехнлик, кавий хофизалик йигит эрди. Оз фурсатда яхши толиби илм бўлди ва кўпрок улум ва фунундин ўз мутолааси била вукуф хосил килди. Шеър ва муаммони хўб англар эрди, балки кўнгли тиласа айта хам олур эрди. Бовужуди бу фазоил дарвешликларга мойил бўлиб, Макка зиёрати шарафига мушарраф бўлди». Бу хикоят кичик Мирзонннг ана шу дарвешликка мойиллигидан далолат беради.
 - 10. Тарж. ар.: унга Оллоҳнинг раҳмати бўлсин.
 - 11. Таваккул Парвардигорга дилбасталик ва комил эътимод —ишончдир. Бу

маърифатнинг камолига боғлиқ мақом бўлиб, валийларга насиб қилади.

- 12. Тарж. ар.: Оллохга таваккал қилсин.
- 13. Шайх Ибррхим Ситнаба Иброхим Адхам сахобаларидан. Куняси Абу Исхок. Асли Кирмондан бўлиб, Хиротда яшаган, шу боис уни Хиротий хам дейишган. Қабри Қазвинда. 14. Қаноат қисматдан рози бўлиш, нафсдан воқифликдир. Озга қонеълик қаноатдир.
- 15.Мухбири содик садокатли хабар етказувчи. Мухаммад пайғамбар (а. с.)га нисбатан қўлланиладиган ибора.
 - 16. Шайх Шох Зиёратгохий XV асрдаги Хуросон машойихларидан бўлса керак.
 - 17. Тарж. ар.: қаноат қилган азиз бўлади.
 - 18. Тарж. ар.: тез даволанмайдиган демакдир.
- 19. Айюб пайғамбар. Исҳоқ пайғамбарнинг набираси. Ривоятларга кўра Айюбнинг молдунёси, Роҳма исмли хотини, бир уй фарзандлари бор экан.У дунё лаззатларидан бахраманд экан. Оллоҳ уни имтиҳондан ўтказмоқчи бўлади. Молу мулки қўлидан кетади. Айюб сабр қилади. Бир—бир болалари вафот этади, у сабр қилади. Касал бўлади, аъзой баданига яра тошади, хатто бу яралар куртлаб кетиб, азоб беради, у сабр килади. Рохма унга мехрибонлик билан хизмат қилади. Ннҳоят Оллоҳ Айюбга шифо бахш этади, Ҳавран элига пайғамбар қилиб жунатади. Унга янгидан мол-дунё ва фарзандлар ато қилади. Адабиётда Айюб сабр қаноат тимсоли сифатида тилга олинади. «Айюб сабрини берсин» деган дуо халқлар орасида кенг таркалган.
 - 20. Тарж. ар.: таъзим [фақат] Аллоҳ амричадир.
 - 21. Тарж.ар.: Шавқат Аллохнинг яратганигадур.
 - 22. Тарж. ар.: Аллохнинг яратгани.
 - 23. Тарж. ар.: Аллох томонидан яратилган.
- 24. Хожа Абдулло Ансорий Абу Исмои Абдуллох бин Абий Мансур Мухаммад ал— Ансорий — лақаби Шайх ул—ислом (396/1005—06 —481/1088—89), Ориф, ёзувчи, шоир ва донишманд. Жомий «Нафахот ул—унс»да ёзишича, қалами остидан чиққан нарсалари ёдида накшланиб қолар экан. 1000 байт араб шоирлари шерларини ёд билгн. Хожа Абдулло Ансорий Куръон тазкир ва тафсирида ўзини Хожа Имом Яхъё Амморниг шогирди хисобланган. У соф сунний бўлган 300 минг хадисни, минг—минг исноди (далиллар билан) ёддан билган. Асарлари Накли табакоти суфия», «Қошиф ул—асрор», «Муножотнома», «Муҳаббатнома», «Зод улорифин», «Қанд ул-соликин, «Қаландарнома», «Ҳафт ҳисор», «Илоҳийнома» ва б. Навоий «Насойим ул—мухаббат» идаги Ансорийга бағишланган мақола Жомий асаридаги мақоланинг қарийб айнан таржимасидир.
- 25. Мансур Хусайн бин Мансур Халлож Байзавий Кунияти Абулғайс (857—922). Аттор «Тазкират ул—авлиё»да унинг мақоласидан кўплаб нақллар, кароматлар, қатлининг тафсилотларини келтиради. Унинг «Аналҳақ» ини тушунган тарафдорлари ва рад этган муҳолифларини ном-баном санаб ўтади. Жумладан, Шиблий айтган экан: «мен ва Халлож бир машраб (феъл—атвор, тариқат, дин) данмиз. Лекин мени девоналикка нисбат бердилар, омон қолдим. Хусайнни эса унинг ақли ҳалок қилди». Мансур Халлождан «ишқ нима?» деб сўраганларида: «Ўлдирилган, соврулган кун — ишқдир», — деб жавоб берган экан. Аттор Мансурнинг қай тарзда қатл этилишини ёзади: аввал тошбурон қилинади, кейин қулларини, сўнг оёқларини, чопиб, бурун, кулокларини кесиб, кўзларини ўйиб, ташлайдилар. Хар бир аъзосидан жудо қилишаркан, Мансур жавоблар бериб турган, жумладан тилини қирқишдан аввал: «Бироз сабр қилинг сузим бор, деб юзини осмонга қаратиб: Илохи, сенинг учун шу ранжни тортаётганларни (яъни, унга азоб бераётганларни) мархаматингдан махрум килма, уларни шу давлатдан бенасиб этма!» деб илтижо қилган экан. Аттор таъкидлайдики, намозшом пайтида Халложнинг бошини танидан жудо қилар эканлар, у табассум билан боқарди ҳар андомидан «Анал — ҳақ» эшитилар, оққан ҳар томчи қонидан «Оллоҳ» нақши зоҳир бўлар

эди», — деб ёзади.

Эди», — део езади. Жомийнинг «Нафахот ул—унс», Навоийнинг «Насоим ул— мухаббат» асарларида Мансур Халлож хакида макола мавжуд. Охирида (хар икки макола айнан) Мансур Халложнйнг устоди Абу Амр бинни Усмон Маккий тавхил (Худонинг ягоналигига ва улуғлигига эътикод килиш илми — С. Ғ.)да бир рисола ёзганлиги айтилади. Уни пинхон тутар экан. Мансур уни яширинча олиб, ошкор қилади. Бу асар нозикликларини тушунмай, эл уни рад этади. Устод Халложни «илохи, бировни анга гумонлаким, илик—аёғин кесгай ва кўзин ўйғай ва дорға тортқай, деб карғаган экан.

Нимаики Мансур Халлож бошига тушган бўлса, устоди дуоси билан бўлди», дейилади. 26. Таважжух — зохиран, қалбан бутун борлиғинг билан ҳаққа юз тутмоқликдир. 27. Ризо — тасаввуфда таваккулдан кейинги мақом бўлиб, солик

ўз нафси ризосидан кутилиб, Худо ирода қилган, такдир этган нарсаларга рози бўлади (Ризо қазонинг аччиклигига нисбатан дилнинг шохлигидир).

- 28. Тарж. ар.: Оллохнинг ахлоқларини қабул қилгувчилар, демакдир.

- 28. Тарж. ар.: Оллохнинг ахлокларини кабул килгувчилар, демакдир.
 29. Халилуллох Иброхим пайғамбарнинг лақаби.
 30. Намруд Иброхим пайғамбарни ўтга ташлаган подшохнинг исми.
 31. Ишк тасаввуфда тарикатнинг энг мухим мақомларидан. Унга факат комил инсон етишади. Бу макомда ошикда шундай холат юз берадики, у ўзидан бегона, ноогох, замону макондан озод, махбуб фирокида куяди, ёнади, унга етишишга интилади.
 32. Тарж. ар.: Хакикатда Оллох гўзалдур ва гўзалликни севади, демакдир.
 33. Шайх Ирокий Шайх Фахриддин Иброхим Ирокий (1213, Хамадон —1289, Дамашк). Ёшлигида Куръони мажидни ёд олган ва ғоят гўзал кироат билан ўкишни ўрганган. 17 ёшида тасаввуфга майл килган. Дарвешларга кўшилиб, Хиндистонда Закариёйи Мултонийга шогирд бўлган ва унинг кизига уйланган. Макка ва Мадинага сафар килиб, Бағдодда Шихобиддин Сухравардий сухбатида бўлган. Куния хокими Муъиниддин парвона Тавкон шахрида унга хонакох куриб берган. Шом ва Мисрда хам бўлган. Қасида ва ғазаллардан иборат девонида 4800 байт ва Саноийнинг «Хадика»си пайравида «Ушшокнома» номли манзумаси бор. Асарлари ишкий ва ирфоний мазмунда. «Ламаот» номли насрий рисоласи ғоят машхур бўлиб, унга Жомий шарх ёзган. Шайх Ирокийнинг кабри Дамашкнинг Солихия деган ерида Шайх Мухйиддин ал—Арабий кабри оёғидадир. Унинг ёнида ўғли Қабириддин хам дафн килинган.
 35. Сиддик тасаввуфда сўзлари ва ишлари, билиму ахволи, равишу ниятлари, табиати ва ахлоки тўғри бўлган кишилардир. Сиддиклар валоятнинг аьло ва нубувватнинг адно (куйи) даражасида турадилар.
- даражасида турадилар.
- 35. Тарж. ар.: кудратли подшох хузурида, демакдир.
 36. Шайх Абу Саид Харроз Ахмад бин Исо Бағдодий (ваф. 277/890—891). Уни «Лисон ут—тасаввуф» (тасаввуф тили) деб улуғлаганлар. Асли Бағдоддан, Иккинчи табақа машойихларидан. Лақаби Харроз (пайабзал ямоқчиси). Мухаммад бин Мансур Тусийнніг шогирди: Зуннун Мисрий сухбатида бўлган. Тасаввуфда 400 асари борлиги Атторнинг «Тазкират ул-авлиё» сида қайд этилган.

III кисм

1. Жаъфар — Камолиддин Жаъфар бинни Али Табризий (ваф. 1456—58, Бухоро). Шохрух замонида камол топиб, Бойсункур мирзо (1399 — 1434) даврида котиби ва мусаввирларнинг бошлиғи бўлган. Шу боис жаъфари Бойсункурий деб имзо чеккан. «Сулс», «насх», «риқоъ», «райхон», «тавкеъ» ва «шикаста» хатларининг мумтози бўлган. Фирдавсий «Шохнома»си Низомий «Хусрав ва Ширин»и, Ҳасан Дехлавий «Девони», Саъдийнннг «Гулистон»и, Ҳофиз девонини кўчирган ва бу мўътабар қўлёзмалар Техрон, Париж, Истамбул, Лондон, Ленинград

шахарларининг нуфузли китобхона ва музейларида сақланади.

- 2. Азҳар Азҳар Табризий (1422, Табрез 1502/03, Байтул-муҳаддас). Жаъфар Табризийнинг шогирди, ҳаттот Мирали ва Жаъфардан сўнг «Настаълиқ» ҳатининг учинчи устоди ҳисобланади. «Сулс»ни олий даражага олиб чиҳҳанн сабабли «усули шашгона» (ситта) устоди ҳам саналади. Жалолиддин «Маснавий»си, ибни Яминнинг «Муҳаттот» (ҳитъалар)и, Низомий ва Хусрав Деҳлавийнинг «Хамса»ларини китобат ҳилган. Бу нодир ҳулёзмалар Теҳрон, Истамбул, Лоҳур, Манчестр, Нью—Йорҳ шаҳарлари китобҳонлари ва музейларида саҳланади.
- 3. Абдулҳай (1360, Боғдод —1420, Самарҳанд) хаттот ва мусаввир. Султон Увайсий Жалоирий саройида, Боғдодда яшаган. 1393 й. Темур Ироҳни истило ҳилганда Абдулҳайни Самарҳандга олиб келиб, ўзининг тасвир устахонасига бошлиҳ ҳилиб тайинлаган. Унинг «Бат» (ўрдак), «Жанг манзараси» ва «Гулистон» ҳиҳоятларига чизган расмлари давримизгача етиб келган. Умри охирида иртижоъчи доиралар таъсирида ўз санъатидан воз кечган ва кўп расмларини куйдириб ташлаган. «Насх», «сулс» ва «риҳоъ» хатларини гўзал битган. Бу ерда моҳир хаттот сифатида номи келтирилади
- 4. Моний Қадимий афсоналарга кўра Румда яшаган наққош. Нубувват даъво қилиб, наққошликни ўзининг мўъжизаси деб халойикни ишонтиришга интилган. «Аржанг» («Аржанг», «Арсанг» номида ҳам учрайди) номли асар ёзган дейилади. Бу асарнинг бир нусхаси Ғазнада мавжуд деган маълумотлар бор. Дейдиларки, Моний «Аржанг»ни бир ғорда сақлаган экан. Ғорнинг деворларига турли—туман гўзалларнинг расмларини ва манзараларини чизган экан. Бу ғорни «Нигористони Моний» деб аташар экан. Мумтоз адабиёт вакиллари (Рудакий, Фирдавсий, Низомий, Навоий ва б.) Монийни буюк рассомнинг тимсоли сифатида талқин қиладилар.
- 5. Аторид Уторид Меркурий сайёраси. Мифологияда бу юлдуз ёзувчиларнинг хомийси хисобланади. «Дабир» деб хам юритилади. Уторид хоким бўлган буржларда туғилганлар зехнли, хийлагар бўлар эмиш. Дўст юлдузлари Қамар, душманлари Шамс ва Зухра эмиш.
- 6. Юсуф Каньоний Яькуб пайғамбарнинг ўғли, ҳаёти ва қиссаси Қурьони каримда «Юсуф» сурасида келтирилган, лақаби Синодир. Юсуф пайғамбарликка ноил бўлган. У гўзаллик ва эзгулик тимсоли сифатида Шарқ адабиётига кирган. У ҳақда кўп кисса ва достонлар яратилган, жумладан, Х асрда Абулмуайяд Балхий Бахтиёрий, Амьақ Бухорий достонларн яратилган. Фирдавсийга нисбат берилган Юсуф ҳақидаги қисса муаллифи Амоний деган шоир эканлиги маьлум бўлди: XI асрда бу мавзуьда Масьуд Ҳиравий, Озори Тусий, Масьуд Кумий, Масьуд Деҳлавий, XV XIX асрларда шоирлар ўнлаб достонлар яратдилар. Туркий забон адабиётларда Али (XII), Ҳамидуллоҳ Чалабий (XI) достонлари ёзилди. Нозим Ҳикмат «Юсуф Каньоний» номли асар ёзди. Немис ёзувчиси Томас Мани 1926—33 йилларда бу мавзуьда қатор романлар ижод қилди. Ўзбек адабиётида «Юсуф ва Зулайхо» достонини Дурбек ёзган, дейилади. Лекин Афғонистонлик олим Муҳаммад Яьқуб Воҳидий Жузжоний бу достон муаллифинннг номи Ҳомиди Балхий эканлиги ҳақида маълумот эълон қилди.
 - 7. Анкар ал—асвот а.: Энг ёкимсиз товуш, овозни англатади.
- 8. Юсуф Андигоний «Бадиий» тахаллуси билан ёзган шоир. Навоий «Мажолис ун—нафоис»да таъкидлашича, тахсил учун Самаркандга борганида, у Андижондан келган ва бирга бўлишган. Кейин Хиротда яшаган. Навоий унинг яхши шеърлари борлигини, арузни билишлигини, муаммо рисоласи борлигини таърифлайди. «Бирмунча такаббур хам бор эди», деб кайд килиб ўтади. Лекин Юсуф Андижонийнинг овозга алокадор жихати хакида тазкирада сўз келмайди. Бинобарин, бу ерда Навоий нимани кўзда тутаётганини аниклаш мумкин. Балки шоир чиройли овоз билан шеър ўкиган, балки хушовоз хонанда бўлгандир.
 - 9. Салмон қаранг: шу китоб 25—б.; 35—изох.
 - 10. Жоруллох бу ном билан Махмуд Хоразмий Абулкосим Махмуд бин Умар

Замахшарий (467/1074 — 538/1143 — 44) Асли Хоразмнинг Замахшар шахридан адабиёт ва луғат илмида катта ишлар қилган олим, маълум муддат Каъба мужовири (Каъба ёнида яшаган) бўлгани учуи Жоруллох (оллохнинг кўшниси) лақаби билан машхур бўлиб кетган. Бир оёғидан айрилган эканлиги ҳақида маълумотлар бор. «Кашшоф», «Асос ул—балоға», «Муқадима дар луғат» каби асарлар ёзган.

- 11. Бу ерда Навоий Замахшарийнинг «Кашшоф» (кашф қилувчи, очувчи, тушунтирувчи, маънодор, пухта) асарини намуна сифатида келтирмоқда.
 - 12. Тарж. ар.: У ягонадур ва унинг шериги йўкдур. Оллохдан ўзга илох йўкдир.
- 13. Жилла жалолаху умма ва умма навалаху ва ло илоха хайраху а.: Буюклиги яна хам юксалиб, неъматлар умумий бўлсин. Ундан ўзга илох йўк.
- 15. Тарж. ар.: Оллох санга қандай яхшилик қилса, сен ҳам бошқаларга шундай яхшилик қилгин.
- 16. Нух пайғамбар. Ривоятларга кўра, одамларни имонга даъват қилиб мақсадига эриша олмай саросимага тушган Нуҳга «Кема яратгил», деб ваҳй келади: кема тайёр бўлган тўфон аломатлари кўринади. Нуҳ оиласи, бир қанча мўминлар ва ҳар тур ҳайвондан бир жуфтдан олиб кемага чиҳади. Унинг ўғли Ём «мен тоҳҳа чиҳиб, ҳутилиб ҳоламан», дейди. Кема даҳшатли далғалар орасида сузиб юради.

Нихоят, Оллохнинг қудрати билан бўрон тўхтайди. Олам бошқа олам бўлади. Нухнинг уч ўғли Сом, Хом ва Ёфасдан инсонлар яраладилар. Нухни иккинчи Одам деб таърифлайдилар. Нух 1000 ёки 250 й. яшаган эмиш. Шунинг учун халқ орасида «Нух умри» деган тушунча кенг тарқалган.

Адабиётда Нух умри, тўфонларга бардош берган ошик, тўфон эса ошикнинг, кўз ёши сифатида каламга олинган. Бу ерда Навоий Нух умрича умрим бўлса ҳам давр аҳли бевафоликлари ва замон хайли беҳаёликларини ёзиб тугатишим маҳол, — демокда.

17. Луқмон — Шарқ халқлари орасида Луқмони ҳаким номи билан машҳур асли ҳабаш бўлиб, Довуд пайғамбар замонида яшаган экан. У кимнингдир солиҳ қули бўлган, кейин озод қилинган, деган ривоятлар ҳам бор. Кўп билимларни айниқса, табобатни яхши билган Луқмон умри охирида ақлдан озган экан. Жомий «Нафаҳот ул-унс»да «Шайҳ Луқмон Сараҳсий» деб мақола беради ва унинг дунёдан ўтган чоғида машҳур шайҳлардан Абу Сайд Абул Хайр ва Абул Фазл Ҳасанлар тепасида бўлганларини ёзади.

Жомий Луқмоннинг «Илоҳи, подшоҳларнинг қуллари қариб қолганда, уни озод қиладилар. Сен азиз подшоҳсан, мен сенга бандиликда қаридим, озод қил», — деб илтижо қилганида, ғойибдан «Эй Луқмон» сени «Озод қилдим» деган нидо келган. Унинг озодлиги шунда эдики, ақли олинган эди», — деб ёзади. Бу ерда Навоий Луқмоннинг оддий бир қул бўлганн ҳақ инояти билан ҳаким ва набийликка ноил қилинганига диққатни қаратади.

- 18. Тарж. ар.: яхшилик қанотлари йўқ бўлмайдиган ва йўқ бўлмайди.
- 19. Тарж. ар.: Тоқат қилиб бўлмас нарсадан қочиш.
- 20. Тарж. ар.: Сенга буйруқ қилингандек тўғри бўл.
- 21. Тарж. ар.: Қаноат қилган азиздур.
- 22. Тарж. ар.: Ярамасликлар онаси.
- 23. Тарж. ар.: Икки дунё (бу ва нариги дунё)да мукаддас шариф инсондир.
- 24. Тарж. ар.: Ифлос бўлмоқ.
- 25. Тарж. ар.: Оллох таоло уларнинг рухларини мукаддас килсин.
- 26. Шайх Боязид Бистомий Тайфур бин Исо бин одам бин Сарушон (ваф. 280/873—74) улуғ машойихлардан, буюк авлиёлардан. Жомий биринчи табақаға мансуб, деб ёзади. Жунайд Боязид ҳақида: «Бизнинг орамизда Боязид малоикалар орасида Жаброил кабидур», деган экан.

Аттор «Тазкират ул—авлиё» да Боязнд Бистомнй ҳақидаги макрлатларда 125 нақл, каромат

ва ҳикматлар. Шайх Боязиднинг меърожи, «ҳамд», «Шайх Боязиднинг муножати» деб номланган алоҳида боблар беради. Навоий бу ерда пир иршодидан четга чнқиш солик учун хатарли, деган тушунчанинг исботи учун Боязид Бистомий ҳақидаги бир нақлга эътиборни тортади.

- 27. Хорун ар—Рашид (763 ёки 766, Боғдод 809, Тус) аббосийлар сулоласинниг бешинчи халифаси. Унинг даврида деҳқончилик, ҳунармандчилик, тижорат, илм—фан ва маданият равноқ топган. «Минг бир кеча»даги наҳлу ривоятларда у адолатли ҳукмдор сифатида тилга олинади.
- 28. Шайх Баҳлул Ҳорун ар—Рашид даврининг машойихларидан, замона алломаси Умар Куфийнинг ўғли бўлган. Ўзини девонавашликка солиб, жамият норасоликлари ва аъёну ашрофлар риёкорлигини фош этиб юрган. Лекнн Шайх Баҳлулнинг жунуни бор, деб уни жазолашмас эканлар. Навоий Ҳорун ар—Рашид билан Баҳлул орасидаги бир суҳбатни шукр ва қаноат бобидаги ўз ўгитларига мисол тарзида келтиради.
- 29. «Хуш» сўзининг арабча ёзилишидаги ҳарфлар йиғиндисидан «абжад ҳисоби» билан 906/1500 1501 й. чиқади.